

قصة صالحون عقيمة

نادية حسن

٢٠٠٧

لوحة الغلاف
بريشة
يامن الجمل

إهداء

إلى من وقف إلى جانبي وشجعني دون أن
ينتظر كلمة شكر أو تقدير ..
إليه أحنى رأسي محبة واحتراماً وإعزازاً وعرفاناً بالجميل
وإلى زوجي وأبنائي الذين تحملوا معي ومني
الكثير ..
إليهم جميعاً أهدى ما سطرت عسى أن ينال إستحسان ..

ناديه

هذه القصة إمتزج فيها الواقع بالخيال .. ولا يزال بعض
أبطالها يعيشون بيننا وآخرين انتقلوا إلى عالم آخر .. وقد
تتشابه القصص والأشخاص .. ويظل المجتمع يلعب دوره
فى دفع البعض لطريق لا يرضاه ولا يحبه .. خاصة إذا لم
يجد بديلا ... ؟ !!!

وهذا ليس تبريراً لما سترويه بطلات القصة ولكنه تقرير
لواقع عشنه ... خاصة إذا لم يتدارك المجتمع تلك السلبيات
والفساد والازدواجية التى باتت جزءاً لا يتجزأ من حياتنا ...

يونيو ٢٠٠٦

فى أحد الأحياء الراقية الهادئة يقع { صالون عقيلة }
للتجميل .. وهو ليس صالون لتصفيف الشعر وتهذيب
الأظافر .. إنما يحتوى على ساونا .. حمام جاكوزى ..
صاله جيم .. حمام مغربى ودلكة سودانى ورسم تاتو
وغيره من تلك الأشياء التى أصبحت نساء الطبقات الثرية
تلهث ورائها .. !!

ويتوافد على الصالون سيدات وأنسات من
أعمار وبيئات وثقافات مختلفة وإن كن جميعهن من
الأغنياء ..

تدير الصالون السيدة عقيلة وهي فى أواخر الستينيات
من العمر وإن كانت تبدو أصغر سناً ويبدو من شكلها أنها
غير مصرية وتسكن السيدة عقيلة .. فوق الصالون ..

فى هذا الصالون اعتادت خمس سيدات على اللقاء يوم
الثلاثاء { وهو اليوم المخصص للحمام المغربى
والدلكه } ..

هؤلاء السيدات لا تربطهن أى معرفة سابقة غير أنهم
اعتدّن على هذا اللقاء وغالباً لا يتبادلن إلا الابتسامات مع
إيماءة الرأس والتمتمة بكلمات غير مفهومة .. !!

الى أن يأتى يوم ولا تأتى احداهن ويتكرر عدم
ظهورها على مدار عدة أسابيع مما دفع احدى هؤلاء
السيدات لسؤال صاحبة الصالون عن السيدة المتغيبية ونفاجأ
بأن صاحبة الصالون لا تعرف الكثير عن رواده أو هكذا
أظهرت .. !!؟

وعندما أتت السيدة المتغيبية إلتفتت السيدات حولها
للأطمئنان عليها وتبدأ الحوارات والتعارف وبعد أن كان
الصالون يجمعهن اقترحت واحدة منهن ان يكون اللقاء فى
منزل احداهن وبالتناوب ومن خلال اللقاءات نفاجأ بأن كل
شخصية تحمل قصة وأخطاء تحاول إصلاحها وإخفائها ..
وأن ما تظهره هؤلاء السيدات مخالف تماماً عما بداخلهن
والسيدات هن :

■ **زبيده أحمد هنا النواصرى :** فى لواخر الثلاثينيات
تتميز بجمال مصرى واضح .. قليلة الكلام .. تحمل فى
يديها دائماً كتاب انجليزى أو فرنسى ..

■ **وليفه سيف الجهنى :** فى لواخر الأربعينيات تجمع
بين الجمال التركى واللبنانى وهى من سيدات الأعمال
للخيرية وجميعات حقوق الإنسان .. متزوجة من رجل
أعمال .. دائماً فى عينيها نظرة حزن .. !!

■ **نهى الحسين :** فى منتصف الثلاثينيات سيدة أعمال
مدخنة .. تتميز بذكاء حاد أكثر منها جميلة لا نعرف إن
كانت متزوجة أم لا ..

■ **هكمت نور :** مضيئة طيران فى لواخر الثلاثينيات
تتميز بقولم رشيق جذاب هجومية .. شديدة الاعتناء بنفسها.
تملك محل فى الزمالك متزوجة من كاتب لا يعرف له
انتماء أو مذهب ..

■ **نانو جرجس مطا :** لا نعرف وظيفتها وأن كان يبدو
عليها الثراء ولا تستطيع ان تحدد لها سن لكنها أصغرهم

سناً مرحة جداً ومتحمسة دائماً تتصرف بتلقائية .. تحمل
الملاحح اللبنانية متزوجة من رجل يكبرها بعشرات
السنوات ..

— هؤلاء هن البطلات الرئيسيات .. وتتوالى الاحداث
من خلال القصة ..

شفة نهى الحسين فى المهندسين فى الدور الرابع تتميز
بنوق على جدا فى المدخل نلمح ثلاث صور لنهى بفستان
للزفاف بهيئات مختلفه ولكن بلا زوج ..؟! واربعة صور
لأطفال متباعدين فى العمر والملاح ..!! تدخل السيدات
بعد أن فتحت لهن { آنيئا } الخادمة الآسيوية .. ولا أحد
يعلق على الصور وإن كن لم يستطعن اخفاء تعجبهن ..؟!!!
تأتى نهى مرحة بهن وقد ارتدت بنطلون حرير أسود
وبلوزة قصيرة بيضاء وقد زينت يديها بجميع أنواع
الغوليش وتقابلهن بترحاب شديد ..

— أهلاً وسهلاً المهندسين نورت ..

يرد الجميع : دا نورك ، ويجلسن فى غرفة المعيشة
فى أحد جوانبها طاولة عليها مفرش أزرق ارتصت فوقه
عصائر ومشروبات غازية وفاكهة وجميع أنواع المكسرات
وسجائر ومقرمشات وعلى بعد تقف الخادمة الفلبينية إلا انه
وبإشارة من يد نهى تختفى فى الداخل ..

وتبدأ رثيفة الكلام : وحشتوتى .. ويبتسم الجميع ..

وتقول نانو لنهى : بيتك شيك قوي ..

نهى : ميرسي ده بس من ذوقك ..

وتتدخل حكمت فى الحديث : إيه الرسميات دي .. أنا
مش بحب كده ..

نانو : فعلاً طيب إيه رأيكم لكسر الرسميات دي ..

فى هذه الأثناء نلاحظ أن زبيده لا تتدخل فى الحديث
باي صورة .. وأن كانت تتابعهن ..

وتعلق حكمت : عارفين أحسن حاجة لكسر الرسميات
إن { وتلمع عيناها } كل واحدة تحكى عن نفسها ولا حد
عنده مانع ؟

وتعلق زبيده وبلا إنفعال : يمكن كل واحد عنده
ظروف وأسرار .. ومش عايز يقولها ..

وتلفت إليها رقيقة وهى مبتسمة : لا فض فوك أخيراً
سمعنا صوتك ..

وتتدخل نانو في الحديث : صح آه كل واحد فينا
تحكي حكايتها .. وأهو نتسلى .. ونقرب من بعض ..
نهى : مفيش مانع بس ها نقول إيه .. ونبتدى منين ؟
وتتظر إليها زبيده شاردة : اللي يتقال كتير { وقد علا
صوتها نبرة أسى وحزن } بس مين يسمع ولا يفهم ولا حتى
يقدر ..

حكمت : يا سلام على الحكم ..
رثيفة : مفيش مانع على شرط كل اللي نسمعه هنا ما
يطلعش بره .. يعنى يبقى سرنا ..
زبيده : وده نضمنه ازاي .. وأحنا يادوب نعرف
بعض ..

نهى : نقسم ونتعاهد ..
زبيده : لأه نجيب مصحف نحلف عليه ..
ويظهر الإرتباك على وجه نانو وتقول : يعنى لازم
للمصحف .. أصلي أنا مش مسلمة ..

وتتعجب زبيده وسرعان ما تعلق وبلا تفكير : ايه مش
مسلمة ، مش باين عليكى .. !!

وتتدخل رثيفة بدبلوماسيه ورقى : الموضوع بسيط
خالص هاتو المصحف والإنجيل ومن باب الاحتياط التوراة
يمكن يطلع حد يهودي ويضحك الجميع ..

وتبدأ نانو الحديث : طيب هانبتي بمين .. ؟ !!

وتتظر كل منهن إلى الأخرى ..

وتتكلم نهى وكأنما تبعد هذه البداية عنها : أنا صاحبة
البيت ما ينفعش .. عشان على الأقل أقدر أضيفكم ..

حكمت : خلاص نبتدي بأقل واحده بتتكلم فينا ..

رثيفة : مفيش غيرها زبيده ..

وترتبك زبيده : اشمعنى أنا يعني .. !!! وتشريح
بوجهها إلا أن الأخريات بيدوا انهن يردن أن تبدأ هى
أولى الحكايات ..

نهى : يا ستي الدور هايجي علينا ، انتي خايفة نضحك
عليكي وما نحكيش ..

زبيده : مش القصد بس هاقول ايه .. هو أنا عندي
حاجة نتقال أمي ليام وعدت على ..

نانو ببساطة شديدة : ولا حاجة احكي لنا عن اسمك ،
منك ، ولا بلاش منك دي ، متجوزة ولا لاه ، عندك اولاد
، اتخرجتي منين .. كده يعنى .. حاجات من اللي بنقعد
نقولها طول النهار وللليل ..

زبيده : لو كان على كدة مش مشكلة ..

وهنا تتحرك نهى قائلة : لا لازم تقعدى على كرسي
الاعتراف .. الحكاية مش سايبه وتحرك كرسي كبير ..

وتجلس زبيده على الكرسي وتتصدر الغرفة وكأنها
سيدة المكان ..

ولا يفوت رقيقة أن تضيف جواً على الحدث : طالما ها
نحكي نجيب النسكافية والسجاير اللي عايز ..

ويلتف الجميع حول زبيده منهن من جلست على
الأرض واخرى على طرف الطاولة واخرى على
كرسى ..
وتبدأ زبيده فى الكلام ..

الحكاية الأولى .. زبيده

— أنا اسمى زبيده أحمد حنا الشوادي .. وهنا تقفز
نانو كالطفلة الصغيرة ..

— إيه .. حنا ده جه منين مش باين عليكى ..
ويضحك الجميع ..

زبيده : الاسم ده طول عمره عامل مشاكل شوفى
ياستى جدى كانت أمه بيموت لها كل عيل يتولد .. وفى
يوم جارتها المقدسة قالت لها { أنا حلمت امبارح انك
حتجيبى ولد وعشان يعيش سميه حنا } ، ولما ولدت جدتى
جابت ولد وخافوا الحلم يكون صح فسموه حنا .. هي دى
الحكاية ..

حكمت : بقولك إيه أنا حقولك { بادية } أو { بودى }
بدل زبيده ممكن ..

زبيده : يا ستى أى حاجة كله فى السكفونيا ..
وتستغرب حكمت اللفظ ولا تستطيع إخفاء دهشتها ..
وتتظر لها باستغراب : سكفونيا .. مفرداتك غريبة قوى

مش ماشية مع الكتب اللي دايماً معاكى هو إنتى يا بادى
خريجة مدرسة ايه ..؟

وترد زبيده بكل ثقة وفخر : أنا خريجة الجيزويت ..

وتقول نانو : ايه الجيزويت معقولة !!؟..

وإن كانت تخفى إبتسامة .. ولم تتمالك رقيقة نفسها :

طبعا مش معقولة اللي بتقوليه ده .. !!

إما زبيده فقد ظهرت عليها علامات التعجب وتعتدل
فى جلستها وتضع ساقاً على ساق وتكلمهم محذرة : بصوا
إذا كنا من الأول ها نخون بعض وتكذبوني آمال ها
تصدقوا الباقي ازاي الظاهر الثقة معدومة أنا ها سكت
خالص .. وحد غيرى يحكى حكايته ..

وتتظر السيدات لبعضهن

وتسارع حكمت بالكلام وقد أخذ صوتها رنة التهريج :

يا زبده احنا اتفقنا على الصدق وحلفنا واتعاهدنا على الكتب
السماوية .. والبداية كده صعبة.. يعنى محتاجة نتلم شوية
.. وأحنا مش بنخون حد ..

زبيده : صعبة ليه هو أنا أقل من اللي بيدخلوا
الجزويت ؟؟ ولا هم أغنى منى ..
رثيفة : لأه مش أقل ولا حاجة بس استحاله ..
وتتدخل نانو ببساطه وهدوء : براحة عليها شوية
إسمعى {يا زادي} حلو النلع ده مش كده .. الجزويت
مدرسة فرنساوي مشهورة ومعروفة من زمان بس للولاد
وملهاش أي فروع للبنات يعني مدرسة صبيان بس عرفت
ليه بنقول استحالة ...
وعلى الفور تبدأ زبيده فى البكاء وتتنظر من حين الى
آخر لهن لعل أحد ينقذها أو يربت على كتفها ..
وسرعان ما حسمت نهى الموقف خاصة أن بكاء زبيده
قد أخذ فى الارتفاع : خلاص يا جماعه مش شغلانة ولا
أنتم ماشيين على الصراط المستقيم ..
وتؤكد على كلامها نانو : صح من منكم بلا خطيئة ..
ولا يهكم يا { زادي } احكي بس من غير اضافات أوكى ..
يعنى قولى الحكاية زى ما هى .. كده يبقى أحسن ..
وترد زبيده : اتفقنا ..

وتعتدل فى جلستها وإن كانت سرحت بعيداً وجاء صوتها وكأنها من عالم آخر : أنا حكايتى حكاية أنا أصلاً من الحوامدية أبويا فلاح وأمى ماتت من زمان وأحنا أخوات كثير قوي ومصاريفنا أكثر أنا سبت المدرسة من أولى ابتدائى وأخواتى معرفش عنهم حاجة .. واحدة أتجوزت فى الخليج والباقي اتربى فى بيوت وبراضه معرفش عنهم حاجة .. أبويا — ربنا يسامحه — بعتنى من صغرى عند نازلة هانم فى الزمالك واتجوز تانى وتالت وما شفتوش من ساعة ما رحت لنازلة إلا يمكن مرة ولا اتنين .. وتنتهد تنهيدة طويلة ..

وسرعان ما تتدخل رقيقة وكأنها تقرر حالة : احنا فى لجان المرأة وجميعات حقوق الانسان مهتمين جداً بهذه القرى وخاصة الحوامدية وبنحاول نقلل من هذه القضايا بتوعية الآباء والأمهات وبخلق فرص للعمل وبالفعل فى نتائج مذهله ..

وتضيف نهى مؤكدة على كلامها وقد اشعلت سيجارة :
أنا متابعة أخباركم حتى نوادي الروتاري والليونز قامت

بحملات توعية وجمعوا تبرعات كثيرة للأنشطة دي وجايه
نتائج تفوق التوقعات ..

وتفريق زبيده على هذه الآراء وتكمل حكايتها : يا ريت
كنتم ابتديتم من بدري كنتم لحقتوا البنات اللي اتبهدلوا المهم
.. أنا رحت عند نازلة هانم وهي ست شيك قوى وقاعدة
فى فيلا فى الزمالك وزى ما قللتكم أنا من صغرى هناك
لخدم بس مش خدامة قوى .. يعنى زينة كده يلبسوني فى
الحفلات فستان اسود ومريلة بيضاء ويحطولى شريط
أبيض على شعري وأتمشى وسط الضيوف بسجائر ونعناع
وورد .. ونازلة هانم علمتني كام كلمة فرنساوى على
تركي وكبرت هناك .. ونازلة هانم كانت حفلاتها كثيرة
قوى وكلهم ناس مهمين ومن كل بلد ولما تميت ١٦ سنة ..
ظهر الشيخ زيدان وكان كل ما يشوفني يدينى بقشيش كثير
بس نازلة هانم قالت لي { اطلبي منه ذهب لودائك وايدك
والفلوس دي تفتحي بها حساب في البنك } وفعلاً اخدتنى
البنك وفتحت لي حساب وعملت لي بطاقة كمان وبقي

عندي ذهب وحساب فى البنك .. وتسكت تماماً وكأنها
تحاول استرجاع الحكاية كما حدثت ..

وتعلق نانو : فيلم عربي ده ولا ايه ؟!

وتلقت اليها زبيدة مبتسمه : لأ الفيلم العربي بعدين ..

وتسارع نانو بالكلام .. وسط سكوت الأخريات : ايه

اتجوزتى الشيخ ..؟!

زبيدة : لأه وبعدين ما تيجى تقعدى مكاني وتحكى ..

ويضحك الجميع ..

نهى : خلوها تحكى الموضوع باين عليه مليون حاجات

ومحتاجات ..

وتكمل زبيدة الحكاية : بعد شوية الشيخ زيدان بقى

يتبسّط معايا مرة يطيطب ومرة يزغزغني وما منعنوش ..

بصراحة أنا من يوم ما أتولدت عمرى ما قلت لأه ..؟!

وفى يوم لقيت نازلة هانم بتقولى : يازوزو أنت خلاص

كبرتى وعندك رصيد فى البنك وذهب ما تحلميش بيه

وأهلك أولى .. وأنا دورى كده خلص ومعرفتش أقولها ايه،

ورجعت عند أهلي اللي نسيتهم ومعرفهمش ولقيت الدنيا
زحمة وقرف ودبان وحمام شرك .. وحاجة غلب وما بقتش
قادرة وفي يوم صحيت ولميت حاجتي كلها وسبتهم حتى
من غير ما أسلم عليهم .. ورجعت لنانة هانم .. وأول ما
شافتنى قالتلى إيه البهيلة اللي بقيتي فيها دي ومالك
اسوديتى ونشفتى كدا !! قلتها أبوس أيديك أنا حاولت أعيش
هناك لكن معرفتش ..!! لقيتها بتقوللى وأنا أعملك إيه
كبرتك وحافظت عليكى .. واهو فى بدل البنت عشرة
وفعلا لقيت بنات صغيرة لابسة نفس اللبس وواقفة نفس
وقفتى وقلت فى نفسي أيام وبتدور .. سكنت زبيده
وسرحت بعيداً ..

ولا تمهلها نانو لتسرح : لاه فى عرضك أنا عايزة
أعرف الباقي؟؟

حكمت : فعلاً الموضوع يشد آوى وتعتدل .. فى
جلستها ..

زبيدة : آخذ نفسي انتم بتسمعوا حكاية وخلاص .. لكن
ده عمري اللي ضاع وأخذت فى البكاء ..

ولم تمهلها حكمت لتبكي : تانى .. يا بنتى إيه مركبة
حنفية من غير جلدة .. اسكتى شوية ..

وتتظر إليها زبيده نظرة لا تخلو من سخرية : خلاص
يا معدلة .. احنا وقفنا فين عشان أنا بنسى ..

وترد نهى : لما نازلة هانم قالت لك وهى تعملك
إيه ..؟! ..

وتمصمص زبيده شفتاها : هانم دي طلعت .. ولا
بلاش برضه صاحبة فضل على .

وتسألها حكمت مستوضحة : هي إيه .. طلعت وترفع
يديها كأنها راقصة ..

وترد زبيده : يا ريته كده .. دي كده .. وكده وهى
بتشاور بيديها وتفهم من الإشارات إنها هانم من هوانم
{أسواق المتعة} .. ولكن على مستوى عالي ..

وتتدخل رقيقة بهدوء وشياكة : ما تحكى وبلاش شغل
العوالم ده ..

وترد زبيده مستكرة وقد مالت بجزعها للوراء :
العوالم اسمهم عوالم لكن المصيبة في العوالم المداريين
وعاملين نفسهم هوانم والناس فاكراهم كده .. يلا ما علينا
.. لاقيت نازلة قلعت برقع الحيا .. وقالت لي : بصى يا
زوزو انتى بشكلك ده فى سوق الحريم ما تساويش ٣ صاغ
لكن لو نضفتي هتساوى كتير وزى ما قولتكم أنا عمري ما
قولت لأه .. وسنفرونى مرة حمام رده بدم الغزال وصابون
مغربي ومرة فرد شعر وعيون ملونة .. وحاجه كده ولا
السيما ..

وتتدخل نانو باستتكار : يا زادي اسمها عدسات ملونة
عشتك فى الفيلا مغيرتكيش ..

وترد زبيده بسخرية وعجرفة : غيرتني خلتي
مسعورة وعلمتني عوجة اللسان .. ما تخلىنى على طبيعتي
تصورا لغاية دلوقتى أنا مش عارفة أنا مين ؟ زبيده اللي
من الحوامدية ولا { زيزا } بتاعة الزمالك { وبدت عليها
علامات البكاء }

الا أن نهى تلحقها قائلة : مش وقته دلوقتى .. بعدين
ها نعيط كلنا ...!!!

وتتدخل رثيفة بهدوء وثقة : فعلاً بعدين ها نعيط
كلنا ..!!

ويضحك الجميع ..

وتعود زبيده لقصتها المهم بقيت واحدة غير الواحدة
وعلموني شرب السجائر .. وجه يوم العرض وشفت الشيخ
زيدان والشيخ حمد والوزير ده الله يرحمه مش فاكره اسمه
وسفير من بلد كده جنبنا المهم أنا نزلت من هنا ودول
تقولي كلاب ما نعين عنها الأكل من عمر فات .. وبقوا ها
يتجننوا

نانو : أكيد كنتى لابسة ولا بتوع الفيديو كليب من غير
هدوم .. شفاف وألوان

وتتظر لها زبيده نظرة المتعجب المتساءل : تقصدي
عريان .. والنبي انتى باين عليكى .. وشسكت ..
نانو : ايه ساذجة ..

زبيده : لأ هيلة ومتفهيمش فى سوق الرجاله ..

نانو : بصراحة .. أنا متجوزة بس معرفتش يعنى ايه
رجاله .. بس بعدين لما يجى دورى ابقى أقولكم .. وتعيد
عليها السؤال أمال لبستى ايه ..؟؟

زبيده : فستان اسود طويل ومفتوح من الجنب
وحطولى كحل اسود .. ونازله هانم قالت لي امشى حافية
وأوعى تتطقي بكلمة زيك زى الكرسي ولما ابص لك
تطلعي فاهمة وفعلاً عملت زى ما قلت بالضبط .. وقعدت
ما انزلش يمكن اسبوع .. وبعدين نازلة هانم قالت لي :
يابنت بكرة تروحي تصبغى شعرك وترسمى حنة عند
صالون عقيلة .. ويصرخن جميعا وفى صوت واحد .. ايه
صالون عقيلة ...!!؟

وتتساعل رثيفة بتعجب : بتقولى ايه كوافير عقيلة اللي
بنروحه ده ..!؟

زبيده : أه ياختى عقيلة كعب الغزال دى كانت موردة
١٠٠ %

حكمت : يا نهار اسود أنا كمان كنت باستغرب
الحاجات اللي بتطلبها منى وأسماء المحلات اللي
بتعرفها !!... كلها كانت عجيبة وغريبة ..

زبيده بتعجب واستنكار : بتطلبها منك دى عندها زيك
دسته .. اسكتوا بقى عشان احكى .. ورحت لعقيلة .. وتم
التغيير المطلوب بس المرة دى لبست شورت وبلوزة زرقاء
حاجة خواجاتى ..

ولا تسلم زبيده من التعليقات خاصة من نانو التى
وضح انها تتميز بتلقائية وبساطه شديدة ..

— يا سلام اتارى الألوان دى لها سحر ..

وتضحك زبيده : آمال إيه يابنتى دى نازلة هانم ..
المهم نزلت وكان في اليوم ده موجود حازم بك واحد كده
عنده مصنع قماش ..

وسرعان ما يظهر الفزع على وجهه رثيفة
وتسارع بالقول والسؤال : وحازم ده شكله إيه يا
بت؟!

وتلقت زبيده وقد تحفرت للرد : بت تبك لى نفسك كلنا
هنا هوانم !!..

ولا يتدخل احد فى الحوار وان كان ظهر عليهن
الذهول والاستغراب من تغير لهجة زبيده التى تحولت من
هانم إلى امرأة سوقية ..

وام تمهلها رثيفه فرصة الاستمتاع بهذا الدور الذي
يبدو إنها تتألق فيه وقبل أن تستدير زبيده لتكمل هذه
الوصلة تسارع رثيفة لحسم الموقف :

— ماشى .. هانم وست الهوانم بس أوصفيه .. حازم
ده شكله ايه ويظهر عليها التلف

وترد زبيده ببرود : هو راجل طويل شوية وسفيف كده
شعره ناعم وراجع لورا وتحسى انه مسهوك فى الكلام
والدغ فى الره ..

وتقفز رثيفة مذعورة : يخرّب بيتك .. وتفتح شنطتها
وتخرج صورة لثريها لزبيدة متسألة .. هو ده حازم !!..

زبيده ببساطه : وريني كده .. وتمسك بالصورة وتدقق
النظر وتلتفت إليها مجيبة اه هو ده حازم { زوزه } ..
وتقع رثيفة من طولها ..

وتتحرك نهى قائلة : يا نهار ابيض فى ايه ؟
وتوجه الحديث لحكمت ونانو : قوموا امسكوها .. وانا
هادخل بسرعة أجيب ليمون أو أى حاجة بسكر ..
نانو : وتدخل ليه .. العصير هنا { وتشير
للطاولة } ..

نهى : اه .. الواحد أتلهى
وتتحرك لتملأء كوب عصير وتفتح بق رثيفة وتشربها
العصير ..

وتبدأ رثيفة فى استعادة وعيها ..
وتوجه زبيده الحديث لها بهدوء وبرود لا يتناسب
والموقف : فى ايه مالك كده زى ما تكون قرصتك عقربه
هو حازم بيقالك ايه .. ؟؟

وتحاول رثيفة أن تصطنع الهدوء : أبدأ جوزى !!..

ويصعق الجميع ويقلن بصوت واحد : جوزك ..

نانو : معقولة وببيروح الأماكن دى ...!!؟

وتشعر إنها تسرعت فى الكلام فتبادر معتذرة لزبيده :
أنا آسفه يا زلدي .. أصل يعنى الأماكن دى ..

ولا تنتظر زبيده لتسمع الاعتذار : ولا يهكم بس
المكان ده انضف من أماكن كتير .. وعلى فكرة كبارات
البلد هم اللي بيجوا .. وياما بيتعقد جواه صفقات وتتأخذ
قرارات !!

ولا تهتم رثيفه بما يدور وكأنها تكلم نفسها : حازم
بيروح هناك أنا مش مصدقة .. إمتى وإزاي وأنا كنت
فين !!؟

وتكمل زبيده : مش مصدقة ليه .. هو حازم مش
راجل وعنده صفقات وتوريدات .. وحاجات كده من اللي
الكل بيجرى عليها ..

رئيفة : اه بس برضه الواحد مش بيتوقع من جوزه
كده .. يمكن اى رجل تانى ونلاقى ألف عذر ومبرر ..

وتتدخل حكمت فى الحديث وكأنما توصلت إلى شئ
غاب عن الجميع : هى دى الكارثة كل واحدة فاكده نفسها
متجوزة ملاك وكل التانيين شياطين ..

نهى : على العموم ده مش وقته واضح ان الحكاية لسة
مخلصتش كملى يا زادي

وتعود زبيده لمكانها بعد قيامها لاخت عصير وسط
المناقشة .. وتعتدل كل واحدة فى مكانها .. ويظهر على
رئيفة الذهول وعدم التصديق وتكاد تكلم نفسها !..

وتوجه زبيده حديثها لرئيفة : براحة على نفسك مش
كده .. وبعدين زعلانة انه راح لنازلة مش انتى اللي
منفضاه أول بأول على المظاهر والفسخرة الفاضية ..

وتتنفض رئيفة مرة ثانية كمن لدغتها عقربة : ايه
بتقولى ايه منفضاه ! ده مخلىنى على الحديدة .. ده أنا

أحترت فيه .. وقال إيه تانى .. ماهو لازم يقول كده
علشان بيررلنفسه .. قال إيه تانى

وتضحك زبيده ولا ترد

وتصر رئيفة على السؤال وبالحاح : ما تقولى قال إيه
ما تقولى ..؟

وتتدخل الباقيات بابنتى قولى لها وخليها تستهدى ..

وتستمر زبيدة فى الضحك وبيروود ولا مبالاة وتزددن
هن إصراراً على ان تتكلم

وبدلال لا يتناسب والموقف : بيقول عليكى .. ولا
بلاش .. ولا أقولك حرام .. بصراحة كده بيقول عليكى
مش ست وخايبة ..

وهنا ترتعد رئيفة كالمذعورة وتقوم وتفرد نفسها وكأنها
تستعرض جمالها .. وتقول : خايبة ومش ست اصله ما
عندوش عنين .. وخايبة كمان ربنا يسامحه ..

وتتدخل حكمت بهدوء : اهدى شوية الراجل اللي عايز
يلعب بديله لازم يقول كده مراتى مش حاسة بيه .. عطلول
مبوزة .. مش معنتية بنفسها ..

وتكمل نانو الحديث : زى الست اللي بتعرف واحد
تانى محدش عايز يواجه نفسه بالحقيقة ويقول أنا اللي عيني
زايغة ومحتاج تغيير ..

وتهز نهى رأسها بالموافقة وتتدخل بالحديث : مش
ضرورى عينه زايغة أو محتاج تغيير ممكن الواحدة تعرف
غير جوزها للمعرفة وبدون هدف مجرد ارتياح ..
وخلص وبلاش المسميات الكبيرة دى وده بيحصل أحيانا
فى مجال الشغل والمعرفة الطويلة .. بس الناس غاوية
استهبال يعنى بدل ما تقول صديقى تقول زميلى وبدل ما
أقول بيعجبني أقول تصرفاته محترمة .. والخدمة .. مديرة
منزل كلها أقنعة وازدواجية بصراحة مش كل معرفة لازم
يبقى وراها خراب بيوت وخيانة وبعدين أنتم دخلتونا فى
تفريعات كثيرة لدرجة اننا نسينا الحكاية ..

وتكمل رثيفة بتأكيد : لا أنا منستش هي نزلت وكان

موجود { زوزو } وإيه الدلع البايخ ده ..

زبيده : بصي يا رثيفة ده ماضي وخلص وأنا بحكي
عن حازم لأنه كان غريب ومختلف شوية عن اللي شفتهم

..

وتبادر رثيفة بإستتكار : يعني إيه غريب .. إنتي كل

شوية تقولي حاجة تجنني ..

وهنا تقوم نهى من مكانها موجه حديثها لهما : ممكن
تهدوا شوية بقول إيه خدوا أشربوا عصير - وتمد يدها
لهما بالعصير - وروقوا كده ..

نانو : مش معقول كده دي مش حكاية دي ..

حكمت : احكي يا زادي وعلشان خاطري من غير

تعليقات ممكن .. اتفقنا .. خلاص يا رثيفة إتفقنا ..

وترد رثيفة بزهد : اتفقنا .. بس قدروا إن ده

جوزي ..

زبيده : المهم ان نازلة هانم كانت مهتمة قوى بحازم

.. الظاهر كان بينهم شغل مهم .. وفوجئت بنازلة بتقولي

لروحى عند عقيلة وقصى شعرك وأصبغيه أسود ولما
حازم يجى عايزك تلبسى بنطلون أسود وبلوزة كدة قصيرة
وتدخنى سجائر وما تقوليش غير كلمة واحدة لو حازم
كلمك { لاه } فاهمة ولا مش فاهمة { .. ودى كانت المرة
الوحيدة اللى قلت فيها لاه عند نازلة هانم وبصيت لاقيت
نفسى عاملة زى الولد بالظبط بس ولد ما يص مابع .. ولما
جه حازم عملت زى ما قالت الهانم .. وجه حازم تانى يوم
.. لكن نازلة قالت لى كلميه عادى .. ولو حب يطلع
يستريح اطلعى معاه .. بس زى ما تطلعى زى ما تنزلى
فاهمة أنا مش عايزة فضايح .. وتتوقف زبيدة عن
الكلام ..

وتبادرها رقيقة : يا زادى متشفيش دى حازم اتكلم
معاكى قالك ايه .. ؟!

وببرود متناهى ترد زبيدة : يعنى ها يقول ايه .. كلام
زى كلام الرجالة شعرك .. ايدك .. رجلك أمان يعنى ها
يقولى ها تنتخبى مين ؟ ولا ايه رأيك فى مشكلة الشرق
الأوسط ؟! الكلام ده يقوله الراجل لمراته ..

رئيفة : آه السياسة والبورصة .. وقف المصنع
والتصدير ..

وتضحك الباقيات ..

زبيده : هو أتكلم فى حاجات كثير مش فاكراها وبعدين
طلب يطلع بسترىح فوق وطلعت معاه ولقيته بيقولى ممكن
تدعكى لى ضهرى ..

وتستغرب السيدات ويلوين شفاهن ..

وتقول نانو باستتكار : بس كده .. !!؟ ليه هو عنده
حساسية .. ؟

حكمت : حساسية أيه خليها تحكى أكيد قال حاجات
تانية

زبيده بهدوء : لا تانيه ولا تالته .. بس كده .. آمال
إنتى فاكراه أيه ؟

وتتساءل رئيفة بعدم تصديق : انتى بتضحكى علينا ولا
فاكرانا هبل .. !!

وترد زبيده وبنفس الهدوء : وحياة كتاب الله هو ده
اللى كنت بعمله ادعك ضهره ورجليه بشكل الواد المايص
ده وكان بيبقى مبسوط .. وبعدين فجأة ما بقاش يجى
خالص .. وخلصت حكاية حازم ياست رئيفه هانم ..

حكمت : أنا كنت فاكراه غير كده .. خالص !!؟.. وقد
ظهر الخبث فى نبرة صوتها ..

زبيده يثقة : لا .. ده بعدين لما جه الشيخ حمد وكان
هيموت على .. وهنا نازلة قالت له : {فى الحلال ياشيخ
شبكة ومأنون وورق أنا بخاف ربنا !! آه إلا شرع الله} ..

نهى بذهول : يا سلام على الإيمان والتقوى والورع
.. أنا هاعيط من الخشوع

زبيده : امال ايه هانم !!؟.. والورق لازم يبقى تمام
ومحذش يمسك عليها حاجه

رئيفة : وده كانت بقى طلباته ايه !!؟.. تدعى ظهره
ولا رجليه !!؟..

وترد زبيده ساخره : طلباته عجب وحياتك مش عايزه
افتكر .. وتتغير معالم وجهها الى قرف وحزن ..
واتجوزت الشيخ زفت حاجة قرف لا عنده دم ولا انسانية
ولا دين وتتمتع عيناها .. وبعد اسبوع اتطلقت وطلعت من
الموضوع ده بميت ألف جنيه ومحل مفروشات فى اول
الهرم ..

وتسارع حكمت بالتعليق : ياه كل ده فى اسبوع واحد
.. دى نازلة دى استاذة ..

رثيفة وكان لايعنيها الا الاطمئنان على زوجها : طيب
حازم جه تانى ؟

وتلثقت إليها زبيده بملل وضيق : يادى حازم مجاش
لكن زارنى فى محل { شاتوه } وفرشه على حسابه ..
استريحتى بقى ..

وترد رثيفة باستتكار : ايه هو انتى اللى المحل بتاعك
فى اول الهرم ولونه ازرق فى اخضر ..!!؟
زبيده : برافو عليكى .. هو ده ..

وترد رثيفة ويأخذ صوتها نبرة الغيط والغل : ده أنا
اللى اخترت الوانه وأسلوب عرض الفرش وترتيبه ..

أما زييده فقد ارتسمت على وجهها ابتسامة مصطنعه :
بصراحة ذوقك عالى فى كل حاجة الا الرجالة ..!؟

رثيفة مدافعة : بس حازم مش وحش ..

زييده : آه مش وحش عشان اختارك .. لكن الرجالة
كده مش دايماً بتعرفى عايزين أيه وملهمش أمان
وعيونهم زايغة ..

وتتدخل نهى فى الحديث مدافعة عن الرجال : والسئات
كمان العن من الرجالة ..

حكمت : لا مش كلهم .. برضه الست جبانه ..

وتتظر لها نانو وكأنها غير مقتنعة بما تسمعه : السبت
جبانه معتقدش لكن لو جت لها الفرصة وضمنت ان محدش
شايفها بتبقى ألعن من مليون راجل ..

وتعلق زبيده : أنا ملاحظة انكم اتكلمتم اكثر منى ..
انتو ها تخذوا دورى ولا ايه واليوم قرب يخلص وعازي
أحكي ..

رثيفة : طيب خدى يوم تانى ..

وترد نانو بصيفة النهى : لأه كل واحد يوم وبس هو
مسلسل ولا ايه ؟! كملى يا زادي ..

زبيده : على العموم اللي فاضل مش كثير اتجوزت
بالطريقة دى عشرة عشرين مرة مش فاكرة .. أهو كان
كله ورا بعضه على رأى توفيق الدقن على ودنه { وتبتسم
ابتسامة سخرية وحزن } ..

حكمت باستعجاب واستكار: ايه عشرة .. عشرين
طلاق وجواز ازاي يعنى ؟!

وتتدخل نهى وكأنما تريد ان تنهى هذه الاشكالية : طب
وبعدين حصل ايه .. ؟!

زبيده : أبدأ فى يوم حسيت بوجع ونغز فى صدرى
جامد أوى وأخذت مسكن لكن الموضوع زاد قوي .. وقالوا

لى سافرى فرنسا .. قلت وماله ماهو ربنا ادانى كثير ولا
عندى عيل ولا تيل .. اسافر واشوف ايه اللى عندى ..
وفعلاً حضرت ورقى وسافرت ..

نهى : وسييتى المحل لمين ..؟

زبيده : المحل ومزرعة الخطاطبة جبت ناس من
الحوامدية بمسكوها عشان ما يضطروش يعملوا فى بناتهم
زى اللى أهلى وغيرهم عملوه فى بناتهم ..

حكمت : ومخفتيش يضحكوا عليكى وانتى مش بتعرفى
تقرى ولا تكتبى ؟

زبيده : أنا بعرف اقرا واكتب بسيط قوى والدنيا
علمتنى مانتقش فى حد لكن طول ماقرشى مالكمهم ومخوفهم
صعب يلعبوا بديلهم وانا جاييه ثلاث محامين بيكرهوا
بعض .. علشان الشغل يمشى ..

نانو : طيب ولما سافرتى طلع عندك ايه ؟

ويرتسم على وجه زبيده الحزن : المرض الوحش
واضطريت اشيل صدرى خالص وتشير على منطقة
صدرها .. تصوروا وقتها أنا كنت فرحانة ..

وتتساءل نانو باستغراب : فرحانة .. ازاي يعنى ..
ودى حاجة تفرح ..!؟

زبيده بصراحة : أنا كنت زهقت وقرفت ومش قادرة
وخيفة اقول لأه .. ام جه ربنا بعلى اللى بالغصب يخلينى
اقول لأه .. عرفتى كنت فرحانة ليه .. المهم لما رجعت
من فرنسا وحكيت لنانة هانم قالت لى : خلاص يا زاز
انتى مبقتيش تتفعى .. قلت فى نفسى ألف بركة اعيش بقى
بعيد عن الفيلا وأشوف حالى .. وقعدت شوية اخد ادوية
كانت نازلة بتوصى عليهم ييجوا من فرنسا .. وكانوا
غالبيين قوى ..

وتتدخل حكمت فى الحديث : أنا كنت بجيب ادوية
لعقيلة من فرنسا للحالة دى وهى قالت لى إنها لوحدة

معرفة وماكنتش غالية أنا جبت لها ١٢ شريط بحوالى
اربعة آلاف جنيه مش اكتر بس دا كان من فترة ..

زبيده باستغراب : ايه اربعة آلاف جنيه الواطى ..
واطى دى طلعت روحى على الادوية أنا اخدت الـ ١٢
شريط بعشرة آلاف جنيه وبعد ايه ما نشفت دى ..

وتسألها نانو بود : فداكى الفلوس المهم انتى عاملة ايه
دلوقتي ؟!..

وترد زبيده وقد أرتمت على وجهها إيتسامة : الحمد
لله زى الفل بس باعمل كشف دورى كل سنة هى دى
الحدوتة .. حلوه ولا ملتوتة ؟!

ويبتسم الجميع ويرددن فى صوت واحد : حلوه ..

إلا أن حكمت لا يفتها أن تعلق وإن كانت أبتعدت عن
الود المفترض فى هذه اللقاءات : طيب وايه لزمة الكتب
اللى فى ايدك دايما ؟!..

ولا تتردد زبيده فى الإجابة : أهو زى العدسات
الملونة وصبغ الشعر .. بيدى منظر وييفرض احترام الناس

قال يعنى متعلمة ومتقفة .. وغامضة كلها اكسورات
وزينة للى يعرف يستعملها ..

وتتدخل رقيقة لتخفف من حدة الحوار : أنا حاسة يا
زبيده انك متعلمتيش حاجة من المشوار ده ..

وترد زبيده ببؤس : ازاي اتعلمت المطاطية { وتنحنى
راسها } وان قرشك سندك وعزوتك ..

نانو بمرح : خلاص { يازادى } دى ايام وراحت
وبكرة لسة جاي .. وأكيد ها يبقى أحسن ..

نهى وقد سرحت : أنا كنت فاكدة ان الموضوع مجرد
تضييع وقت وتسليه لكن الظاهر ان شكله كده هايبقى حاجة
تانية ..

وترد حكمت : تقصدى ايه بحاجة تانية..؟!

وتجيبها زبيده : أنا أقولك .. أنا كنت حاسة ان على
راسى بطحه ولازم اداريها وعلى قلبى هم .. دلوقتى بعد
ما حكيت حسيت ان البطحة راحت والهم اتوزع على ناس
تانية .. حاسة كده انى لسة عيلة صغيرة معملتش حاجة ..

هم وانزاح .. تعرفوا أنا عمرى مائكلمت مع ستات غير
نازلة وعقيلة .. دايمأ أوامر وتوجيهات من نازلة ..

وبنفس الأسلوب غير الودود تتساءل حكمت : بس
غريبة انك لسة بتروحي عند عقيلة ..؟!

زبيده : ولا غريبة ولا حاجة امى ماتت وانا صغيرة
وابويا رمانى عندهم .. انا أتربيت عند نازلة ودايمأ عقيلة
موجودة وانا بحبهم وهم أصحاب فضل على هم دول أهلى
اللى اعرفهم .. وبعدين هاروح فين .. عقيلة دى ستر
وغطا .. ولا أروح مكان تانى وافضح نفسى !؟

وتتساءل نانو : انتى يا زادي ساكنة فين !؟

زبيده : فى الهرم فوق المحل بتاعى ..

وبنفس الود تحدثها نانو : بصى ومن غير تدخل انتى
لازم تزودى معرفتك شوية يعنى تقرى وتكتبى بجد ومش
ضرورى انجليزى وفرنساوى انتى ذكيه ..

تتدخل رثيفة فى الحوار وتؤكد كلام نانو : فعلا ذكية
واصيلة وتعرفى تصونى العيش والملح .. ياترى كل إتربو

عند نازلة بيودوها زيك كده ؟ لاني حسيت من كلامك انك
لسه على صلة بيها ..

وتبتسم زبيده : كلامك مضبوط فى العيش والملح ..
لكن أنا معرفش ان كنت نكية ولا لأه .. أنا لسة بزور
نازله حقيقى مش كتير .. لكن بأسأل عليها أما اللي تربوا
عندها دول ياما .. ومعظمهم عمل مشاكل . ابسطها سرقة
العميل أو يبلغوا مراته علشان الفلوس .. حاجات كده ..
لكن أنا عمرى ما عملت غير اللي قالوا عليه .. وتسكت
زبيده وتتهدد تنهيدة طويلة .. أنا كنت عايزة أعيش فى بيت
أهلى أيام وعدت بحلوها ومرها .. الحمد لله ..

وقبل أن تسترسل زبيده فى هذا الاحساس تلاحقها نهى
بالكلام : بقولك ايه أنا عندى مدرس ممتاز يعلمك ..

وبسرعة عفوية ترد زبيده : مدرس لأه .. مدرسة
اه ..

ويضحك الجميع ..

وتكمل زبيده : تصوروا أنا نفسي اعمل ايه ..

ويتساءلن بلهفة : تعملى ايه ؟..!

وترد زبيده وقد سرحت بعيد : نفسى أعمل عُمره ..
ومكان كده فى الحوامدية أجمع فيه البنات الصغيرة واجيب
أنوال سجاد وحد يعلمهم القراءة والكتابة مش مهم المدرسة
ولا الجامعة الناس دى غلابة وعاززة تعيش وتكسب ..

وتعلق رقيقة باقتناع وأعجاب : ياه ده انتى قنوعة أوى
.. العمره أمرها سهل .. والمشروع ده بالفعل فى زيه
حاجات كتير وناجحة واحنا بنسوق لهم فى مصر وبرة ..
ونفاجىء بسؤال من حكمت بلا أسباب أو مقدمات : يا
زادي هو انتى بتصلى ؟!

وترد زبيده ولكن لتعكس السؤال : وانتى .. بتصلى ؟!
حكمت : مش دايماً ..

وباستنكار وسخرية ترد زبيده : ولما هو مش دايماً
بتسأللى ليه ؟..!

وتعقب حكمت وسط سكوت الجميع ومتابعتهن للحوار
: أبداً بشوف صلتك بربنا ..

ولا تهتز زبيده بل ترد بكل ثقة : ما تقلقيش صلتى
بربنا جامدة .. بصلاتى أو من غيرها تصوروا انى كنت
فى بيت عز عند نازلة هانم كنت مذلولة ومكسورة .. زى
الزرع الللى كل واحد يعدى عليه يشمه .. بمسكه .. يقطعه
ويكسره ويمكن كمان يرميه ويدوس عليه برجله وماشفتش
فى الدنيا إلا ضيوف نازلة هانم وزباين عقيلة .. وبرضه
دالما كنت بقول يارب انت كبير .. وعظيم ودائماً كان
عندى كده احساس انه معاليا .. وها بيحى يوم يطلعنى من
هناك ..

وتشعر رقيقة ان الحوار سياخذ منحنى وشكل اخر قد
يثير للمشاكل فتتدخل لإضفاء نوع من الهدوء للحوار :
ماخلاص الللى فات مات احنا مش فى درس وعظ اسمعى
يا زبيده فتى مش مطالبة تدى مبرر أو أسباب ولا حتى
تدفعى عن نفسك ولا تشرحى لحد حاجة ..

وتكمل نانو : صح كل واحد أكيد مدارى كتير .. وهم
مثائل ..

وتبتسم نهى لتؤكد على نفس المعنى : إلا مدارى ..
وأى هم ..

وتحاول حكمت الدفاع عن نفسها : ايه ده مالكم كبرتم
الموضوع كده أنا ما قصدتش كل ده ..

وترد زبيده بأسى وحزن : محصلش حاجة .. والديكوا
عرفتوا حكايتي والدور الجاي عندي أما مين اللي ها تحكي
خلوها وقتها ..

وتتسائل نانو : طيب وطول الاسبوع مش هنتكلم ولا
نعرف حاجة عن بعض !!؟ وتجييبها نهى : بتهيه لى
نشوف حالنا ولما نيجي الاسبوع الجاي نحكي عملنا ايه ..
وتتدخل حكمت معلقة : عملية انتى قوى ..

وهاجيب نهى : لا مش حكاية عمليه احنا اتفقنا نحكي
لبعض ودلوقتي ها نقبلها ثنائيات وده مش وقته .. ولا أنا
غلطانه !!؟

رئيقة : برافو .. يعجبني التفكير ده
ويسكتوا تماماً ..

الا ان زبيده تعاود الكلام بصوت يملؤه الحب والفرح :
عائزة أقولكم حاجة قبل ما نمشى صدقتوا أو مصدقتوش أنا
بحبكم قوى وتتمع عيناها ..

وينظرن لبعضهن وكأن هذا الإحساس الحنون قد انتقل
للبقيات ..

نهى : وأنا بحبكم ..

وتؤكد على هذا رقيقة : وأنا كمان ..

لما نانو فتقول بطفولة : وأنا كمان بحبكم ..

وتتظر حكمت لهن : يعنى جت على يلا أنا كمان
بحبكم ..

وتتفرق السيدات كل فى طريقها .. على وعد بلقاء
الأسبوع القادم فى شقة زبيده بالهرم ..

وفى شقة زبيده تنتشر المباخر فى كل الجوانب والستائر
بالوان متميزة .. وعلى جانب من الجوانب وضع نول
لصناعة السجاد اليدوي .. أضافة إلى تحف كثيرة وفى
جانب آخر مكتبة هائلة .. وفى المقابل مجلس عربي
وطاولة عربية عليها جميع أنواع الفاكهة والعصائر
ومأكولات خفيفة .. وتجلس زبيده وقد ارتدت جلباباً عربياً
مطرزاً مزينة رقبتها بعقد خليجي رائع .. وقد أسدلت
شعرها الأسود الطويل .. وتشعر من الجو العام انك فى
ليلة من ليالي ألف ليلة وليلة خاصة مع رائحة البخور التى
تملأ المكان .. وينق جرس الباب . وتتوجة خادمه فى
العشرين من عمرها لتفتح الباب ..

الا ان زبيده تقول لها : خشى جوة وما تطلعيش غير
لما القعدة تكمل ..

وترد البنت : حاضر يا فندم .. وتتصرف للداخل ..

وتدخل السيدات .. معاً ..

وتتسائل زبيده : لفتو جيتو مع بعض .. لتفضلوا أهلا
وسهلا ..

وترد رثيفة بإيتسامه هادئه : أبدا الطريق جمعنا ..
وبعدن واحنا بنركن قولنا نستنى بعض ونطلع مرة
ولحدة ..

ويظهر الاتيهار على وجه الجميع من جمال وترتيب
الشقة وقبل ان يجلسن ويبدأن فى الفرجة على المكان ..
نجد رثيفة تشبهق شهقة بعد أن لفت المكان بعينها : لا
مش معقولة ديكور البيت والتصميمات دي كانت معقولة
لوزير عربى ..

وتضحك زبيده بهدوء وترد ببساطه شديدة : اه ده كان
جوزي .. ولقعدى وأهدى كده علشان هتلاقى العجب !!..

لما حكمت فوقفت أمام المكتبة مبهورة بالتحف
وسرعان ما تعلق وان كان فى صوتها رنة سخريه كدأبها :
يا سلام على الثقافة والعلم وتمد يدها لتمسك كتاب
وتتصفح .. قاتلة : وكمان تأليف جلال رأفت .. وتقوم

بفتح الكتاب ويظهر على وجهها علامات التعجب والاندماش .. ويرتفع صوتها مستكراً : ده عليه إهدأ .. إلى زييده التى أعطت للحياة نكهة .. وتلفتت لزييدة .. وقد إرتسمت على وجهها علامات الغضب : وده كمان تعريفه منين ..!!؟

وقبل أن تجيب زييده تتدخل نهى فى الحديث موجهة الحوار لحكمت ببرود متناهى وإستكار : بردون .. أنتي ممكن تتفرجي على المكتبة والكتاب أما أنك تفتحيه وتقرى اللي جواه ميصحش أبداً ..

وتشعر حكمت بالخرج والكسوف وإن كان لا يستمر كثيراً وكأنها لم تتأثر بما قالت نهى وتعود لنفس السؤال وبطريقة إستكارية : ماشى أنا غلطانة لكن برضه أنا عايزة أعرف جلال رأفت ده عرفتيه ازاي ؟!

وترد زييده ببساطة شديدة تصل الى حد الاستفزاز : ده راجل مهووس ومتعرفيش هو عايز إيه بصراحة مجنون

ودمه ثقيل وفكر نفسه حاجة .. يعنى أهطل ..! لكن أنتي
بتسألني ليه على واحد زى ده .. خُلِّل ؟!

أبدأ أصل الأهطل ده جوزي !!؟ صاحب المبادئ
والقيم .. والحلال والحرام ..

وبنفس البرود واللامبالاة تكمل زبيده : بجد ذوقك
عجيب أوى ولا .. وتبتسم إيتسامه لا معنى لها
وترتسم علامات التعجب والاستغراب على
الأخريات ..

أما رقيقة فقد ابتسمت : رائع بصرة ..

ويضحك الجميع ..

وتعلق زبيده بنفس البرود : يا جماعة ده ماضى
وننساه .. خلينا نشوف مين اللي هاتحكي ..

حكمت : آه هو ماضى بالنسبة لك لكن بالنسبة لانا
حاضر .. ومش سهل كمان ..

وتقطع نانو الكلام : طيب مين اللي عليه الدور ..!؟

إلا أن نهى تقول : مش قلنا هنحكي عملنا إيه الأسبوع
اللي فات الأول .. ولا محدش عايز يحكى !؟..

وتتهدد حكمت وتبدأ الكلام : أنا معملتش حاجة سفریات
ومرواح ومجى حاجات ملهاش لزمه ..

نانو : وأنا تقريباً نفس الشيء رحت الكنيسة مرة حتى
مفكرتش فى صالون عقيلة ده خالص .. رغم أنى عايزة
أغير قصة شعري .. لكن إحساسى إنى ها أشوقكم غير
حاجات كتير ..

وتكمل رثيفة : وأنا معظم وقتي فى الجمعيات الخيرية
ولا جديد .. نفس المناقشات والوجوه ..

نهى : أنا شغل وسفر وخلص العادى ..

حكمت : طيب برضه هتبتدى بمين !؟..

وتبتسم زبيده وسرعان ما تقول : بصاحبة الذوق
العالى .. رثيفة هانم بس أنا معنديش كرسي اعتراف ولكن
عندي مجلس اعتراف إيه رأيكم موافقون ؟
ويرد الجميع بإبتسامة : موافقون ..

وينتقل الجميع للمجلس العربي الذي يتصدره تمثال
جميل وصقر ضخم يفترس حمامة ..

وتصرخ حكمت : أنا اللي اشتريت التمثال ده لمدم
عقيلة من سنغافورة ..

زبيده بتمثل : ما خلاص بقى كل شوية واحدة تشهق
والثانية تصرخ هو إحنا فين ..

وتسارع نانو بالضحك : فى بيت الرعب والمفاجآت ..
وقبل أن تبدأ رثيفة فى الحكاية ..

يرتفع صوت زبيده .. منادياً : شربات .. شربات ..
وتدخل الخادمة ..

وتتظر نانو وباستغراب : إيه ده مش دي شوشيت
بتعملى إيه هنا يا شوشيت !؟

رثيفة : مش دي شوشيت اللي فى صالون عقيلة ..

زبيده ضاحكة : شوشيت دي بلدياتى واسمها شربات
وبتروح عند عقيلة علشان تتعلم صنعة فى أيدها صبح
وقص شعر .. تدليك أما هنا فهي ..

قبل أن تكمل زبيده جملتها ترد شربات : خدامتك يا
مدام ..

وتنهرها زبيده : أوعى أسمعك تقولي الكلمة دي ..
أنتى بتشتغلى هنا .. مديرة منزل .. شوفى الهوانم يشربوا
ليه وهاتيه .. وكل شوية طلى علينا .. ولا أقولك لما
أعوزك هارن على الموبايل خليه جنبك ..

وتبدأ شربات فى سؤالهن .. وتضع أمام كل سيدة ما
طلبتة .. وتترك المكان وتتصدر رقيقة الجلسة .. وتبدأ فى
سرد حكايتها ..

الحكاية الثانية .. رثيفة

أنا رثيفة سيف مراد الجهنى .. والدي مصري من
أصول تركية .. أمي لبنانية واثريت فى مدارس الراهبات
وأخرجت من الجامعة الأمريكية ببيروت

نانو : كويس c.v بنفع للتقديم لووظيفة .. إحنا عايزين
نعرف مين جوزك .. أولادك .. كده يعنى .. مش قلنا
ننسى الرسميات ..

وتتظر لها نهى : مش كده يا نانو .. الصبر مش لازم
نعرف هي مين وبعدين كله فى وقته ..

حكمت : بس اسم رثيفة ده اسم ريفى أوى إيه علاقته
بسيف ومراد ولبنان وتركيا .. ؟ !

تضحك رثيفة : فعلا ده اسم جدتي لأبى وعلى فكرة أنا
عرفت لما كبرت أن والدتي مكنتش راضية عن الاسم
خالص وعشان كده عمرها ما نادتني به وهم بيقولولى
روفى .. وأنا أتجوزت لبناني .. أمي كانت عايزة كده

ونشعر برنة حزن وعتاب فى صوتها .. الله يرحمها كانت
شخصيتها جبارة متسلطة مرعبة وكان استحالته حد يقف
أدام طلباتها .. ودايما كانت بتتخاف مع والدي .. وتهده
كل شوية بالسفر إلى لبنان .. وتتهد تنهيدة طويلة مؤكدة
على أن هناك شيء زرع فى تكوينها من علاقة الأم والأب
.. أما والدي كان رجل طيب كل اللي يهيمه سعادتنا وتجنب
غضب أمي وعندي أخ واحد باسل عايش فى استراليا من
وهو عنده ١٨ سنة ومن زمن مشفتوش يادوبك أسمع
صوته فى المناسبات كل مرة يقول جاى ولا يجيش ..
وينخفض صوتها وكأنها تكلم نفسها إحتجت باسل كثير
برضه الأخ الولد عزوة وحماية خصوصا مع أم جبارة
وأب ضعيف وتبدأ فى البكاء ..

وتتدخل نهى بحب : إيه يا روفى اهدي شوية ..

أما زييده فتعطيعها منديل وتطبطب على كتفها ..

وتستكمل رئيفة الحديث بعد ان هدأت : ماتت أمي
وكانت وصيتها تدفن فى لبنان .. ونفدنا الوصية وهناك

قابلت حازم صاحب الأكمشة اللي قابلتية يا زادي
عند نازله ..

وترد زييده متساعلة : بس حازم مصري مش
لبناني ..

وتتهد رقيقة وتتظر بعيدا : أيوه حازم ده جوزي
التاني .. أما جوزي الأول فراس وتسرح مره أخرى
وتستكمل مقول إيه مش كفاية أنى أتجوزت على غير
رغبتى وإصرار من أمى .. لاه وكمان واحد معندوش أى
نخوة ولا غيرة على شرفه وكل ما أقوله فلان بيبص لى ..
ولا الراجل ده أنا مش مستريحة لكلامه ومتسبنيش لوحدى
.. يقول إنتى فاكرة ما حدا فى جمالك بطلى ها العقد اللي
ما بتقدم بس بتأخر عشان كده لما شفت حازم حسيت أنى
لقيت نصى التانى عجبنى فيه قوة الرجال وكبرياتهم
وتمسكه برأيه وغيرته على حاجته .. ومقدرتش أكمل مع
فراس وانفصلنا وحمدت ربنا أنى معنديش ولاد يجبرونى
على العيشة معاه .. وبدأت معرفتى بحازم تزد فى بيروت
كان متيم بى .. وكان شكله وقتها غير دلوقتى .. طول

النهار سباحة ولعب تنس حتى شعري كان أسود وقصير
زى الولد ..

وتتساءل حكمت : طيب وليه غيرتى شكلك ؟

وترد روفى : أصل أنا كنت بعمل كده عند في فراس
لأن كان بيكره الاستايل ده اللي بيبعد أصحابه عني ..
ورجعنا مصر واتجوزت حازم في حفلة على الضيق كده
.. وربنا رزقنا بباسل وهو في الجامعة الألمانية .. لكن
الظاهر مجنون زى خاله .. عايز يخلص ويروح تركيا
ويدور على أصوله .. !! لأنه مش حاسس بأى انتماء هنا
ودايما يقول أنا حاسس بعزبة وأنا مش ممكن أكون
مصرى ..

وتتدخل نهى في الحديث بهدوء : ايه مش حاسس بأى
انتماء هنا .. ازاي اش حال مكانش أبوه مصرى ومتربى
هنا.. وانتى كمان مصرية ..

وتهز روفى رأسها : كلامك مضبوط بس تعرفى
الظاهر الولاد اللي بيتربوا في المدارس الدولية واحتكاكهم

بأوساط معينة ومحدوده بيرسخ الاعتقاد ده عند
بعضهم .. !! أو يمكن هو لوحده كده مش عارفه ..

حكمت : أنتي معندكيش غير باسل .. بس

وتضحك رثيفة بأسى : عندي يامور ..

وتتدخل زبيده باندهاش عفوى متساعة : تيمور ده اسم
راجل ولا منجة ؟!

وتضحك نانو : تيمور إيه يامور ده اسم تركي مش
كده يا روفى ؟

- بالضبط معناها الخير أو المطر .. هي عايشة في لبنان
وأتجوزت واحد فرنساوى ويعلو وجهها الجزن ..

وهنا تصرخ زبيدة وتخط على صدرها : يامصبتى
السودة أتجوزت خواجه وكمان كافر ..

ويظهر على الأخريات الحرج ..

وتقول حكمت : إيه الجنان يا زبيدة حاسبى على
كلامك .. كافر يعنى إيه ؟!

وترد زبيدة ببساطة : جنان ليه مش دى الحقيقة ..
مش خوجة يبقي كافر ونص ..

نهى : مش تراعى نانو ..

وترد زبيدة بتعجب واستغراب شديد وبنفس الانفعال :
نانو مالها بالحكاية كلها دى مصرية مسيحية محترمة مش
خوجاية كافرة ..!؟

ويضحك الجميع بطريقة مستيرية ..

أما نانو فتقول : ده أنتى فعلا تحفة .. كملى ياروفى
كافر كافر .. بس ليه أتجوزت فرنساوى من قلة
المصريين ..

وتهز روفى كتفيها : أعمل ليه دماغها كده ولما
أتكلمت مع حازم مهموش .. أصل حازم ده مع نفسه ..
زى ما بيقولوا بدماعه .. وله آراء خاصة .. وأنا كمان
مترببة مع راهبات وفى البيت كان والدي عادى وأمى
مسيحية ومفتكرش أنها راحت الكنيسة مرة .. وأنا يدوبك
بدأت من سنة ولا أكثر فى القرآت الدينية والصلاة ..

عشان الحق اللي فاتتى .. بصراحة أحنأ كنا فى بيت بنتكلم
عربى وملناش دعوة بأى حاجة .. فاهمين أقصد أیه ؟
حكمت : فاهمين طبعأ عايشين هنا ومالكوش دعوة
بهنا ..

نانو : وأیه المشكلة كتير لوى كده ..
زبيده : هو أیه لللى هنا ومش من هنا يعنى البيت
مجبش حاجة من بره بدل ما تبقى هنا وهى مش من هنا
رلحت هناك وتبقى من بتوع هناك .. وتسكت قليلا .. لا
دى ولا الفوزير ..
ويضحكن جميعأ ..

وتعلق نهى : بس تعرفى ياروفى كويس إنك اتجهتى
لكده ..

ويبدو أن رثيفة قد سرحت ولم تسمع ما قيل وتكمل
للحديث : يامور اتربت فى لبنان معظم الوقت ولما
أتجوزت ميشيل سألتها : هو مسلم ..؟ قالت لى : آه مسلم
أهو قال أشهد أن لا إله إلا الله وأن محمد رسول الله ..

وبعدين قلت لها : طيب اقتنع قرأ القرآن بيصلى ..
بيصوم .. تصوروا ردت على وبمنتهى البرود والوقاحة:
يا سلام يعنى كل المسلمين قرأوا القرآن وبيصلوا ويصوموا
.. !! — واختفت ومعرفش هي عايشة دلوقتي فى لبنان ولا
فرنسا .. وعشان مقعدشى أشيل وأحط فى نفسي مليت
وقتني كله بتأسيس جمعية {محبى الحياة} من حوالى ٥
سنوات أو أكثر ..

وتعلق نهى وقد ظهر على وجهها علامات التفكير
ومحاولة التذكر ويرتفع صوتها : { جمعية محبى الحياة }
هي دي اللى فى أول الطريق الصحراوي مش كده ؟ !!

رئيفة : آه بالضبط هي دي الجمعية اللى واخده وقتني
كله ..

وتكمل نهى تساؤلاتها : بس دي كان عليها قضايا
ومخالفات مادية واختلاسات كثيرة قوى مش كده .. ؟

— آه ما هي دي شوية من كوارث حازم كنت هروح
فى داهية بسببه أكثر من مرة ..

وتتدخل زييده فى الحديث مدافعة عنه : حازم ده أيده
فرطه ومحترم .. مش بتاع كوارث ابدأ ..

وترد رثيفة بسخرية : طبعا إنت أدري .. لما أتجوزت
حازم قلت أغير نفسي أطول شعري حتى استايل اللبس ..
وأبقى زى الستات ..

وهنا تتدخل زييده فى الحوار : يا خبيثك طبعا ومن
ساعة ما عملتي كده بقى حازم فى وادي وأنتي فى
وادي ..

وتتظر لها رثيفة بغيط : آه وياريت بلاش التعليقات
دي عشان أركز وأحكي حكايتي ممكن ؟

زييده وقد وضعت يدها على فمها : اهو اتسدبت
وانخرست .. أحكي يا هانم ..

وتكمل رثيفة وهى تهز رأسها تعجبا : تصوروا كل
ما يزيد اهتمامي بنفسي يبعد زيادة وأنا مش عارفة السبب

وفى يوم قلت أشوف إيه حكايته .. فقلت له فى محل لا
نجيرى فى مول كده عدى ونقى لى حاجة على نوكك ..
فوجئت به جايلى بيجامة زى بتاعة الولاد حتى { اندر
ويير } زى بتاع باسل .. وطبعاً ممسكتش نفسي وهريته
تريقة

وهنا يتغير وجه وملامح زبيده ويبدو عليها أنها لا
تحتمل السكوت : لاه أنا مش قادرة أسكت أكثر من كده ..
هو ده جوزك يا بنتى مش بيحب النسوان .. وكمان ..

ولم تمهلها رقيقة تكمل الجملة : اخرسى أنتي عارفة
أنتي بتقولى إيه .. ؟ ! ولاها تسوقى الهباله على
الشيطنه ؟ !

وتتظر لها زبيده بلوم وتكمل الحوار : ربنا يسامحك
أنا عارفه لكن أنتي اللي بتفهمي غلط .. هو راجل زى كل
الرجاله لكن بيحب الست المسترجلة علشان كده هو كان
قريب منك فى الأول فهمتي يا { روفى هانم } .. وياريت
مانغلطش فى بعض

وتتظر رثيفه وتهز رأسها : أنا آسفه يا زبيده حقتك
على ..

وتتدخل نانو : خلاص عرفتى الحل .. مش معقول كده
.. لحكى لنا بقى كوارثه إلى كانت متدخلك السجن ..

وتكمل روفى الحكايه : حازم كان صاحب مزاج فى
لعب القمار وعرفت ده بالصدفة .. فى يوم كنا سهرانين
عند ناس أصحابنا وفوجئت بمرات { أدهم عيسى } أكيد
تسمعوا عنه صاحب شركة سياحة وتجهيز فنادق وقرى
سياحية المهم لقينها بتقوللى ..

حازم بيخسر كثير قوى وملوم على شلة مش مستواه
طيب مش يقول لما يعوز يلعب واحنا نرتب له .. !! عملت
نفسى عارفة .. وقولتها :

_ احتررت معاه . ولما رجعت البيت واجهته وبدل ما
يتكسف على دمه فوجئت بيه يقوللى :

_ آه بلعب وأنت مالك .. المال مالى وأصرف زى ما
أنا عايز .. أنا حر قلت له

_ لاه أنت مش حر لو كنت عايز تبقى حر ماكننش
اتجوزت وخلفت .. راح رادد علي بكل برود وإستهزاء
_ هي دي جواز فين الجواز ده أنتي كفاية عليكي
الجمعية والمشردين وبعدين العياط على أخوكى شوية
وبنتك شويتين وعلى نفسك الباقي .. وكل ما أشوفك ألاقى
جزرة وعنبتين ..

ويبدو أن التعبير استوقف نهى فلم تتمالك نفسها من
التعليق : إيه جزرة وعنبتين إيه الرجل الفكهي ده ..
وتستطرد رقيقة الحديث : انا اللي جنبته لنفسى الوسط
غير الوسط ..

وتتدخل نانو متسائلة وقد علت وجهها إيتسامة : أنتي
بتحبيه مش كده قولى ..

وتنظر لها رقيقة وتتهدده طويلة : آه بحبه ..

وهنا لا تطيق زبيده الانتظار وتتدخل فى الحديث
بعصبيه شديده : كفاية كده يا رقيقة أنتي مش بتحبيه بس
عمالين تقولوا الصدق والعهد ومش عايزين نكذب ..

وترد رثيفة مستكثرة إفعال زبيده : إنتى بتقولى إيه
وتعرفى منين إذا كنت بحبه ولا لاه ؟!

وتتظر لها زبيدة بتحدى وتكمل : اللى سمعته أنتى
مش بتحبيه وعلى فكرة هو عارف عنك كل حاجة .

رثيفة وقد تغيرت معالم وجهها ونبرة صوتها : بتقولى
إيه أنتى أكيد مش طبيعية عارف إيه ومش عارف إيه ..

وينفس التحدى تقف زبيدة وقد وضعت يدها فى
خصرها وتتظر لروفى : بقولك إيه اهدى وبلاش النعرة
للتركى دى .. هو عارف كل حاجة ..

وكداب حكمت وبيروود شديد لزبيدة : إنتى عرفتى منين
.. إيه اللى يعرفه وميعرفهوش ..

نهى : يعنى إيه عرفت منين مش كانت ..

وقبل أن تكمل الجملة تتحدث رثيفة بزهق لنتهى هذا
للحوار : بس خلاص الموضوع مش زى ما أنتم فاهمين ..
لنا لقيت جازم بببعد عنى .. ومهما أعمل مش بيعجبه رغم

أنى فى أى مكان أروحه ألقى كلمات ونظرات الإعجاب
فاهمين طبعا ..

ويردوا جميعا بصيغة الفاهم المستمتع : إلا فاهمين
ونص ..

وتبدأ ريثقة في البكاء ..

وتعلق نانو : مش معقولة كده اهدي بقى أنا طول
عمرى أكره النكد ولكن أعمل إيه .. نفسي أعرف مين
صاحب فكرة الاعتراف دي بس هنعمل إيه لازم نشربها
للآخر وبمناسبة الشرب البيت ده مفهوش حاجة نتشرب ولا
إيه ؟

فترد زبيدة بابتسامة : عيب ده أنتى في بيت كرم
وتمسك الموبايل ..

وعلى الفور تأتى شربات ..

وتوجه زادى الحديث لها : حاجة للهوانم يا شربات

وتبدأ شربات فى توزيع عصائر ومعها شىء بسيط
للأكل ..

وتستكمل رثيفة الحديث : لما لقيته كده وأنا أحب أحس
بأنوثتى .. وده لا كلام ولا غيره .. عملت لى عالم خاص
بي .. وكل ما ألاقى واحد هايعدى الحدود أبعد وأبدأ حكاية
تانية لغاية لما ظهر شريف .. هو رجل أعمال كان بيتبرع
للجمعية وكنا طبعاً بنتكلم مع بعض وشعرت بارتياح شديد
له .. ومن أول نظرة حسيت أنه هناك تألف ومعرفة كل
بقي لها عمر .. وبطلت أعيط وزاد اهتمامي بنفسى أكثر
وكل ما يزيد اهتمامى بنفسى ..

ترد السيدات معا : يبعد حازم ..

وتضحك روفى : بالضبط كده كأنه يدفعنى للارتباط
زيادة بشريف وفى يوم شريف كان راجع من ماليزيا ومر
على فى الجمعية وكان جايب لى عقد لولى وأحب أن يلبسه
لى .. وفى اللحظة دي ..

وقبل أن تنتهى رثيفة جملتها نجد نانو وقتت وأخذت
وضع الترقب وكأنها تضع موسيقى تصويرية للحدث : تا

تا تا مطر وشبابيك تتفتح والنور يتقطع والوردة يدهسها
برجليه ..

وتنظر لها رقيقة بغلاسه : في إيه هو إن قاعدة في
روضة أطفال .. ولا بحكى حدوتة قبل النوم ..

ويضحكن جميعا ..

حكمت ضاحكة : مغلش لازم شوية أكشن علشان
الحدث ..

وتتدخل نهى : ما هي بصراحة لها حق الجثة دى فيلم
عربى خالص ..

أما زبيدة فقد أخذ صوتها رنة الجدية : الحقيقة بتبقى
ساعات أصعب وأغرب من الأفلام .. ها وبعدين عمل
إيه !

وتكمل رقيقة : ولا حاجة دخل حازم ولا كأنه شاف
حاجة وكل ما أحاول أشرح له الموقف يخرج من
المكان أو يعمل نفسه مش سامع .. كأنه مش عايز يعرف
ولا يسمع .. ؟!

وتكمل زبيدة الحوار : فى اليوم ده جه عند نازلة وقعد
يعيط لما أتفلق ..

وتعلق رئيفة بحب : للدرجة دي كان متأثر .. ياريت
قال هو بيحب إيه كانت حاجات كثير اتصلحت واتعيرت
وتسكت ..

ويسكت الجميع ..

وتبدأ حكمت الكلام وكأنه لا يعجبها هذا السكوت :
بعدين حصل إيه يا رئيفة .. العلاقة كان شكلها إيه .. ؟!

وتهز رئيفة كتفها : أبدا بعد كده حصلت مناقصات
لتوريد أقمشة لفرش بعض مقار خاصة بالجمعية وطبعا
كان حازم يفرض نفسه فى كل حاجة .. وبمواصفات أقل
بكثير من المطلوب .. وعرفت أن ده التمن اللى لازم أدفعه
.. وكنت بدارى عليه وأحاول ألم الدنيا قد ما أقدر لغاية ما
فى مرة كنت هروح فى داهية يعنى ما فيش إلا السجن ..

وتتدخل حكمت : يا نهارى للدرجة استغلك ..

— أمال إيه وأي استغلال .. مخلاش حاجة ..

وتتدخل نهى في الحديث : أنا كان عندي تصارحه
أحسن بدل السكنية اللي على رقبتك دى والمشاكل اللي كل
شوية ..

وتكمل رقيقة الحكاية وكان ما قيل لا يعنى شيئاً : اهو
ده اللي حصل .. كانت الجمعية عاملة حفلة أحياتها المطربة
دى بتاعة الكليب اللي من غير هدم ..

ولم تسكت نانو علي هذه الملاحظة : يا سلام وهي دي
بقي علامة التميز ما كلهم من غير هدم .. ايه الجديد ؟!
وتبتسم زبيدة سعيدة بهذا التعليق : يا سلام يا نانو ..
كلامك حكم ..

وتتظر لهما نهى : يا سلام عجبك أوى اللي قالتها نانو
.. دة انتى حكاية لوحدهك .. أنا عايزة اسأل سؤال بس
أوعوا تقولوا أنى ساذجة ولا بريئة ولكنه سؤال دائماً
بيخطر علي بالى .. وعارفه إنه مش وقته ..
نانو : هاتي ما عندك ولا تخشى شىء ..
زبيدة : يا سلام على النحوي ..

نهى : لا يجد اشمعنى الرجاله بردون بعنى مع الستات
اللى يعنى .. كده بيعروا نفسهم ومع مراتهم بيحاسبوا على
كل حرف ..

وترد زبيدة بتلقائية : علشان هما رايجين يتعروا ..
وتضحك نانو : دايمافاهمة غلط هى تقصد بيقولوا كل
اللى جواهم .. مش يقلعوا لبسهم .. فهمتى ..

وتهز زبيده رأسها علامة الفهم : اه أقولك أنا نازلة
هانم كانت دايماً تقول لما الرجل يفضفض ولا يوعد ولا
يقول هاجي وهاجيب وينسي أو يعمل نفسه ناسي أوعي
تفكرية دي شغلة مراته اللي بتعد عليه الكلام مش شغلتننا
احنا فهمتوا حاجة .. !

وتهز السيدات رؤوسهن ..

وتعلق نانو: بامانة استاذة ..

نهى : فهمنا بس متأخر شوية ..

وعلى الفور تسارع زبيده بالرد : مفيش حاجة اسمها
متأخر كل وقت ينفع لتصليح الأمور .. والأمور

حكمت : يا واد علي الفرنساوي جيزويت حقيقي ..

ولا يعلق احد بل يلتفتوا لرثيفه لتكمل ..

نهى : كملي يا رثيفة ايه المصيبة ..اللي حصلت بعد
الحفلة الخيرية ..

وتهز رثيفه رأسها : أبدا .. كانت حصيلة الحفلة دي
معدية الـ ٣ مليون جنيه غير تبرعات رجال الاعمال ولأن
المبلغ كبير خفت اسبيه مع السكرتيرة ورجعت به البيت ..
ولما صحيت ثاني يوم الصبح علشان أورده للبنك فى
حساب الجمعية ..فوجئت ان المبلغ مش موجود .. وقلبت
الدنيا ولميت الشغالين وهددتهم بالطرد .. وطبعا صوتي
كان عالي .. والبيه صحي علي صوت الزعيق ..وفوجئت
به بينادينى من الاوضة .. يا روفى .. تعالى .. عايزك
ودخلت ولقيته قاعد بمنتهى البرود ولا على باله وبيقولي :

— اهدي وبلاش صوت على أنا اللي أخذت الفلوس ..
وطبعا لم أتمالك نفسي وبدأت اصرخ وأقوله:

— ازاي تعمل كدة مين اللي اداك الحق انك تمد ايديك
علي الفلوس ده مش حقك .. فوجئت به وبنفس البرود :

— نفس الحق اللي خلى شريف يلبسك العقد ويكلمك
علي الموبايل بالساعات يا هانم .. أنا مش نايم تحبي
اسمعت صوتك الحالم الهيمان .. لا تتخيلو الخبر نزل على
إزاي .. صعقت وقلته :

— هي حصلت تتجس علي تليفوني يا حازم ؟ !

قال لي : لا ياهانم مش أنا اللي اعمل كدة واحد من
شركة التليفونات بشوية فلوس .. عمل لي الخدمة دي ..
أمال في ناس كثير تشتريها بفلوسك والحمد لله الفلوس
موجودة ..

وتتدخل زبيده في الحديث : تسجيل .. إيه الهبل دة ..
وصدقتيه الموضوع دة حصل اداي .. كان مدير من
مصلحة التليفونات عنده شغلانة عايز يخلصها .. وكانوا
في اوضة الصفقات .. وحازم طلب منة الخدمة دي ..

قاله فى واحدة مخلطة وابن عمى عايز يتجوزها واحنا
منعرفش عنها غير رقم الموبايل ممكن تساعدنا ومفيش
يومين .. وجابله الخبر ..

رئيفة : والمدير بتاع الصفقات دا قال إيه .. ؟

_ ولا حاجة قاله قول لقريبك يبعد عنها .. دى واقعة
فى غرام شريف بك .. لكن لا فى شريط ولا فى حاجة ..
رئيفة بغيط وغل : لو كنت أعرف كده كنت بقيت
أقوى من كده ..

_ نانو : المهم عملت إيه فى الكارثة دى .. ؟

_ حكمت : حقيقى ده مبلغ كبير .. وصعب يتلم

رئيفة : بيعت حاجات كتير من عندى ... وبذل حازم
ما يساعدنى .. لقيته بيقولى :

_ قولى لشريف يساعدك ..

وتتدخل حكمت : حقيقى ليه مقولتيش لشريف مش أنتم
أصحاب ؟

وترد رثيفة باستنكار : معقول شريف مالوش علاقة
بالموضوع ده ثم انه مجرد صديق .. وانا ماأحبش
الاستغلال ..

وتعلق نهى : كده شيك وصح بس برضة المبلغ كبير
جداً ..

رثيفة : فعلا وزى ما قلت لكم اللي قدرت أبيعه مجبش
كثير .. واضطريت اتصل بيباسل علشان يلحقنى وجبت
نمرته بعد ما طلعت روحى .. ومرضيش يحولى ولا مليم
غير لما يعرف الحكاية .. وطبعاً حكيت له كل حاجة ..
لقيته بيقولى :

— مش ده اختيارك لما كلمتيني عليه وقلت لك ده ما
ينفعش قلتى أنا بحبه وده اللي هايحميني .. وأنا مش عايزه
غير كده واهو في النهاية طلع حرامى ونصاب وعامل
راجل وهو ولا حاجة وعایش على شقى الستات واحد غيره
بعد الى شافه لو كان عنده دم كان طلقك .. لكن معلش فى
ظرف يومين الفلوس هتوصلك .. وفعلاً بعث لى الفلوس

ظرف يومين الفلوس هتوصلك .. وفعلا بعث لي الفلوس ..
وسديت المبلغ .. لكن فى حاجة اتكسرت بينى وبين حازم ..
وتعلق نانو بأسلوب تقريرى : الأخ أخ .. عزوة ..

نهى : طيب وشريف فين دلوقتى ؟..

وتهز رثيفة كتفيها وتجيب : أبدا موجود والعلاقة زى
ما هى وان كان الوميض الأول ضاح .. واهو بحاول
أصلح العلاقة بينى وبين حازم .. البيت غالى .. وبرضه
جوزى وأبو الولاد ..

حكمت : طيب وحازم عامل معاكى إيه ؟..

وتتنهد رثيفه : يعنى ها يعمل إيه .. ولا حاجة نفس
البجاجة .. تصورا من أسبوع كان شريف عامل مناقصة
لفرش احدى القرى الاقى حازم يقولى :

— أنا داخل المناقصة دى وعايضاها .. ولما قلت له :

— وأنا مالى ما تدخل .. تصوروا يرد بكل سقاله
ووقاحه :

— ازای مش ها تقولی لشریف ولا خلاص راحت
علیکی .. تصوروا وصل لفین ..

نانو باستتکار : لا دا وحش جداً .. مش شیک
خالص ..

وتتظر لها حکمت باستغراب : بجد یاسلام ده الی ربنا
قدرک علیه وحش ده ندل ..

زبیده : معلش بقی من غیر سوری ولا بردون دی
قذاره ..

وتکمل نهی بمنتهی الهدوء : بصراحة هو ندل .. ندالة
فطرية مش مکتسبة ..

وتوجه حديثها لرقيقة بصيغة المستنکر .. الوائق وإن
كان وجهها قد ارتسمت علیه علامات الإمتعاض : وانتی
ایه اللی جبرک علی القرف ده اطلبی الطلاق .. ولا أقولک
اخلعیه وتشاور علی رجلها وكأنها تخلع ما تلبسه .. واحد
راح یجی ألف ..

وتتظر لها رقيقة متعجبة من سهولة ما تقوله نهى
وتتظر في اتجاه آخر كأنها لا تريد أن تواجههن ..

بصراحه : مش قادرة أخذ القرار ده خايفه أخذه ارجع
اندم .. تصورى يانهى رغم كل اللي عمله حازم .. برضه
بحس معاه بالحماية اللي عمرى ما حسيت بيها في بيتنا ..
كان دايما أب ضعيف وأمى وجبروتها والأخ مش موجود
من بدرى .. وبغدين جوازة زى عدمها أنا اللي شفته في
بيتنا بخلينى استحمل كل اللي بيحرا لى .. أنا كان نفسى
يبقى عندى بيت مستقر والطلاق ده مفكرتش فيه ابداً ..
حقيقى هو له عيوب كتير ويبغلط اكثر لكن مين فينا خالى
من العيوب والغلط .. برضه أنا أسمى في شهر راجل ..
مش بطولى .. ولوحدى ..

حكمت : تبقى بتحبيه ..

وتسكت رقيقة ولا ترد ..

نانو : طيب والحل إيه .. الوضع كده مشدود ..

ويسكت الجميع ..

وتسارع زبيده بالقول وكأنما تهدىء الحال : ياختى
البيوت مقفولة على أوحش من كده ومتخربوش عليها ضل
راجل ولا ضل حيطه ..

وتتظر لرئيفه : كلامك عين العقل يارئيفه اوعى
تسمعى الكلام ده .. خراب البيت مش بالسهل ..

وتتدخل نهى وكان الكلام لا يعجبها : أيه ده اللي
بتقوليه .. ما هو ده الى مودينا فى داهية ضل راجل ولا
ضل حيطه .. لا ضل حيطه أحسن من واحد زى ده
والبيت مخروب مخروب ..

وتتدخل نانو .. بانفعال : هى غلطت وهو غلط يبقوا
خالصين .. تبتكوا من جديد ..

نهى : ازاي يعنى هى سرقت ونهبت .. وان كان على
موضوع شريف .. هو اللي اضطرها لكده ..

نانو : مش مضبوط .. هى استغلت ثقتة فيها .. كان
المفروض تسأله هو ليه يبيعد عنها .. يمكن كان قال لها ..
وهو استغل غلطتها وساعد فيها .. يبقوا خالصين ولا لأه

.. المفروض لو قرروا يكملوا مع بعض لازم يسامحوا
وينسوا ..

نهى برفض : ده تميع وتضيع للوقت .. لازم يبقى
فى موقف ..

وتضحك زبيده : يا جامد انت يا بتاع المواقف ..
وتتدخل حكمت لإيقاف هذه المناقشة الدائرة : وبعدين
حصل إيه ؟

— ولا حاجة خلصت الحكاية .. هى دى كل
حكايتى ..

زبيده : لا مخلصيتش .. دى يادوبك هتبتدى ..
ويتعجب الجميع ويتساءل : ازاي ..؟

وتعتدل زبيده فى قعدتها كأنها ستلقى محاضرة : شوفى
يا رثيفة بدل الراجل موجود وانتى على نمته لازم الأمور
تتغير .. حازم طيب وبحبك وممكن يبقى زى الخاتم فى
صباغك انسى شوية روفى هانم الجهنى .. طبعا انتى

فاهمة .. وشريف ده ابعثيه على نازلة هانم .. وبنتك
حاولى تعرفى لها مكان واتصلى بها ..
نانو : وتنزل كلمة النهاية ايه ده كله .. ده إنتى مدرسة
لوحذك ..

نهى : لا ده انتى احسن تكتبى مسلسلات عربى ..
وترد زبيده بثقة وقد علت وجهها ابتسامة : ما يحصل
بعدين بعدين .. آمال نقولها ايه ولعى فى جوزك وكسرى
الدنيا وارمى لحملك ..

وتتظر رقيقة وكأنها تستوعب ما قيل لها : تصوروا
الموضوع يحتاج لإعادة النظر ..
وتكمل نهى : وفتح مظاريف وعطاءات .. المهم المرة
الجاية عند مين ..

وقبل ان يجيب احد تتدخل حكمت : ممكن نخليها بعد
عشرة ايام علشان عندى رحلة طويلة .. رايعين مكة حد
عايز حاجة .. من هناك ..

رقيقة : الفاتحة أمانة للحبيب الغالى ..

وترد زبيده : اللهم صلى وبارك عليك يا رسول الله ..

وتردد الأخريات ..

أما نانو فتبتسم ..

رئيفة : طيب برضه معرفناش ها نتقابل عند مين ..

وترد حكمت : خلوها عندى العنوان ما يتوهش فى

الزمالك شارع حسن صبرى أول يمين عمارة ١٢ الدور

الثانى ..

ونلاحظ ان لا احد يطلب رقم التليفون

وتقوم زبيده لتوديعهن وتقيلهن حتى باب الشقة .. على

امل اللقاء بعد عشرة أيام ..

شقة حكمت بالزمالك .. جميلة لا تتميز بشئ معين
فالأنواق متعددة وتنتشر بعض التماثيل المستوردة وتوجد
مكتبة .. وعدة طاولات .. وصالون وحجرة انتريه ..
ويدق جرس الباب وتفتح حكمت لتجدهن .. واحدة تلو
الأخرى وترحب بهن .. ويدخلن وبمجرد أن يجلسن تتوجه
زبيدة لهن بالسؤال .. بطريقة سهير البارودى :

— ها عملتم ليه يا عفريت فى الأيام اللي فاتت دى ؟!

نانو : أنا عن نفسى معملتش حاجة مجرد مشاوير
للبيت حتى مرحتش الصالون ولا تدليك ولا نقشير ..

لما رثيفة والتي كانت تغطى شعرها .. ويبدو إنها لم
يلحظها أحد حتى جلوسهن إلا حكمت التي علقت وهي
تتظر متفحصة :

— روفى فى حاجة متغيرة فيكى مش كده .. ولا أنا
نسيت شكاك ؟!

نهى : آه هو انتى مغطية شعرك ليه ..؟

وتقف رقيقة وكأنما تعلن عن بداية عرض متميز :
بصوا شوفوا وتخلع الغطاء .. ليظهر شعر أسود فاحم
قصير ..

وتصبح نانو بفرحة : يا ولد ايه الجمال ده .. عوده
لأيام لبنان ..

وتتظر رقيقة بخجل : أهوه لعل وعسى نقدر نصلح
حاجة .. أنا قعدت مع حازم واتكلمت معاه وأهى محاولة
لتصفية الأجواء ..

نهى بسخرية ورفض : يا سلام على المصطلحات
السياسية وخنوع المرأة .. أوعى تشتكى بعد كده ..

وتشجعها حكمت : كويس أمال أيه خراب البيت مش
بالساهر .. وبعدين ايه المصطلحات دى .. خنوع المرأة ..
هو مش أنتى مرأة ولا ايه .. ولا معندكيش خنوع ..

نهى بثقة واعتزاز : طبعاً مرأة بس مختلفة تماماً ..

وتتابع زييده الحوار ثم تتحدث وكأنما تقرر وضع :
طب إيه رأيك يا ست مختلفة تحكى لنا حكايتك عشان
نشوف إذا كنتى مختلفة ولا لاه ..

وترد نهى وببساطة شديدة : وأيه المشكلة حكايتى ..
حكاية لطيفة خالص .. وبسيطة جداً ..

نانو : يا رايق يا ولثق ..

حكمت : طيب يلا على كرسى الاعتراف بس استنى
لما أدخل أحضر الحاجات لللى هنشربها معلىش أنا معنديش
حد يساعد ..

وتعلق روفى بود : طيب وماله أحنا نقوم نساعد ..

ويتحرك الجميع .. منهن من رتبت الطاولة والأخرى
وضعت العصائر والأكواب وترمس المياه الساخنة
والنسكافيه والشاى والمقرمشات والحلويات وتهيأ الجميع
لسماع القصة ..

وتجلس نهى وقد وضعت بجانبها كوب نسكافيه
والطفاية والسجاير .. واشعلت سيجاره .. ونظرت بعيداً ثم
أعتدلت فى جلستها .. لتبدأ الحكاية ..

الحكاية الثالثة . نهى

— أنا أسمى نهى عبد الغفار احمد الحسيني من الإسكندرية ..

زبيده : مدد يامرسي يا أبو العباس ..

وتضحك نهى وتكمل الحديث : أنا من عائلة عادية جدا جدا ولكن والدي كان مؤمن بضرورة تعليم الأبناء أحسن تعليم حتى لو مكلناش ولا لبسنا المهم التعليم ولازم يبقى التعليم لجنبي لأنه في نظره هو اللي بيفتح كل الأبواب .. وعشان كده دخلت أنا وأخواتي الثلاثة مدرسة الليسية يعني تعليمي فرنساوى ..

وتقاطعها زبيده بضحك : أوعي يكون جيزويت ..

ويبتسم الجميع ..

وتعود نهى للحكاية : لأمش الجزويت وأخواتي البنات اكبر مني بكتير أتجوزوا من زمان وسافروا برة وتقريبا زى مايكونوا ماصنقوا بعدوا عنا وعن العيشة الغلب اللي كنا فيها .. رغم المدارس الأجنبية والجامعة .. وتسكت

وتتهدد ثم تعود للحديث وكأنما تخشى ان يظهر عليها أي ضعف .. هم فين وفين لما يتصلوا ولا حتى يبعثوا قرشين لوالدي اللي تعب ورباهم خصوصاً انه كبير في السن .. طبعا تعليمي في المدارس دي كان مخليني اشعر أني غير زملائي .. لا ليس زيهم ولا خروجاتي خروجتهم .. عارفين زي آيه زي ما تجيبي كلب لولو وتحطيه في حارة .. وتشرد بفكرها وترتسم على وجهها علامات الألم وسرعان ما تستعيد وجهها الطبيعي .. أما والدتي كانت دائماً بتحاول أن تعلمنا أخلاق الطبقة الراقية وخصوصاً إن لها صديقات لبنانيات وإيطاليات وكنت في الصيف وأنا لسة في ابتدائي اروح لطنط فرنشيسكا اتعلم الاتيكيت وطبعا اتعلمت أصول الأكل والشرب والكلام ازاي اقعد وامتي اضحك وازاي البس حاجات كده ..

وتتدخل زييده في الحوار : آه زي ما كانت نازله بتعلمني ..

وتبتسم نهى ببساطه : آه بالضبط مع الفرق .. ولو أن لما ها تسمعوا حكايتي مش ها تحسوا بفرق كبير قوى ..

وتتعجب رثيفة من الرد ويعلو وجهها علامات
الإندهاش : يعنى إيه مفيش فرق دي عايزة توضيح ..
نهى : اصبروا شويه أنا מבجيش المقاطعة .. وبعدين
اسمعوا وأحكموا أوكى .. وتشعل سيجاره أخرى .. شوفوا يا
متى :

— مرت فترة تعليمى عاديه زى اى بنت .. ولكن دايمًا
كان شكلي ولبسي أقل من اى واحدة من زملائي زى ما قلت
لكم .. وطبعًا عمري ما قدرت اعزمهم ولا أتعزم .. لكن
الوضع أغير تمامًا بعد أولى ثانوي .. لان عن طريق واحدة
صاحبة والدتي اشتغلت فى احد الفنادق فى الصيف وقلت
اساعد اهلى .. وفى نفس الوقت يبقى معايا مصاريف
الدراسة .. لبس كتب خارجية وكده يعنى .. طبعًا الشغل فتح
مجالات ومعارف تفوق .. تصورى وحوشت اول سنة كثير
جدا .. وقلت اول حاجة نعزل وننقل فى مكان انصف ..
وبالفلوس اللي اخدناها لما سبيننا بيتنا القديم حطيت مقدم للشقة
للى قاعدين اهلى فيها دلوقتى وجبت عفش .. وطبعًا هم
كانوا طابرين ..

وتتدخل حكمت : طيب ماهو كويس اهو البلية لعبت ..

وترمقها نهى بنظرة كانما تطلب منها السكوت ..

وتسكت حكمت تماماً ..

_ فى اجازة تانية ثانوى اتجوزت ومحدث يسألنى عرفى

ولا لأه المهم انه كان معايا ورقة تضمن حقى ..

وتقاطعها رقيقة بعد ان رفعت يديها معلنة طلب الكلمة

وحق الاعتراض : بتقولى تانية ثانوى .. ليه ده حب ولا

احتياج ولا ايه .. نفهم بس مش أكثر ..

وترد نهى بطريقة العارف تحديدًا ماذا يريد وكيف يصل

اليه : ولا حاجة من دى .. واحد غنى وعنده ٦٠ سنة وعنده

كل حاجة .. ومشهور جدا .. وطلب منى ان الجواز يكون

فى السر حتى اهلى ميعرفوش ..

زبيده بذهول : يا نهارك ده انتى جرئية بشكل ..

وتكمل نهى وبلا اكتر اثار ولا مبالاة : عارفة مهري كان

كام ١٠٠ الف جنيه .. ازاي اقول لأه .. وكان بييجى

إسكندرية ثلاث مرات فى الشهر علشان كدة محدش خد باله

.. وبعدين لاقيتته بيقولى ومن غير اى مقدمات نطلق وطبعاً
لم امانع وحمدت ربنا انها جت منه ..

وتفاجئ زبيدة الجميع بفطرة تعليقها : يا ايامك يا نازلة
هانم .. ده أنا كنت ظالمة الست ..

نهى ببرود : وايه اللي جاب سيرة نازلة ..

وتلقت لها زبيده وترد ببساطه متتاهية : أبدا اصل
الظاهر ان كل مكان فيه نازلة بس بصورة ثانية ..

وتعترض رثيفة على هذا التعليق : مش قوى كدة كملى
يانهى .. وياريت بلاش مقاطعة ..

وتكمل نهى الحكاية وكأنها حكاية شخص آخر تماماً :
أبدأ بعد كده دخلت الجامعة فى مصر لان اسكندرية محدودة
.. اما مصر واسعة حوت يبلغ اى حاجة .. وفي نفس الوقت
كرهت المكان اللي شفت فيه الحرمان .. رغم انى جوايا
عارفه ان فضل اهلى لا يمكن يتتسى لكن برضه كان جوايا
جرح ودايماً افكر ايام الاكل اللي على القد واللبس اللي
نحاول نظهره جديد وتتدمع عيناها .. المهم سافرت مصر
وكان معايا حوالى ١٣٠ الف جنيه اجرت شقة فى المهندسين

ودخلت كلية الاداب قسم فرنساوى ومن اول يوم عرفت ان
الدراسة صعبة وما تستحملش لا لعب ولا هزار .. وعليه
تفرغت تماما للدراسة وفى اوقات الفراغ درست كمبيوتر
وادارة اعمال فى الجامعة الامريكية واشتغلت مترجمة لبعض
المجالات المتخصصة فى الموضة ..

وتقاطعها زبيده مستفسر : وفين اهلك محدش كان
بيطل عليكى ولا يسأل ولا آيه الحكاية ؟..

وترد نهى بزهق : يوه ده زهير مبكر .. يا بنتى أنا
مش لسة حاكية الحكاية اهلى كبار فى السن .. يعنى تقدرى
تقولى كدة ماليش اهل فهمتى اكمل بقى ..

وقبل ان تكمل بقية الحكاية تتدخل نانو فى الحوار :
تعرفوا كارثة عدم وجود الال جنب البنات .. اللى عنده بنت
ده لازم يبقى وراها فى كل خطوة .. وتسرح بعيدا

وتكمل رثيفة : الواحدده مهما قالت انها تقدر تحافظ على
نفسها والكلام ده ممكن تضعف فى لحظة .. برضه الأهل
صمام أمان ..

أما نهى فقد اشعلت سيجارة : أنا معاكم فى كل ده بس
أنا كنت عارفة أنا عايضة ايه وبعمل ايه ..

وتتعجب رثيفة من ردها وتتنظر لها قائلة : غريبة
صوتك فيه رنة الواثق اللي مش ندمان ..

وترد نهى بنفس الهدوء : بالعكس أنا ندمت كتير لكن أنا
معرفش اندم على اللي فات من غير ماشوف هاعمل ايه فى
اللى جاى .. يعنى الندم لازم يبقى وراه تصليح وتغيير ممكن
اكمل بقى ..

وينظر الكل بذهول : اتفضللى ..

وتعتدل نهى فى جلستها وقد أشعلت سيجاره أخرى :
المهم بعد التخرج اتجوزت عضو فى مجلس الشعب بس ده
كان صغير فى أواخر الخمسينيات ..

زبيده بضحك : ايه يا بنتى كلهم كدة معاشات ..

— بختى كده .. وتضحك

وتتنظر لها نانو وتعلق بحدة لا تتناسب وطبيعتها : لا
مش بختك ده اختيارك انتى بتحبى الفلوس ..

وتؤكد رثيفة على ذلك : لا والنفوذ ..

وتردد نهى دون ان تنفى : وأيه المشكلة .. انتى
متعرفيش يعنى ايه الحرمان والاحساس دايما بالنقص أنا كثير
كنت بقول ياريت اهلى كانوا دخلونى مدرسة على قدنا وعشنا
عادى .. وكنا اتعلمنا اللغات لما كبرنا ..

وقبل ان تسترسل تقاطعها حكمت : والنبي يا ختى بلاش
تبرير انتى قررتى وعملتى واستفدتى .. صح ولا غلط ؟..

وتهز نهى رأسها بالموافقة : المهم هو شرط على انى
مخلفش ووافقت واخذت جميع وسائل منع الحمل .. وعن
طريق العضو ده انفتحت كل الابواب تقدرى تقولى كده
انفتحت طاقة القدر ..

وتتدخل رثيفة وعلى صوتها نبرة العارف الساخر :
بردون يعنى ايه طاقة القدر .. تقصدى طاقة النصب
والاحتيال والتسهيلات واستغلال النفوذ ..

نهى ببرود وتحدى : اهى طاقة خلاص .. وعرفت
طريق الاستيراد والتصدير والقروض .. والعمولات واللعب
على المكشوف والضرب تحت الحزام ..

حكمت مقاطعة : يعنى بالعربى كدة بلاوى السوق
كلها ..

نهى : هو كدة بالضبط وبعد شوية طلبت الطلاق مرة
واتنتين وكان دايما بيرفض لأن الطلاق إيغض الحلال ..
وماكنش اداى غير انى ازق عليه واحده من اياهم ..
وتدخل زبيدة فى الحديث بإنفعال غير مبرر : من اياهم
يعنى ايه ؟ ما تحددى اياهم مين ؟ دول كتير أوى .. وبعدين
كان اسمها ايه اياهم دى ..؟!

وتضحك نهى : طيب يا ستى ماتزعلش أوى كده وترد
بهدوء : افكر اسمها نرجس حاجه كده وكان دلعا نوجه ..
وتحاول زبيده أن تتذكر الاسم : ومين اللى قالك عليها
.. نوجه دى

نهى : عن طريق مدام عقيلة مرة وأنا بعمل حمام
مغربى اخذت رأيها باعتبارها ست فى السوق وقتلتها ان
الموضوع يهم واحده صاحبتى .. قالت لى : مش مشكلة ..
المهم الموصفات اللى عايزاها فى البنت ايه ومعرش هى
عملت ايه بعد كده .. أنا حاسبت وخلص ..

وتعتدل زبيده فى جلستها : أنا ها حكى لكم ..

وتقاطعها حكمت باستغراب : ايه هو مفيش حاجة الا لما
تعدى على بيت نازله ..

وترد زبيده : يا بنتى بيت نازلة فيه كل حاجة انتم
فاكرين ايه ده عامل زى ما يكون عالم لوحده شوفى عندها
مكان للاجتماعات والاتفاقات ومسالون وبلياردو .. وبار ..
وصالة قمار .. ومكتبه .. وكمبيوتر .. وقاعة فيها شاشة
كبيرة .. وصالة فيها ادوات رياضية .. وناس جاهزة تخلص
اى حاجة وكل حاجة وناس تشهد على عقود جواز وناس
تشهد لا مؤاخذه زور .. وبنات تخلص شغل برة ..

وتعلق رثيفة بذهول : انتى بتكلمى جد .. ده أنا كنت
فاكرة حاجة كدة زى اللى بتطلع فى الافلام يعنى سورى بيت
مشبوه ..

وتعلق زبيده على طريقة يوسف وهبى : يا للسذاجة ..
ده يا بنتى مولد وعلى مستوى ..

وتقاطعهم نانو : ما تحكى حكاية نرجس يا زبيده ..

— ولا حكاية ولا رواية فى يوم جت عقيلة وعلى غير
عاداتها .. لان عقيلة لها وقت معين للزيارة وغالبا بتبقى فى
اوضة الاجتماعات ومحدث بيسمع بيقلوا ايه حتى لو
صوتهم على محدش بي فهم حاجة .. المهم قالت لها :

— أنا عايزة بنت شيك وتدى شكل ولاد الناس تخلص
مأمورية برة وها يكون من وراها شغل كثير .. وبعد كدة
سمعنا من نرجس ان مرات الراجل المهم ده قفسته معاها
وطلقها علشان خاف من الفضيحة !!..

وتضحك نهى : مراته دى كنت أنا لان الزوجة الأولى
معندهاش فكرة عن المواضيع دى ..

رثيفة بتعجب : مش معقول كل مصيبة وراها بيت نازلة
.. معقولة اللي بنسمعه ده ..

نانو : دى فساد ..

وترد زبيده مدافعة كعادتها عن بيت نازلة وكل ما يتعلق
به : لا مش فساد ولا حاجة .. شوفوا هى لها طريقة عجب
كده فى التعامل .. يعنى مثلا لا يمكن تشغل واحد متجوزة
.. ده ياما ستات كثير وعلى نمة رجالة كانوا عايزين يشتغلوا

اى حاجة بس يخشوا البيت بأى شكل كانت تطردهم وساعات
تجيب لهم شغل .. بس بعيد عن البيت وهى ما بتجبرش حد
يشتغل عندها واللى عايز يسبب الشغل يسيبه بس اى واحد
تفكر تلعب بديلها من وراها أو تخرب بيت من بيوت العملاء
ولا تحكى اللى بيحصل فى البيت كانت توربها النجوم فى
عز الضهر ..

وتتدخل رثيفة بتعجب تهكمى : يا سلام دى حامية حمى
الاخلاق والفضيلة !!..

ولا تلتفت زبيده لما تقوله رثيفه بل تكمل حديثها وبنفس
الحماس : تعرفوا منصور رزق بتاع الاستيراد والتصدير
اهوه ده كان ها يطلق مراته علشان واحده عند نازله هانم
كان اى واحد تعجبه واحده .. كان لازم يبقى فى ورق ..
المهم البت دى قعدت تزن على الراجل لما كنت ها تخرب
بيته واول ما نازله هانم عرفت حلققتها راسها وحواجبها
وطرقتها وأخذت منها تحويشة العمر كله ..

نانو مقاطعة : يا سلام ما هى ممكن تبلغ ولا تحكى عن
اللى بيحصل جوه ..

وترد زبيده بنقة .. وسخرية : تبلغ بالبساطة دى .. دى
بيت نازلة حماية فاهمة يعنى ايه وبعدين مقيش غلط ..
الاوراق ١٠٠ % ..

رثيفة باستتكار : كل المصايب ومقيش حاجة غلط ..
أمال الغلط والمصايب تبقى ايه ..

زبيده وقد عادت لنبرة صوتها العادية : المصايب دى
عرفتوها لما أنا اكملت لكن البيت من برة كل اللى ماشى
ومعدى عليه يتمنى يدخله .. تعالى شوفى فى العيد والمواسم
ببقي الشارع طوابير على بعضها علشان العجول اللى بتدبح
وتتفرق ..

وتتدخل نانو مستكرة وبسخرية : لا بجد كفاية أنا هعيط
من الحنية .. هو فى ايه ده إنتى بتتكلمى عن بيت من
الأحلام ..!؟

حكمت — يا سلام دى على كده اخلاقها احسن من اى فينا
دا انتى يا بنتى ولا لما تكونى بتتكلمى على شيخة ولا
قديسة ..

وتتظر لهن زبيده متعجبه من هذا الهجوم : اسمعوا أنا
ما بدافعش عنها أنا بحكى اللى شفته ..

أما نهى فقد استغرقت فى التفكير وكأنما تزن الامور
وفجأة تكلمت : هى فلسفة برضة !

وتعترض رثيفة بعصبية وحده : إنتى بتقولى ايه فلسفة
ايه دى دى فلسفة الدمار وتحاول السيطرة على نفسها ..
المهم كملى عملتى إنتى ايه بعد كده ..

وترد نهى بالبرود المعتاد واللامبالاة .. والسيجارة بين
شفتيها : ولا حاجة اتطلقت لتانى مرة .. واتجوزت كمان مرة
وخلص ..

نانو : طيب يا نهى فين العيلة فى كل ده ..

وترد نهى بياس : تانى العيلة .. كبروا وبعدين هم كانوا
سألوا زمان لما ها يسألوا دلوقتى أنا بابتعت الفلوس بانتظام
وبيعرفوا أحوالى من التليفونات وخلص ..

حكمت : طيب وصور الصغيرين اللى عندك دول فى
مدخل الشقة دول مين ولادك .. وكأن حكمت قد ضغطت

على جرح وارتسم على وجه نهى حزن ولم تحاول ان تخفيه
هذه المرة ..

ويعلو صوتها رنة أسي : أنا مش بخلف من كتر الادوية
وموانع الحمل اللي اخذتها من غير استشارة اى دكتور منعت
الخلف تماما .. ودول اولادى بالكفالة .. أنا كفلتهم من وهم
عمرهم ايام بشوفهم كل اسبوع وساعات بيحجوا عندي .. اهي
حاجه تتفعلن فى الدنيا والاخرة .. وتسكت تماماً ..
وتقطع رقيقة هذا السكوت : طيب وانتى ايه دلوقتى ..
يعنى أيامك بتقضيها إزاي ؟

_ شوفى يا ستى أنا أسست شركة كويسة لوى للماكياج
واللانجيرى كنا بنجيب من فرنسا ولبنان وتركيا عن طريق
عقيلة ..

وتتدخل حكمت : اه أنا كنت بجيب ماركات متميزة قوى
لعقيلة .. هو انتى بقى اللي كنتى بتطلبى الماركات الشيك دى
ولا حد تانى ..؟

وتجيب نهى ببساطه معرفش إذا كان فى حد تانى ولا
لأه بس أنا كنت بطلب الحاجات دى .. وبعدين كنت ابعت

مندوب لبور سعيد يجيب اقمشة مستوردة .. وعندى مشغل
للبنات يعملوا زى الموديلات بالضبط ونحط ماركات ونوزع
على الستات اللي غاوين يعملوا {Open Day} يوم مفتوح ..
نانو بذهول : معقولة كله مغشوش أنا خلاص مش
هصدق حاجة تانى ..

حكمت : ودى كانت فكرة مين الشيطانيه دى ..

نهى : فكرة عقيلة ..

رثيفة بعصبية : مش ممكن كل حاجات تبتدى عند عقيلة
وتصعب عند نازلة ..

وتضحك زبيده : وانا فى النص ..

نانو : كملى حصل ايه بعد كده فى قطار المفاجات ده ..

نهى وبنفس اللامبالاة : ابدأ بلغوا عنى ..

نانو : ليه ايه السبب !!؟

_ ابدأ المندوب اللي كنت بيعته بور سعيد طمع فى النسبة
.. فقال لى :

_ يا مدام النسبة كدة شوية يا ريت ترفعها .. ولما
رفضت وقف وسط المحل يهلل ويقولى أنا اللي بعمل الشغل
كله وانتى متعرفيش حاجة .. أنا دلوقتى عارف الليلة كلها ..
ومش حكاية يعنى .. ولما لقيته اتسعر كده .. طردته مفيش
اسبوع ولاقيت الدنيا على دماغى مباحث التموين والتهريب
الضريبى وامن الدولة مواويل .. وقضايا .. ومرت اول
جلسة على خير فى الاستئناف حصل كده استلطاف بينى
وبين القاضى ..

وتتنفض حكمت .. وعلى طريقة { نانسى عجرم } : ايه
.. قول تانى كده .. قاضى معقول قاضى مرة واحدة ..
وتتدخل زبيده وكأنها من أصحاب الخبرة : اه قاضى ده
اجمل كلام تسمعيه منهم وبعدين هو القاضى ده مش راجل
ولا ايه .. شاطره يا نهى ..

وتحنى نهى رأسها شاكره .. وتكمل الحديث :
_ واتخطينا بس لغاية ما القضية خلصت وبعد شوية
خناقه ومع السلامة ..

رئيقة : ياه احداثك كتير قوى بس بمزاجك ..

زبيده : الستات دول مأسى يلا ..

حكمت : معلىش يعنى وانتى دلوقتى متجوزة ولا مطلقة
ولا إيه ؟..!

نهى ببرود وثقة تفوق الوصف : إيه متجوزة ولا
مطلقة !! .. أنا لسة يا بنتى متجوزتش .. أنا بنت بنوت ..
هو انتى مخدتيش بالك أنا قلت إيه ؟.. أنا معنديش ولا مستد
رسمى يثبت أنى أتجوزت .. وبعدين أنا لسة راجعة من
لبنان ..

ويظهر الذهول على وجه الجميع وكأنهن لم يستوعبن ما
تقصدى ..

الا ان حكمت بنفلت لسانها : يا بنت الجنية ..

وسرعان ما تعتذر حكمت : أنا آسفه بس ..

وتقاطعها نهى بهدوء : ولا يهمك ..

ويبدو ان المعلومة قد وصلت بعد هذا التعليق ..

وعلى الفور تقول زبيده بذهول وفرحه : يعنى أنا اروح

لبنان ارجع بنت ١٦ سنة

رثيفة : ده الواحد كده يشك فى صوابه أيده ..

اما نانو فقد نزل عليها الصمت الرهيب وان كان عينيها
ارتسم فيها ذعر وخوف

حكمت : برضه ما رنتيشى بتعملى ايه ..؟

— بشرف على المحلات ويسافر وبدور على زوج
للاستقرار توبة من دى النوبة صفحة وقفلناها ورمينا مفتاحها
.. فى بير مالوش قرار ..

زبيده : ياريت تشوفى لى معاكى واحد .. وبرضه
هاكون بنت بنوت ولا أقولك فى اللفة ..
ويضحك الجميع ..

وتستكمل زبيده كلامها وتعلو فى صوتها رنة حزن :
بس المشكلة انى لو حملت مش معرف ارضع ..
نانو : ايه الرواقه دى .. كأنكم بتتكلموا وتحكوا عن ناس
تانية ..

رثيفة : ما احنا لازم نعمل كده عشان نعيش .. المهم
الاسبوع الجاى عند مين ؟
زبيده : يا عندك أو عند نانو ..

نهى : طيب ها تبقى حكاية مين ؟

حكمت : مش فاضل غيرى أنا ونانو

نانو : بالحق ملاحظتنوش احنا لغاية دلوقتى منعرفش

نمر تليفونات بعض ؟!

زبيده : صحيح ..

نهى : نأخذها الاسبوع الجاى ..

وتفترق السيدات على اتفاق باللقاء الاسبوع القادم فى

بيت رئيفة على ان تحكى كل منهن ما حدث خلال

الاسبوع ..

فى الزمالك على النيل فى الدور التاسع تسكن رئفة فى
شقة من الطراز القديم والتي ينم كل ركن فيها على الشياكة
والأصالة .. إلا إنك تشعر بالحزن يلف المكان .. ؟ !

ويبدأ الجميع فى التوافد وفوجئ بزبيده تدخل وقد أنتقبت
إلا أنهم عرفنها من صوتها ..

وكعادة حكمت فى الإنفعال والنقد : إيه اللي حصل
رفعتى راية التوبة ودخلت زمرة الورعين ..

وترد زبيده بسخافة .. وسخرية .. لا يا نكيه .. خفت
أقابل حازم هنا ولا هنا .. البيوت لها حرمتها ..

وتعلق نهى بأعجاب لفطنة زبيده : لماحه .. لا حقيقى
تربية نازلى ..

وتشترك رئفة فى الحوار .. بعد أن أجلستهن .. وقد بدا
عليها علامات حزن تحاول أن تخفيها : على العموم حازم ..
مش جاي النهارده لما عرف إنه يوم ستاتى ..

وبعد أن يجلس الجميع فى غرفة المعيشة المزدانة بصور
لرئفة وعائلتها نجد نفس الطاولة المكتظة بالعصائر

والماكولات تتكرر وإن كانت رثيفه قد أضافت أنواع أخرى
وأن لون المفرش مختلف ؟ !!

وتتوجه نهى بالسؤال : عملتوا ايه الأسبوع اللي فات ..؟
أنا عن نفسي لا جديد ..

وتكمل زبيده : أنا زرت نازلى هانم كبرت والمكان
اتغير الأوض مقفوله ومفيش هناك يمكن غير بنت ولا
اتنين ..

وتعلق نهى بصوت يملؤه الفرح : الحمد لله يبقى اللي
بيتعمل جايب فايده ..

وتؤكد رثيفه على ذلك : ولسه كمان .. ده كلام يشجع
الأمل دائماً موجود ؟.

وتعود زبيده للحديث مرة أخرى : وقبل ما أروح لقيت
فى أول الشارع مكتب لتعليم الكمبيوتر دخلت قدمت
المصاريف ..

نانو : دى خطوه كويسه قوى برافو ..

ويلحظ الجميع شرود رثيفه ..

فتسألها زبيده : مالك يا رثيفه حصل حاجه الأسبوع اللى

فات .. ولما لم تجيب ..

وتعيد زبيده السؤال : طب أحكى لنا عملتى إيه الأسبوع

اللى فات ..

وتتهد رثيفه : أبدأ الوضع مع حازم الحمد لله .. لكن

يامور هى اللى نكدت على .. عرفت أوصل لها وقالت لى

إنها إتطلقت .. وقلت الحمد لله .. أما المصيبة السودة إن

الهانم بتشتغل فى كباريه !!

وينزل الخبر على الجميع كالصاعقة ..

إلا إن زبيده لا تسكت : كباريه إزاي يعنى .. مش

فاهمه .. !!

وتعلق نانو : إيه يا زبيده مش عارفة يعنى إيه كباريه

رقص وخمر وحاجات كده ..

وتفتح زبيده عينيها وفمها من الدهول وكأنها لم تستوعب

ما قالته نانو ..

أما نهى وينفس الهدوء : طيب وها تعملوا إيه ..؟

وترد رثيفه بهدوء لا يتناسب مع الموقف : ها نعمل ايه
العمل عمل ربنا ..

أما زبيده وقد بدا عليها رفض هذا الموقف وهذا البرود
الذى تتعامل به رثيفه مع الحديث : يعنى ايه العمل عمل ربنا
ما أحنأ عارفين إنتوا أهلها ها تعملوا ايه ..

ولما لم يرد أحد تكلم زبيده كلامها بعصبية شديدة :
سافرى بكره هاتيها من هناك بالعافية .. ولا أبعتى أخوها ..

وتتدخل نهى فى محاولة للتقليل من عصبية زبيده وهدوء
رثيفه الغريب : طيب ما تقولى لحازم يروح يجيبها برضه
المواقف دى عايزه رجاله ..

رثيفه وقد بدا عليها الأثر والحزن : هو مش عايز يروح
بيقول ماليش دعوه ..

ويظهر الاستنكار والاستغراب على وجوه الجميع ...

وتعلق زبيده باستغراب وحده : ليه هى مش بنته ولا
مين دى ..

ويبدو أن رثيفه سمعت الجملة بصيغة أخرى تماماً ..
فتقوم مذعوره كمن لدغها عقرب : حتى دى حازم قال عليها
وأنا اللي قلت أن ده سر عمر ما حد ها يعرفه .. وبمجرد أن
أتمت الجملة سمعت شهيقيهن وعبارات الاستنكار والتعجب ..
أدركت حجم الكارثة التي فجرتها .. فأخذت فى البكاء ..

ولتتقذ نهى الموقف : رثيفه كأننا ماسمعناش حاجه ..

إلا أن زبيده لا تعجبها هذه المداره فتتدخل فى الحديث :
لا أنا سمعت وعايظه أفهم ليه خبيتي علينا رغم أننا حلفنا
وأتفقنا ولا أيه .. يا هانم ؟..

وتتظر لها رثيفه وقد إمتلئت عيونها بالدموع : أنا هقول
لأنى خلاص تعبت .. قبل يامور ما تتولد حازم عمل حادثة
كبيرة وسافرنا ألمانيا علشان العلاج وأنا معرفش العملية دى
أثرت على أيه ولا حتى إيه نتايجها مرضاش يقوللى ..

ورجعنا مصر وكانت معاملته من أسوأ ما يمكن وكان
عندى شغل فى فرنسا سافرت وهناك قابلت مجموعة من
الأصدقاء كنت أعرفهم من لبنان وكان معاهم { ماجد }
وحسيت إنه أقرب واحد لى وفى يوم رقصنا وسكرنا للفجر

ومعرّش إيه اللي حصل بعد كده ولا حتى فاكده حاجه
ورجعت مصر وكانت العلاقة عادية بينى وبين حازم ولما
عرفت انى حامل أخذت الأمور عادى كل اللي لاحظته إن
حازم كانت معاملته متغيره .. ولما ولدت يامور لقيته بيقللى
البنّت دى ها تكتب باسم مين ؟ فقلت له : بأسمك طبعاً إيه
الهزار البايخ ده .. فوجئت به يقولى اسمعى يا رثيفه البنّت
دى مش بنتى لأن العملية اللي عملتها فى ألمانيا أثرت على
يعنى بصريح العبارة كده أنا عقيم فشوفى البنّت ها تكتب
باسم مين وفين وفين لما رضى يكتبها بأسمه لكن كان
بيكرها جداً رغم إنها بتحبّه .. علشان كده يامور معظم
وقتها فى لبنان .. وتبكي رثيفه ..

أما الباقيات فكان على رؤسهن الطير لا ينطقن بكلمة ..

ويبدو أن حكمت أرادت أن تكسر هذا السكوت .. وكان
ما قيل لايعنيها بالمرّة : طيب وأنا هاحكى أمتى ..؟

ولا يجيبها أحد ..

إلا أن نهى بصوت يملؤه التفاؤل : اللى فات يتصلح
الزمان كفيل بإصلاح حاجات كثير .. مش كده ولا ايه ..
وتتظر لهن ..

وتبتسم زبيده : بس برضه لازم تجيبها تحت عنيك ..
ثم توجه حديثها لنانو التى لم تتطرق بحرف واحد من أول
اللقاء : ولا ايه رأيك يا نانو ..
وتبتسم نانو ولا ترد ..

وتتكلم حكمت مرة أخرى : هو مش أنا برضه الدور
كان على .. ولا انا علطول حقى ضايع .. ؟
رئيغه : أنا أسفه أتفضللى يا حكمت .. على كرسى
الاعتراف وقد رسمت إيتسامه لتشجيع حكمت ..
وتجلس حكمت على الكرسى لتحكى حكايته ..

الحكاية الرابعة .. حكمت

— أسمى حكمت أحمد نور من عيلة متواضعة جداً ومن
حى شعبي وكنت فى مدرسة عربى لأن أهلى على قد حالهم
وعندى أخ وأخت أكبر منى .. وطبعاً فى الأحياء الشعبية دى
بيموتوا فى البنات البيض واللى شعرهم ناعم وأنا لا دى ولا
ده لأنى أشبه أهل أبويا .. وده طول عمرى سبب لى عقد

وتتدخل نانو .. وزبيده : أنتى مش وحشه أوى كده ..

نهى : وجسمك تحفه .. ولا المانيكان ..

وتبتسم حكمت بطيبة على غير المألوف : ربنا يخليكوا
بس خلونى أحكى .. وكنت دايماً أسمع الجملة دى لو الجسم
الحلو على وش أحلى وأبيض شويه كان يبقى إيه .. و ..
تسكت .. لما دخلت الثانوى كنت بسمع شرايط لتعليم اللغة
الانجليزية علشان اللغة تقوى .. ومرة بتصفح جورنال لقيت
اعلان لفت نظرى مطلوب بنات أجسامهن بمواصفات معينة
وبأجور مغرية .. رحى وعرفت أنه إعلان عن مانيكان ..
وفرحت قوى الأجر مغرى وبعدين بصراحة هأعوض

حاجات كثير أوى من اللى جوايا لبس شيك ومعجبين ..
وتصوير .. يعنى حاجة تفرح ..

وتتدخل نانو متعجبة : وأهلك معترضوش .. وخصوصاً
إنك بتقولى إنك من عيلة عادية ..

وترد حكمت بأسى : يعترضوا .. ده أنا لو قتلهم
هاموت بكرة مش ها يتحركوا .. وتدمع عيناها ..

وتحاول نهى أن تخفف حدة الموقف : يا حكمت أنتى
أكيد بتبالغى ..

وترد حكمت بنفس الأسى والحزن : أبالغ .. أبويا كان
دائماً يقولى يا كارتته .. وأمى تقولى ياسوده ياكوده ..
وتبكى ..

وتقوم رئيفه لتطبطب عليها ..

أما زبيده فتحاول أن تهدىء من حزنها : أهدى كلنا
ياما شفنا ..

وتتوقف حكمت عن البكاء وتستجمع نفسها .. لتكمل
حكايتها : وأشتغلت مانىكان .. ودخلت الجامعة تصوروا

أهلى ما يعرفوش حتى الكلية أسمها إيه .. وأتعرفت في
الفترة دى على { حسام } منسق عروض الأزياء ومعرفتنا
كانت عادية لكن وجودنا مع بعض يومياً خلانا قريبين جداً ..
ولقيته بيكلمنى عن مستقبلنا وأحلامنا .. وأنه ما يقدرش يعيش
من غيرى وأنى جذابة .. وتسكت وتدمع عينها .. بصراحة
أول واحد لقيته يحس بأنى موجوده .. وفى يوم كنا مع بعض
.. وحصل اللى حصل .. وتسكت تماماً ..

وتستفسر نهى : يعنى إيه حصل اللى حصل .. ؟!

ولا ترد حكمت بل تنتظر فى الأرض ..

وتتدخل زبيده : ودى عايزه توضيح .. غلطوا مع بعض
مش كده بإحكمت . آمال عماله تسألنى عن الصلاة وعلاقتى
بربنا ..

ويسكت الجميع ..

وتقطع رقيقة السكوت بجملة اعتراضية .. وكأنما تحدث
نفسها : أنتو عارفين اللى بنحكيه ده معناه إيه .. إن' ولا
واحد فينا سليمة كلنا عندنا جروح وكلنا بندارى ده أنا كنت
فاكره محدش غيرى مجروح .. وتتنهد وتدمع عينها ..

وتعقب زبيده بحزن وأسى : اصبرى يمكن نانو تطلع
أحسن ..

وتتظر لها نانو وقد علا وجهها نظرة حزن وأسى : لا
أحسن ولا أوحش محدش عارف حاجة .. كملى يا
حكمت حكايتك ..

وتتظر لهن حكمت بحزن وضيق : خلاص خلصتوا
تعليقات .. سبوني أحكى بعد اللى حصل توقعت أنه
يتجوزنى.. خصوصاً إنى مكننش عايزه غير ورقة جواز بس
تحمينى .. لكنه رفض وفوجئت إنه بيتجوز واحده ثانية ولما
سألته ليه فوجئت برده اللى علمنى درس عمرى ما نسيته ..
— أصحابك ونسهر سوى ونهيص أه لكن لما أتجوز ..
أتجوز حاجة تسليم فابريكه

وتهز رثيفه رأسها مؤكدة على كلامه : هى دى عقلية
الرجل الشرقى .. !! شعارات وحريات غير قابلة للتنفيذ غير
فى الأفلام وعلى الورق ..

وتسكت حكمت وكأنما تعود للوراء متذكره أيام خطت
ذكريات مؤلمة على نفسها ..

وفى هذه الأثناء يرتفع صوت رنة موبايل ..

وتتجه كل منهن إلى شنطتها ..

وترد زبيده علي الموبايل : أيوه يا شربات على مهلك
شويه .. بتقولى ايه يابت .. عقيلة تعبت وإمتى حصل ده ..
طيب أنا بقولك شوفى عبد الباسط فين وابعتيهولى على طول
فاهمه .. وتنتهى المكالمة .. وقد بدا عليها الإنزعاج والقلق ..

وسرعان ما تسألها نانو : في ايه يازادى .. في حاجة ..

وترد زبيده وهى تهتم بالخروج : ابدأ البننت شربات
بتقولى عقيله هانم وقعت من طولها في المحل .. وطلعوها
شقتها وبصراحة هى ملهاش حد ، أنا لازم أنزل .. معلى
ياحكمت للضرورة أحكام ..

وتتظر رثيفه للأخريات : طيب أحنا ها ننزل معاكى
مش هنسيبك لوحدهك وتتظر للباقيات ولا ايه ياجماعة ؟

ويرد الجميع : طبعاً .. أحنا دلوقتى ولا الأخوات ..

وتضحك زبيده : طيب يلا يا أخوات زبيده ..

ويضحك الجميع ويتجهن لباب الشقة وينزلن السلام
ويقفن أمام العمارة ..

وتسارع حكمت بالسؤال : طيب ها نروح بابه .. ؟
وترد زبيده : تعالوا معايا في العربية ووقت ما تحبوا
تروحا يوصلكم السواق ..
وتهز السيدات رؤوسهن بالموافقة .. ويقفن أسفل
العمارة ..

ويبدو إن الممل تسرب لحكمت وتسأل زبيده : فين يا
بنتي العربية ..؟

وتشير زبيده بيدها ببساطة : آهي العربية السوداء دى ..
وتفاجيء السيدات بعربية مرسيدس على أحدث طراز
ويقودها سائق نوبى مرتدى زى كامل بدله كحلى وكاب على
رأسه .. وينزل بحركة سريعة ويفتح الأبواب : أنفضلوا
يا هو انم .. ويركبن العربية ..

وتوجه نهى الحديث لزبيده : ايه رأيك أنا هاتصل
بدكتور يسبقنا على هناك إختصاراً للوقت ..

وتوافق زبيده .. وتشق العربيه طريقها لتصل إلى
صالون عقيلة وسرعان ما ينزل السائق ليفتح للجميع ..

وتتوجه زبيده للمحل علي الفور .. وتقابلها شربات لتعيد
ما قالت في الموبايل .. إلا أنها أضافت بس لما طلعناها فوق
مسكت دماغها جامد وقعدت تقول الحقونى الحقونى وقعدت
ترجع ..

وبأهتمام شديد تسأل رثيفه شربات : بتقولى ايه بترجع
وماسكه دماغها !؟..

— آه ياست دى رجعت كثير أوى ..

وظهر الانزعاج على وجه رثيفه ووجهت حديثها
لزبيده : بقولك ايه .. الأحسن تطلبى عربية أسعاف ..
الموضوع شكله مش سهل ..

أما نانو وقد بدأ عليها الذعر : هو ايه الموضوع كبير
كده ويخوف .. ولا ايه يا روفى .. يا يسوع ..

وتلثفت زبيده باستغراب : بتقولى ايه .. ياختى ..

وتتظر لها نهى بتعجب وضيق : مش وقته يا زبيده يلا
نطلع الأول ..

وعلى الفور تتجه السيدات إلى مدخل العمارة ويصعدن
السلام وإن كانت زبيده قد سبقتهن ..

وتدق زبيده جرس الباب لتفتح خادمة أخرى ..

وتسألها زبيدة : ستك فين .. يا رزقه ..

وتشير رزقه للداخل : فى أوضة النوم يا ستى ..

وتوجه زبيده حديثها للباقيات : أتصرفوا على راحتكم
كان البيت ببيتكم ..

وتسارع رثيفه : أنا هأدخل معاكى ..

وتقف الباقيات فى منتصف الشقة التى ازدانت حوائطها
بصور لبنتين وشاب وصوره كبيره للعدرا وسورة { يس }
وصورة لسيدة تشبه عقيلة إلى حد كبير ..

ولا يفوت نهى هذا التناقض وتعلق بصوت تسمعه
الباقيات : مش غريبه شويه .. التركيبه دى ..

وتهز حكمت راسها : آه آوى .. بس بيتها شيك قوى ..
وريشه خفيف ..

وتلف نانو فى المكان : ده استايل ايطالى .. أنا كنت
فاكراها يونانيه ..

وتجلس السيدات ..

إلا إن نهى تقترح أن يدخلن لعقيلة : أيه رأيكم نخش لهم
جوه يمكن يحتاجوا حاجة ..

ويقفن جميعاً ويتجهن للدخل ..

وفى غرفة عقيلة نجد سيده فى الستينات تقريباً ممدده على
السريير شاحبه الوجه .. وإن كان وجهها يدل على جمال
سابق .. وعلى الكمود انجيل وسبحه .. وعلى كمود آخر
قرآن ..

وتأتى الخادمة .. مسرعة : ستى الدكتور جه بره
ادخله ..

وترد زبيده بنرفزه : ودى عايزة سؤال دخليه طبعاً ..

ويدخل دكتور فى الخمسينات ..

وتستقبله نهى بالترحاب والاحترام : أهلاً دكتور شريف
معلش تعبك وتعرفه بالباقيات دكتور شريف منصور طبعاً
غنى عن التعريف .. أصحابى ..

وترحب به نانو : طبعاً دكتور شريف أشهر من النار
على العلم ..

ويتوجه الدكتور لعقيله ويبدأ بفحص عينها ثم يقوم بقياس
الضغط والنبض ..

ويوجه حديثه لنهى .. وقد علت وجهه علامات الجديه :
اعتقد انها لازم تنتقل المستشفى وحالاً .. الوضع ماينفعش فى
البيت ..

وفى هذه الأثناء تأتى الخادمه وبنفس الغباء السابق
ستى الأسعاف ومعاهم الدكتور ادخلهم ولا خلاص ؟..
وترد زبيده متممه : يا بنت الأيه على غبائك .. طبعاً
دخليه ..

ويدخل دكتور الأسعاف الذى يرحب بالدكتور شريف :
أهلاً يا باشا رأى سيادتك أيه فى الحالة ؟..

ويشرح دكتور شريف الحالة بهدوء : أنا شايف إن
النبض ضعيف وضربات القلب مش منتظمة .. حتى العين
مفيهاش تركيز أنا أفضل إنها تنتقل المستشفى .. الرعاية تبقى
أحسن ويتعمل هناك تحاليل ورسم قلب وإشاعات ..

وسرعان ما يتحرك دكتور الإسعاف : حالاً يا أفندم ..
وينادى على الممرضين وفي لمح البصر تحمل عقيله على
سرير الإسعاف ..

ويتوجه دكتور الإسعاف بالحديث للسيدات : ياريت حد
ييجى معانا فى عربية الإسعاف علشان إجراءات الدخول ..

وتجيبه زبيده على الفور : حالاً يا دكتور ..

ثم تنادى زبيده الخادمه : اسمعى يا رزقه ماتتحر كيش
من الشقه سامعه لو حد أتصل أحنأ فى مستشفى العهد الجديد
.. فاهمه ..

وترسم على وجه الخادمه كل علامات الغباء ..

وتتوجه زبيده بالحديث للسيدات : طيب أنا هاروح
المستشفى وهاخد شربات ممكن تستنوا فى صالون عقيله

والسواق يرجع لكم .. عشان أنا مش عارفه الدنيا ها تمشى
ازاى ..

وتتدخل رثيفه : إنتى بتقولى أيه يا زادى مش ممكن
نسيبك أنا هاجى معاكى .. ولو حد عايز يروح .. يروح ..

إلا أن الباقيات يؤكدن على نفس الكلام .. وفي الطريق
للعربية تتأهب عربية الإسعاف للتحرك ..

وتنادى زبيده شربات وتطلب منها الركوب مع عربية
الإسعاف والإنتظار فى المستشفى لحين وصولها ..

ويتوجه الجميع لسيارة زبيده ..

وفي الطريق تتصل زبيده بنازله هانم : بونجور مامووه
.. إزيك .. عقيله هانم تعبت .. لا متخضيش هى كويسه ..
بس نقلناها على المستشفى علشان تعمل شوية فحوصات ..
مستشفى العهد الجديد .. خلاص أشوفك هناك .. ارفوار ..

وتعلق نهى بإستغراب : هو أنتى مكنتيش كلمتيها أول ما
عرفتى ..

وتلثفت إليها زبيده : هو أنا كان فيه مخ .. أنا ميقتش
عارفه أعمل أيه .. ده الحمد لله أنكم كنتم معايا .. وإلا كنت
إحتست ..

حكمت : مش بقولكم إن حظي قليل حتى لما جيت احكى
حكايتي والاقى حد جنبى يشيل معايا .. الدنيا تنقلب ..
ويضحك الجميع ..

وتعلق زبيده : ياستى الأيام جايه كتير ياما ها نحكى
ونسمع ..

وتتساءل رثيفه : هى مش عقيله عندها ولاد .. مش
الأصول تكلمهم بدل ما كنتى تكلمى صاحبيتها ..
وتهز زبيده رأسها وهى سارحه : هاكلهم بس لما
نعرف الحاله أيه ..

وتصل العربية المستشفى وتنزل السيدات ويتوجهن
للاستقبال وتخبرهن موظفة الاستقبال بأن السيدة عقيله قد
وضعت فى قسم العناية المركزة الخاص بالمخ والأعصاب
ويبدو الذعر على الجميع ..

وأمام غرفة العناية المركزة تقف السيدات وقد جلس
آخرون فى صالون الانتظار ..

ويأتى دكتور حلمى الجوهري فى الخمسينيات من عمره
ويبدو أنه كان دونجسوان فى شبابه .. ويبدأ فى الحديث
لهن : أحنأ لازم نعمل رنين مغناطيسى علشان نحدد إيه
بالضبط اللى حاصل جوه .. وحد ينزل يدفع مبلغ تحت
الحساب ..

وتخرج ممرضه من الغرفة موجهة حديثها للدكتور :
المريضة جاهزه يا دكتور ..

ويهز الدكتور رأسه ..

وتتوجه الممرضة للداخل وبعد قليل تخرج الممرضة
ومعها عقيله إلى غرفة الأشعة ..

وينتظر الجميع بالخارج ..

إلا أن زيده تستأذن للذهاب للحسابات .. وتعود مرة
أخرى لتجلس معهن فى إنتظار نتيجة الأشعة ..

وتسكت السيدات وتسرح كل منهن .. وكأنهن يسترجعن
ما حدث ..

وفي هذه الأثناء تأتي نازله هانم سيده جميلة وأنيقة
المظهر وترتدى الحجاب التركي وتفوح منها رائحة برفان
متميزة وقد إزدانت يدها بخواتم الماظ وورائها تمشى خادمة
صغيرة ترتدى فستان أسود ومريلة بيضاء .. وبمجرد ما
تظهر نازله هانم تشعر بأنها أضفت على المكان رونق ما ..
وما أن تلمحها زبيده تقوم على الفور من مكانها وتتوجه
إليها محبيه مع إنحناء بسيطه من رأسها : بونجور ماموه ..
وتمد نازله هانم يدها وتقبلها زبيده وتقوم بإجلاسها ..
وتومئ نازله برأسها محبيه الجالسات وقد شردت بعيداً ..
ويخرج دكتور حلمي ويبدو على وجهه الانزعاج ..
ويتوجه للسلام على نازله هانم .. وقد علت وجهه ابتسامة :
نازله هانم إيه الشرف العظيم ده .. المستشفى نورت ..

— مرسى يادكتور إيه الأخبار .. طمنى ..

— هي الهانم تقرب لسيادتك ..

— وتحنى نازله رأسها : أكثر من قريبتي ..

ويهز الدكتور رأسه وقد إختفت من وجهه الإبتسامة :
بصراحه ياهانم الوضع ما يطمئنى هى عندها نزيف فى
المخ .. والوضع تحت السيطرة لغاية دلوقتى .. لكن وحسب
الاشعات الأولية المفروض أن يتم إجراء عملية فى خلال ٤٨
ساعة ..

وتهز نازله رأسها وتمتلئ عنيها بالدموع : أوكى
يادكتور أعمل كل إجراءاتك وشوف إيه المطلوب .. وأحنا
تحت أمرك ..

— ابدأ يا هانم مفيش مطلوب ولا حاجة ده حضرتك
خيرك سابق .. بس احنا ها نحتاج إقرار من أولادها لو
عندها .. أو حد يكون مسئول عنها .. وها نبتدى الإجراءات
عطول ..

— حالاً يادكتور ها نتصل بأولادها .. وإنشاء الله يكونوا
موجودين النهارده ..

ويهم الدكتور بالانصراف .. إلا أنه يتوقف ويقول : هى
دلوقتى ها تروح اوضتها وستمنع عنها الزيارة وها نعلق لها

المحالييل .. فأرجو منكم الانتظار هنا لغاية ما يسمح لكم
بالدخول .. ولو سمحتى حاولى بسرعة قدر المستطاع
الإتصال بأولادها .. عن إنك يا هانم ..

وتحنى نازله رأسها إيداناً بالإنصراف .. وتوجه الحديث
لزبيده : أنا هاحاول أتصل بزيب .. وتخرج الموبايل وتبدأ
فى الإتصال وتكمل عبارتها : يمكن ترد أما كرستين ..
كلميتها إنتى .. وتتنهد ..

ولا يفوت الاسمين وغرايتهما معاً نهى .. وينظرا لزبيده
محاولة لتوضيح الأمر ..

فتفهم زبيده فتميل عليهما هامسه .. وتقول بصوت
منخفض _ بعدين هاحكى لكم كل حاجه .. بعدين .. مش
وقته ..

وتضع نازله الموبايل بجانبها ويبدو أنها فشلت . فى
الإتصال .. وتوجه الحديث لزبيده : كلميهم أنتى يمكن يردوا
عليكى .. الظاهر شالوا نمرتى ولا مش عايزين يردوا !!

وتتوجه بالكلام للسيدات .. وقد علت وجهها ابتسامة
وكانها جزء من شكلها : بردون أنا نسيت اسلم قتلخت فى
موضوع عقيله ..

ثم توجه الحديث لزبيده : مين الهوانم ؟
وتبتسم زبيده بفخر وسعادة وهى ترد على نازله هانم :
دول أصحابى يا ماموه ..
وتتظر نازله اليهن وكانها تدعوهم ليعرفوهن
بانفسهن ..

وتتقدم نانو وقد مدت يدها مع ابتسامة : أنا نانو جرجس
عطا .. اتشرفنا ياهانم ..

وتتظر لها نازله هانم متفحصه .. وكأنما تتذكر : نانو ..
بنت جرجس الجواهرجى ازاي دادى .. أنا زيونه قديمة ..
سلمى عليه كتير ..

وترد نانو بإندهاش .. ورييه : وهو حضرتك تعرفيه ؟!
وتبتسم نازله ابتسامه ذات مغزى وتجيب بثقة : هو فى
حد فى البلد ما يعرفهوش .. جرجس ده شخصية عظيمة ..

وتهمس حكمت فى إذن نهى : الظاهر نازله دى عامله
وحده وطنيه ..

ويضحك الأثنان ..

وتعود نازله لتطمئن على جرجس من نانو : ودادى لسه
بينزل .. محلات الزمالك ولا خلاص كبر ؟

وتبتسم نانو : مش كثير مينا أخويا هو تقريبا اللي ماسك
كل حاجه ..

وتهز نازله رأسها قائلة : مينا .. من فضلك سلمى عليه
كثير وأنا ضرورى هاعدى عليه قريب .. ضرورى ..

وتتظر نازله لحكمت لدعوتها لتعرفها بنفسها ..

وتقترب حكمت قائلة بثقة : على فكره أحنا اتقابلنا قبل
كده .. يانازله هانم ..

وتتظر لها نازله لتحاول أن تتذكر ويبدو عليها علامات
عدم التذكر .. وتحقق فيها ثم تقول : بردون أنا مش قادرة
أفكر ..

إلا إن حكمت تساعدها : أنا توتى مضيفة الطيران ..

ويبدو على نازله أنها تذكرت : آه .. توتى ازى محل
الزمالك .. ؟

وتكمل نازله العبارة : أنتى شاطره وواعيه بس
طماعه ..

وتهمس نهى فى اذن رثيفه : ايه موضوع المحل ده
يعنى مجبتيش سيره .. هو أحنأ فينا من الكلام ده ..
وترد رثيفه مدافعة : هى لحقت تحكى .. أكيد كانت ها
تقول .. قومى بقى عرفيها بنفسك خلينا نخلص .. ولا أقولك
أنا هاقوم ..

وتتقدم رثيفه من نازله لتعرفها بنفسها : أنا رثيفه
الجهنى ..

وتبتسم نازله بهدوء — أنتى غنية عن التعريف كان
نفسى أشارك فى أعمالكم الخيرية لكن مشاغل ... وأخبار
حازم ايه ؟..

وقبل أن تجيب رثيفه .. تقول نازله : حازم طيب ومن
بيته متواضعه انزاليه شويه هو بيحبك أوى .. وإنتى ست
العارفين ..

وتبتسم رثيفه وهى تبتعد : إنشاء الله يا فندم ..

وتقوم نهى لتعرفها بنفسها ولكن بعجرفه .. غير معتادة
منها : أنا نهى الحسينى سيدة أعمال ..

ونلاحظ إن نازله عاملتها بشكل أكثر تحفظاً وكبراً :
أهلاً مدام نهى .. مشاريعك كثير قوى بس مش تمام ..

وتتظر لها نهى بتعجب : مش فاهمه يعنى ايه مش
تمام .. كله بالورقة والقلم ..

وتتظر لها نازله محدقه ويعلو صوتها رنة تحذير : على
العموم خلى بالك .. كله ممكن يعدى ومحدث ياخذ باله إلا
اللعب فى الأغذية أوكى يا مدام نهى ..

ثم تتوجه بالحديث لزييده وكأنها تنهى هذا الحوار :
اسمعى يازازا أنا تعبانه ومش هاقدر أقعد والزيارة ممنوعة
.. حاولى تتصلى بزينب وكرستين .. واحجزى أفخم سويت
باسمى .. ولو حصل أى حاجة تتصلى بالموبايل أو تبعتى
عبد الباسط .. عايزة حاجة ..

وتهم بالإصراف .. وتحنى رأسها للسيدات ..
وتتصرف ومن ورائها الخادمة التى لم تتطق بكلمة ولم
ترمش حتى بعينها .. وكأنها قطعة ديكور تتبع نازله هانم ..
وتتوجه زبيده بالحديث للسيدات : تحبوا تطلعوا معايا ولا
ها تعملوا ايه ..؟

وترد حكمت كالأطفال : أنا عايزه أخلص حكايتى ..
وتتبعها نهى : وأنا معنديش حاجة ..
رثيفه : على رأيك أحنأ لسه فى نص اليوم وماوراناش
حاجة ..

زبيده : طيب ممكن يا نهى تحجزى سويت وأنا هابص
على عقيله وأطلع وراكم .. وتفتح زبيده شنطتها وتخرج
رزمتين من النقود وتعطيهم لنهى ..

ويمر فى هذه الأثناء د/ حلمى الذى يرمقهن بنظرة ..
ويوجه الحديث لهن : على فكره تقدرؤ تشوفوا الهانم ..
ويبدو إن هناك شئ استوقفه فى نهى فابتسم لها ..
ولم يفت نهى أن ترد الإبتسامه .. ولم يعلق أحد ..

وتذهب السيدات كل فى طريق .. نهى للحجز .. ومعها
البقيات .. وزبيده تتجه لغرفة عقيله لتجد شربات على
الباب ..

وتوجه لها الحديث : أخبار الست ايه ..؟

— أبدأ من ساعة ما جت وهى نايمة بس من شوية قعدت
تنادى وتقول ولادى ولادى .. وبعدين سكنت تانى ..

وتهز زبيده رأسها وتتجه للغرفة : طيب أنا هابص عليها
وأطلع علطول .. وتتوجه لحجرة عقيله .. لتجدها ممددة على
السريير والمحاليل بيديها وتنادى زبيده عليها ولكن يبدو انها
فى ملكوت آخر وتخرج زبيده من الغرفة وتكلم شربات :
اسمعى يا بت تقعدى هنا وماتتقلش سامعه ولا لاه وأى
حاجه تكلمينى على الموبايل علطول فاهمه ..؟

وتهز شربات رأسها : حاضر يا هانم ..

وتتجه زبيده بعد ذلك للجناح .. وتفتح باب الحجرة لنجد
صالون صغير شيك وثلاجة وطاولة .. وممر صغير ..
وحجرة نوم بها سريران وتلفزيون .. وقد جلس الجميع فى
إنتظار زبيده .. وتحبيهم زبيده ..

وتسألها رثيفه : ايه الأخبار ؟..

ويعلو وجه زبيده علامات عدم فهم ما يدور : مش
عارفة الظاهر دى فى ملكوت غير الملكوت ..

ويسكت الجميع ..

إلا نانو تقول : ياه ده البنى آدم ده ولا حاجه .. فى لحظة
كل حاجه تتغير ..

ويعلو وجه حكمت القلق : أنا خايفه قوى .. ده أتاى
الموت قريب أوى ..

أما نهى فقد ظهر على صوتها الخوف والقلق : تفتكروا
ربنا ها يسامحنا على اللي عملناه ..

ويتعجب الجميع من هذا السؤال وتوقيته ..

إلا إن زبيده تسارع بالإجابة بحب وتمنى : إنشاء الله
يسامحنا .. مش هو ربنا ..

رثيفه : رحمة ربنا ومغفرته كبيرة وأكبر من أى ذنب ..
وتبكى ..

وسرعان ما يبكى الجميع ويتركن أماكنهن ويقتربن من
بعضهن كأنهن يستمدوا القوة من وجودهن معاً
وتخرجهن نانو من هذه المشاعر وبسرعة .. وكأنها
لا تحب مثل هذه المواقف : أنا هاطلب أكل أو حاجة نشربها
.. حد عايز ..

ويفبق الجميع ..
وتتحس حكمت : أحسن فكرة .. ناكل ونشرب
وننسى ..

نهى : وبالمرة يا حكمت تكملى حكايتك ..
نانو : طيب ممكن قبل ما حكمت تحكى حكايتها اعرف
موضوع زينب وكرستين ده لحسن هاموت .. أنا حاسة انى
فى فيلم هندى ..

وتضحك زييده : بس الأول أحاول أتصل بزينب لأنها
مش بترد .. ونتصل بالمطبخ .. ونحكي كل حاجة ..
وتتظر لنهى : بقولك أتولى موضوع المطبخ .. شكلك
يعرف يشغل الناس .. وتضحك ..

نهى : بس كده .. وتلتفت اليهن .. أنا باقول ايه
الموضوع شكله مطول نملئ التلاجة أحسن صح كده ..

ويوافق الجميع ..

وتعود نانو لنفس السؤال : طيب فى السريع لغاية ما
الأكل بييجى أحكى موضوع زينب وكرستين ..

ويجلس الجميع ليسمع وقد قامت نهى بطلب المطبخ ..

زبيده : عقيله دى مش مصرية يمكن ايطالية أو أرمنية
مش عارفه لكن هى كانت متجوزة فى الأول ضابط مسلم
ومات فى حادثة فظيعة بعدما ساب الجيش وخلف منها أحمد
وزينب .. أحمد استشهد فى حادثة الأقصر وزينب من وهى
عيله عايشة برة .. وبعد موت جوزها أتجوزت الخواجه
البرتو وخلفت كرستين آدى الحكاية كلها .. واستنى بقى لما
اكلم زينب .. وتحاول الاتصال .. ويبدو عليها الملل ..

برضه ما بتتردش .. ويأتى الطعام والشراب ويأكل
الجميع ويشرب ..

وتوجه حكمت الحديث لهن وقد ارتمت كل واحدة منهن
على كرسي أو سرير : أحكى ولا إيه ..؟

وينظر لها الجميع بتعب ..

زبيده : أحكى طبعاً .. بس أحنا وصلنا لغاية فين ..؟

حكمت : أنا فاكروه... بعد اللي حصل مع حسام مبقتش
طايقه اشتغل مانىكان ولا غيره .. قرأت اعلان فى الجرايد
عن مضيفات لشركة طيران قدمت واتقبلت وقلت ارواح اسلم
على أهلى قبل ما أسافريس مقابلتهم خلتنى نفسى أسيب الدنيا
بلى فيها وحمدت ربنا أن مقر الشركة فى تونس .. يعنى بعيد
عنهم .. وتتهدد تنهيد طويلة تتم عن حزن وجرح دفين .
وتحاول نهى تخفيف حدة الأحداث وإحساس حكمت بكرة
أهلها : معقولة اللي بتقوليه يمكن أنتى متأثره منهم شويه ..
علشان معاملتهم وإنتى صغيرة ..

وتبتسم حكمت بأسى : طيب تصوروا أتقدم لى مرة
واحد .. وطبعاً ده شئ نادر .. أو أنا أعتبرته كده .. عارفين
قالوا له إيه ..؟

وتتظر لهم ثم سرعان ما تجيب : متفكروش .. أبويا قل
له إيه اللي عجبك فيها دى وحشه وطباعها أوحش أنا مش
هاغشك أما أمى حاولت تلطف الجو .. فقالت له الحلاوة
حلاوة الروح وهى بتكسب كويس جداً طبعاً راح وأنتم
عارفين الباقي مرجعشى .. المهم سافرت تونس واتعرفت
على { زين } وطلب منى نتجوز .. واتجوزت ..

وتتدخل زبيده فى الحوار بخبث : وملاحظشى أى
حاجة ..

واكملت حكمت الحكاية كأنها لم تسمع ماقالته زبيده ولم
تعد زبيده السؤال مرة أخرى : وعشت أنا { وزين } سنتين
مع بعض .. وكنت مستحمله شراسته والفرق الكبير فى
عادتنا وعاداتهم ده غير لسانه الطويل وإيده وأنانيته فى كل
حاجة ولا يهتم إلا بمزاجه وأخذت تبكى بحرارة ..

وتربت رئيفه عليها وتحاول تهدئتها : معلى يا حكمت
الحمد لله .. إنك كويسه ..

وتهز حكمت رأسها وتمسح دموعها : الحمد لله على كل
حاجة ومبقتش مستحمله زين حتى نفسه بقى بيضايقنى وقلت

له : نفاك العقد اللى بينا ورفض فى الأول وقعد يقوللى : أنتى
فاكره نفسك ست أنتى ولا حاجه لولا البضاعة اللى
بصرفها لك مكنتش عشت معاكى يوم .. ومرضاش ابدأ
يسينى ..

زبيده : وخلصتى منه ازاي ..؟

— رحت على السفارة تانى يوم .. السفير والقنصل
وقفوا جنبى أكثر من الأهل وخلصوا الموضوع بأقل
الخسائر ..

نهى : أحمدي ربنا إنك خلصتى منه ..

— خلصت منه لكن أنا كمان خلصت .. وقررت أرجع
مصر وفى الطائرة قابلت عقيله كانت بتعيط علشان بنتها
مطلعه روحها ومابتعدش فى بلد ..

وتقاطعها زبيده : دى أكيد كرسيتين .. بالمناسبة استنى
أتصل بشربات أطمئن على عقيله .. وتمسك الموبايل وتحدث
سريعاً وتغلق الخط ..

وتتظر لها مستفسرة : اطمئنى .. كله تمام ..

وتهز زبيده رأسها وتتنظر لحكمة : كملى ياتوتى أنا
أسفه..

حكمت : ولا يهيك لما لقيتها بتعيط قدمت لها ليمون ..
وكلمتها على البضاعة اللى بجيبها وقالت لى أنها ممكن
تصرفها لزباين المحل .. وبعد شويه قالت لى أنه تعرف
واحد عندها محل فى الزمالك وممكن أدخل معاهم شريكه
والواحد دى كانت نازله .. وأشتغلت معاهم فترة وبعدين
قلتلهم أنا عايزه استقل فاشتريت نصيب نازله .. وتسكت
حكمت لتلتقط نفسها ..

ويرن موبایل زبيده وتشير بيدها لحكمة لتتوقف عن
الكلام : أيوه يا ماموه لأمش عارفه أوصل لها .. أنتى كلمتى
زينب طيب كويس ها تيجى أمتى .. طيب وكرستين .. إنشاء
الله خير .. وتلفتت لهن مبتسمه .. زينب ها توصل بكره ..
كملى ياحكمة ..

— أبدأ أخذت أجازة من الشغل وقلت أتفرغ للمحل .. فى
الوقت ده ظهر أمجد الطرابلسى ..

وتتدخل نهى بإستغراب وتعجب : أمجد الطرابلسي .. ده
فوق الـ ٨٠ ..

— لأ.. هو كان ساعتها فى السبعين .. المهم إنه كان
بيجى المحل يشترى حاجات لمراته وحصل بينا
استطاف ..

وتتظر زيده اليها بانزعاج وإستطاف : ازاي يعنى ..
وده فى حيل يستطف ..

وتضحك حكمت : كان بيقولى كلام حلو وغزل مش
أكثر .. وتصوروا { يعلو صوتها رنة تعجب } لقيته راخر
بيدل على أنا اللي لسه شابه أجرى ورا كركوبه .. وقلت كل
ده علشان كلمتين حلوين اتحرمت منهم ..

وتقاطعها نانو : داس على مفتاح علاء الدين وعرف
سكتك ..

وتجيبها حكمت : بالضبط كده هو ده اللي حصل وقلت
فى نفسى أنا أكيد مش طبيعية أنا لازم أضع حد للى بيحصل
ده وقررت إنهى العلاقة تماماً ولقيته بيقول حجج كده هبل ..

وسافرت على لبنان عملت كام عملية تجميل ورجعت ..
بالشكل الجديد الحلو ده ..

وتنتهزها زبيده فرصه لتتال منها بتهريج : يا خبر كبير
هو انتى يا توتى كنتى أوحش من كده ..؟!
ولا تمهلها حكمت فرحة التهريج ..فترمقها بنظره
تسكتها على الفور ..

رثيفه : أمال أتجوزتى جلال رأفت أمتى ..؟

— فى يوم واحده زبونه قالت لى إن فى ندوه عن {
حرية المرأة فى الشرق } واستوقفنى الاسم والموضوع قلت
أروح أشوف .. وكان المتحدث هو جلال سألته سؤال ورد
على ولقيته بعد المحاضره جاى يتعرف على .. ويطلب رقم
تليفونى ودى أول مره حد يسعى لى أنا اللى كنت دايماً بأخد
الخطوه الأولى وأعتذرت .. ولما سألتى بتشتغلى إيه قلت له
مضيفه طيران وعندى محل so what فى الزمالك .. ولما
جيت استأذن إبنى أروح لقيته بيقوللى ..

— طيب ما تيجى نسهر بره ونكمل كلامنا

رديت عليه بتمنع ومعرشى ليه قلت كده بحجة الوقت
أتأخر ولازم أروح .. وفوجئت به بيقوللى ..

.. ليه هو أنتى عليك محافظة .. وبندقوا معاكى..

قلت له : أنا مش محتاجه رقيب أو حد يدقق أنا أقدر
أتحمل مسئوليتى ..

قال : على العموم أنا أحب الست اللي تقدر تتحمل
مسئولية وتحافظ على نفسها ومشيت ولم يترك داخلى أى أثر
.. وكنت مسافره فى رحلة ولما رجعت الولاد اللي فى المحل
قالوا فى واحد يومياً يتصل اسمه جلال وعايز نمره الموبايل
وكمان عدى على المحل .. نديله النمره ..

وهنا بس بدأ يلفت نظرى .. وقتلهم يدوه نمره
الموبايل ..

وبدء جلال يكلمنى يومياً حتى مش فاكره كان بيقول ايه
.. كلام عن أزمة الشرق والغرب ومفردات غريبه وملهاش
علاقه ببعض .. وفجأة لقيته بيقوللى أنه مايقدرش يبعد عنى
.. وأننا لازم نعيش مع بعض ..

وتقاطعها زبيده : تعيشوا أزاي مع بعض .. من غير
جواز يعني ..

وتكمل حكمت كلامها : آه طبعاً هو كان يقصد من غير
جواز مش حرية المرأة والتحرر .. قلت له : اسمع يا جلال
.. الكلام ده تقوله في المحاضرات للسيدات الهايغه ويصدقوه
لكن لو عايز نكمل مع بعض نبقي زي الناس كلها تروح
لأهلي وتتقدم ويبقى في جواز ..

وتتدخل رثيفه مستفسره ومتعجبه : بس غريبة قوى
اشمعنى ده اللي عملتى معاه كده ورجعتى لأهلك رغم اللي
قولتيه وكرههم لك ..

— لأنى عرفت إن الست في بلدنا ومش بلدنا بس الشرق
كله ملهاتش احترام إلا بأهلها .. والورق الرسمى .. حتى
الراجل لو عمل إنه خواجه ومتحرر ساعة الجد بيرجع يبقى
زي جد جده .. وأنا زهقت وعليزه استقر بقى .. وتمت
الجوازه على حسابى كلها .. ومن ساعتها وأنا عايشه معه ..
ويسكت الجميع ..

وتعتدل حكمت في جلستها لتستوضح شيء : بس يا زبيده أنا عايزه أعرف أنتي قلتي عليه أهطل ليه .. ؟

وترد زبيده عليها ببساطة : هو حقيقي جوزك لكن مالوش لون .. مرة تلاقية أقرع ومرة لابس شيك ومرة آخر بهدله .. آخر مرة جه لنازله كان لابس جلبية .. ومربى دقنه .. وماسك كتاب كده .. وقال إن الكتاب ده ها يكسر الدنيا .. فقلت له : يكسر الدنيا مرة واحدة !..

— قال لى عايزاه .. وزى ما قلت لكم أنا مش بعرف أقول لاه وراح كاتب الإهداء ده ..

حكمت : بس ده مش تصرف أهطل .. ده تصرف شيك ..

وتتظر لها زبيده نظرة لا معنى لها : أصبرى لما أخلص .. بعد يومين جه وغير لبسه ورجع زى ما كان .. وقعد يتكلم عن الفضيلة والأخلاق .. ويزعق لنازله ويقولها لازم تقفلى البيت وتتقى الله .. نازله كانت ساكته لكن لما صوته على .. ماسكتشى إلا لما نازله هانم قالت له: لم نفسك ياجلجل ولا نسيت عزت وشفيع أنت بالذات تخرس خالص ..

وما تجيبش سيرة رينا يانجس ومن ساعتها ما شغفناش جلال
تألى ..

وتتدخل نانو في الحديث موجه حديثها لزبيده : هي
انتى سبتى بيت نازله أمتى ..

— من حوالى سنتين .. لكن لغاية دلوقتى أزورها
وأودها ..

نانو : دلوقتى مش فاضل غيرى ..

نهى : عارفين الساعة كام دلوقتى .. وتنتظر لساعتها ياه
الساعة ١٠,٣٠ ..

زبيده : عبد الباسط تحت يوصلكم ..

حكمت : أنا نفسى أروح أنام أنا حاسه إنى تعبت قوى
مكنتش فاكركه إن الكلام عن اللى فات متعب كده بس جبل
وإنزاح .. أنا حاسه إنى أجمل واحده ..

ويضحك الجميع ..

رثيفه : هو أحنا ها نروح ونرجع نيجى الصبح .. طيب
إيه المشكلة إننا نبات ونبقى كلنا مع بعض ولا أنتوا وراكم
حاجه ..

ويفكر الجميع ..

وتقول نهى وقد هزت كتفها : أنا معنديش حاجة ..
حكمت ولا أنا .. نانو .. أنا بس هاعمل تليفون ..

زبيده : طيب عقيل ما تشوفوا ها تعملوا إيه أنا هانزل
ابص على عقيله .. وتخرج زبيده من الحجرة .. وتتوجه
إلى حجرة عقيله .. وتقابل شربات على باب الحجرة وهى
واقفه - فى نفس المكان التى تركتها فيه ..

وتوجه لها زبيده الكلام : أزيك يا شربات شربتى أو
أكلتى حاجه .. والهانم عاملة إيه .. !؟

— الحمد لله يا هانم شربت والهانم زى الفل بس كل
شوية تتادى على أولادها ..

— طيب أنا هادخلها .. وتتجه زبيده للداخل وتحى عقيله
التي بدت أكثر وعياً وإن كانت نظرات عينها زائغة ..

— بنمور ماموه إزيك ..

وترد عقيله بصوت ضعيف واهن : الحمد لله نشكر ربنا
.. فين نألى .. فين زينب وكريستين ..

وتنظر زييده حولها لتأكد إن لا أحد سمع الاسم ..

— نأله جايه لما تفوقى شويه وزينب وكريستين بكره
الصبح .. ها يبقوا عندك .. أنتى بس حاولى تتلمى
وتستريحى ..

وتنظر لها عقيله وقد شردت : بكره ها أنام كثير
كثير لما لروح عند حسين وأحمد والبرتو .. ها أنام كثير
واستريح ..

ولا تتحمل زييده هذه الكلمات فتحاول أخفاء دموعها
والإبتسام : لا بكره ها نطلع البيت والدنيا تتلمى ضحك
والبيت يرجع زى زمان وأحسن ..

ولا ترد عقيله وتغمض عينيها وينتظم نفسها ..

وتتسحب زبيده من الحجرة بهدوء .. وتتوجه إلى الجناح ..
وإن كان لا زال هناك آثار دموع في وجهها .. وتفتح
الباب لتجدهم أنتقلوا إلى السراير ..

وتوجه نهى سؤال لها : مالك يا زبيده فى حاجة انتى
كنتى بتعطى ولا إيه ؟..

— صعبانه على قوى عماله تجيب الأسامى كلها .. أنا
خايفه ..

حكمت : ما تخافيش .. يلا تعالى أفردى جسمك ..

وتهز زبيده رأسها .. وتتحرك نحو نانو لإحضار
كرسين لوضعهم لتنام عليهم .. وتأخذ كل منهن مكانها ..

ويعلو صوت نهى وكأنها تحدث نفسها : لما يخلص
موضوع عقيله ده أنا هانزل اسكندرية أزور أهلى .. ياترى
العجز عمل فيهم إيه .. ؟

وترد عليها حكمت : وأنا كمان مهما كان أهلى
برضه ..

لما زبيده .. فتعلق بأسى : أمى .. مانت وأبويا أتجوز
.. وأخواتى معرفهمش .. أنا ماليش غيركم وبيت نازله هانم
وصالون عقيله ..

رثيفه : أنا هازور قبر أمى ووالدى .. وهاحول أجيب
يلمور بأى شكل ..

ويسكت الجميع وكانهن يتأهين للنوم وتطفئ حكمة
النور .. إلا أنهن فجأة يسمعن صوت يشبه الصراخ ..
ويقاجئن بأنه صوت نانو ..

- لا لا ما تطفوش النور أنا بخاف بخاف ..

وتضىء زبيده النور وقد بدا على صوتها القلق : في ايه
يا نانو في ايه ..!؟

ويظهر وجه نانو وقد ظهر عليه الذعر والرعب .. وهى
تكرر : خلوا النور مفتوح خلوه .. لو سمحتم ..

رثيفه : خلاص .. أحنا ممكن ننام والنور مفتوح ..
مفيش مشكلة إهدى إهدى ..

ويستيقظ الجميع على صوت جرس التليفون وقد ملأت
الشمس الحجرة ..

وترد زبيده : أيوه صباح النور .. آه هنا جناح نازله
هانم .. طبعاً طبعاً خليها تطلع وتلتفت لهن .. صباح الخير
عليكم .. زينب وصلت يعنى دقيقة ولا أكثر ونلاقى الباب
بيخبط ولا يعلق أحد .. وإن كانت كل منهن قامت لترتب
المكان وتضبط هيئتها .. ويسمع خبط خفيف على الباب
وتتجه زبيده لتفتحه .. ويسمع أصوات ترحاب وقبلات
وعناق .. وتدخل زينب لتحوى بقية السيدات اللاتي وقفن
ليسلمن عليها ..

زينب فى أوائل العشرينات وجهها مستدير هادىء قمحية
اللون عينيها حنونه وذكيه تبعث على الطمأنينه أنفها مرفوع
ترتدى طرحه بيضاء مطرزه بألوان جميله وينطلون كتان
أبيض واسع وقميص جينز طويل مفتوح من الجانبين وضابو
أبيض فى قدمها وتحمل حقيبة يد جميلة مزينة وشنطة سفر
صغيرة ..

وتتحييهم زينب .. وتعرفهم بنفسها : سلام عليكم ..
صباح الخير أنا زينب حسين بنت مدام { رافقيه
كاجوتش } ..

وتتظر السيدات ابعضهن البعض ..

وتتدخل زييده : تقصد مدام عقيله بعدين هاحكى لكم ..
وتبدأ السيدات فى تقديم أنفسهن .. لزينب .. مع أبتسامه
من الطرفين : رثيفه .. ناثو .. حكمت .. نهى .. وأنا
زييده ..

ويضحك الجميع ..

وتوجه زييده الكلام لهن : خلاص سلمنا وأتعرفنا نقعد
بقى البنيه أكيد هلكانه .. اقعدى يا زينب وطميننى عليكى ..

ويجلس الجميع فى الصالون ..

وعلى الفور توجه زييده سيل من الأسئلة : أنتى ليمتى
الحجاب أمتى وجوزك معلكى ولا لأه .. وفين كرسيتين
ونلويه تقعدى فى مصر ولا هاتعملى إيه ..

وقبل أن تسترسل فى بقية الأسئلة تتدخل حكمت :
بالراحة شويه مش نسألها تشرب إيه فطرت ولا لاه ..
وتبتسم زينب فى هدوء : أنا فطرت فى الطائرة بس
محتاجه أشرب حاجة وأنزل اطمئن على مامينا علشان
مقدرتش اعدى عليها لوحدى .. وقد علا صوتها رنة القلق
والخوف ..

وتقدم نانو نسكافيه ..

وتكمل زبيده حديثها : طيب ممكن اطمئن عليكى ..
وتهز زينب رأسها ويظهر على وجهها علامات الحزن
— أنا جايه لوحدى جوزى طلقنى من سنه يعنى من ساعة لما
لبست الحجاب .. وتدمع عيناها ..

وتتدخل رثيفه بحب : يا حبيبة قلبى ليه كده ..
وتبتسم زينب بهدوء وتهز رأسها : دى قصة طويلة هو
مش عايزنى اتحجب .. أما كرستين كويسه وأنا كلمتها بعد
ما نازله كلمتى بس مقتلهاش حاجه .. قلت أشوف بنفسى
الوضع أنتى عارفه إن نازله بتهول .. وكل اللي قلته لكريس
إن احتمال أعدى على مصر وأنا فى طريقى للبنان ..

زبيده : كرسيتين نكية وها تفهم ..

وتهم زينب .. وتوجه حديثها للسيدات : طب عن انكم
انزل اشوف مامينا .. زبيده ها تيجي معايا مش كده .. ؟

— طبعاً هاجي معاكى ..

وتخرج زبيده وزينب من الحجرة ويغلقوا الباب
خلفهما ..

وتعلق السيدات .. على رقة وجمال زينب ..

رثيفه : تصوروا البنات دى دخلت قلبى ..

نهى : تعرفوا انا بفكر في ايه .. ؟ وتتنظر إليهم كالمخبر
السرى ..

وتعلق نانو : قولى يا شاعرية التفكير ..

حكمت ضاحكه : شاعرية قولى كارثيه ..

نهى : انت يا رثيفه مش قلتى ان ابنك عايز يسافر
ويسيب البلد .. ؟

رثيفه : ايوه قلت وبعدين ..

نهى : أهي زينب دى اللى ها تخليه يقعد وتشير بيديها
كأنما تعنى الارتباط ..

وتضحك رثيفه ..

أما نانو فتتظر متعجبه لما تفكر فيه نهى : فكره بس
أفرضى طلعت مرتبطه ولا عايزه ترجع بلدها ..

حكمت باستنكار .. وتعجب : بلدها .. أمال دى إيه مش
بلدها ..!؟

رثيفه : تقصد البلد اللى عاشت عمرها كله فيها ..

حكمت وكأنما تؤكد حقيقة المجرب : مهما الواحد عاش
بره واغتنى واستريح .. برضه مصر بتفضل جواه .. اللى
أتولد فى مصر بتفضل دائماً حتة جواه متقدرش تستغنى عن
مصر ..

نانو : طيب ده مش وقت خطب وطنيه .. أحنأ لسه
يادوبك شافينها وده كلام سابق لأوانه ..

رثيفه : على رأيك .. ولما نشوف موضوع عقيله ده ها
يخلص على إيه .. ولا هي قالت اسمها إيه { رافاييله
كلجوتش } ..

وتكمل نهى وكأنا تحاول عصر ذكرتها : آه قالت
لرافاييله { الاسم ده مش بي فكركم بحاجة .. حصلت من زمان
بس مش قوئى .. مش دى الممت الايطاليه اللي كشفت عن
شبكة تجسس لو صفقه أسلحة حاجة كده ..

رثيفه مؤكده : آه هي اسمها كان كده ..

ويسكت الجميع ..

.....

وفى حجرة عقيله نجدها ممدده على السرير بين اليقظه
والمنام وقد خرجت من يديها خراطيم لمحاليل معلقه ..

وتدخل زينب : بونجورنو .. كومستاي ..

وتفتح الأم عندها وتفرد ذراعها بحب : زيزا .. زيزا ..
حبيبتي .. سامحيني .. سامحيني .. غصب عنى وتبكي ..

وتهدئها زينب : خلاص .. أنا هنا جنبك أنا بحبك أنا
نسيت كل حاجه .. ولما كبرت فهمت التضحية التي انتي
عملتها ..

وتدخل زيبيده وقد احتضنت الأم أبنيتها وتحاول إضفاء
جو من المرح : خلاص راح التعب .. وأحنا راحت علينا ..
أمشي بقي ..

وتتظر لها زينب : أوعى تقولى كده أنا كنت مطمئنه
علشان أنا عارفه مامينا بتحبك إزاي وأنتي كمان ..
وتهز زيبيده رأسها .. مؤكدة قول زينب .

وتكمل زينب حديثها : مامينا استحملت كتير أوى ..
وكان زيبيده تحاول تغيير الحديث : شفتي شربات وإنتي
داخله كبرت إزاي ..

زينب باستغراب : شربات اللي كنت بلعب معاها .. هي
لسه موجود أخبارها أيه

_ زي ما هي .. أكيد ها نشوفها وأحنا طالعين ..

وتلقت زينب لكم لتجدها ذهبت في ثبات عميق ويظهر
الرعب على وجه زينب وتكلم زبيده : هو في ايه مامينا
مالها ..

وترد زبيده بهدوء : اطمنى يا زينب ده عادى تفوق
شويه وتروح تانى وبعدين ها تعرفى الوضع كله من الدكتور
.. بلا نسيها تستريح ..

وتتحنى زينب لتقبلها في جبينها .. وتقبل يديها .. والام
في ثبات عميق .. ويخرجها من الغرفة وفي الخارج نجد
شربات والتي يظهر الفرح على وجهها ..

وتتقرب من زينب مرحبه : زينب هانم .. مصر نورث
وتسلم بتحفظ ..

إلا أن زينب تقترب منها بود : أهلاً شربات وتأخذها في
حضانها ..

ويأتى دكتور حلمى .. ويحى زبيده : صباح الخير ..
_ صباح الخير يا دكتور .. وتقدم له زينب : زينب بنت
عقيله هانم ..

وتومئ زينب برأسها : أهلاً يا دكتور يا ترى ممكن
أعرف الوضع إيه بالضبط ..

د / حلمى : الوضع حرج جداً وبیسوء للأسف .. وفى
تصورى إن العملية لازم تتعمل النهارده أو بكره الصبح على
أقصى تقدير ..

زينب : يا ترى ممكن أعرف احتمالات نتائج العملية
إيه ..؟

— بالنسبة لنتائج العملية ٥٠% فى حالة نجاحها يترجع
الحاله طبيعیه أما لا قدر الله لو فشلت فده ممكن يؤثر على
أى حاسه من الحواس .. ولو لم تتم العمليه فى الوقت المحدد
ممكن المريض يموت .. علشان كده احنا فى الحالات دى
بنفضل إننا نطلع أهل المريض على الوضع كله وبيقوم بكتابة
إقرار بمعرفته بكل شئ .. وتسكت زينب وقد بدا عليها
الحزن .. والأسى : أوكى يا دكتور سأتصل بأختى وإنشاء
الله فى خلال ساعات هارد عليك ..

وينصرف الدكتور ..

وتلتفت زينب لزييده : أنا لازم إتصل بكريس وأقولها
الوقت بيسرقنا ..

وفى الجناح نجد الجميع فى الصالون ..

وتدخل زينب وزبيده وقد بدا على زينب الحزن
الشديد ..

ويحترم الجميع حزنها .. ولا يستفسرن عن شئ .

وتمسك الموبايل : بونجورنو .. أنتى فىن .. طيب
حاولى تيجى مصر بأسرع وقت مامينا تعبانه قوى .. وتبدأ
فى البكاء ..

وتأخذ زبيده الموبايل : ايوه يا توته .. لا يا روى
متقلقيش لنتى عارفه زينب وقلبها الرهيف .. أحنأ فى
مستشفى العهد الجديد .. الو .. الو .. الو ..

وتلتفت لزينب : الظاهر الخط أقطع أو قفلت السكه ..

زينب : طيب هى فىن .. ؟

زبيده : مقلتش وهى دى عمرها بتقول حاجه .. ؟

زينب : أنا تعبانه عن اننكم أنا هادخل أفرد طولى أنا
محتاجه أنام .. وتدخل زينب ..

ويظل الباقي فى الصالون وقد خيم عليهن الصمت ..
وتقطع هذا الصمت نانو : أنا عارفه أنه مش وقته لكن
أنا حاسه أن العيله دى كلها أسرار وحكايات ..

حكمت : ومش غريبه أن نازله مجتش لغاية دلوقتى ..
ويتغير وجه زبيده .. بس أوعى تجيب السيريه دى على الأقل
دلوقتى البنات شايلين منها جامد ..

وتتدخل رثيفه فى الحوار : بقولك إيه مش عقيله دى هى
(رافايله كاجوتش) اللى بلغت عن شبكة تجسس فى مصر
أو حاجه زى كده ..

زبيده بصوت منخفض يصل إلى الهمس : آه هى ..
نازله كانت بعنت مرة واحدة خواجايه مرات واحد مهم قوى
الصالون وكانوا الاتنين بيرطنوا سوا والظاهر الخواجايه
سكرت ولا داخت من البخار المهم قعدت تبع فى الكلام
وإزاي إن نازله مصرية وتدخل عندها ناس بيكرهوا مصر
ونفسهم يقتلوا ولادها .. وأنهم بيهربوا مخدرات وبيلعبوا فى

حاجات تأثر على المخ والصحة .. حاجات كده من اللي
تودى فى داهيه .. عقلية سمعت الكلام ده وكلمت نازله ..
وقالت لها الناس دى مش لازم نخش الفسلا .. نازله قالت
لها :

— ده بيزنس والحكومة عارفه ومتابعه .. وانها ياما
سمعت وعمرها ما فتحت بقها .. لكن عقيله خافت وحكت
لحسين بك جوزها الله يرحمه كان ضابط .. تصوروا حارب
فى ٦٧ و٧٣ ورجع سليم .. قال ويموت { وتتعب زبيده
وتتهدد } فى حادثه عربيه ..!! المهم لما عقيله حكت
لجوزها قال لها : الكلام ده خطير ومايتسكتش عليه ..

لكن عقيله قالت لازم أبلغ نازله الأول .. ورغم أن نازله
حذرتها وقالت لها أوعى تبليغ الناس دى زى السرطان ولو
شموا خبر مش هليرحمونا .. لكن حسين بك صمم وبلغ
مفيش عشر أيام وراح الراجل فى شربه ميه ولا من شاف
ولا من درى وكان عندها منه أحمد وزينب .. ومفيش ست
شهور وأتجوزت الخواجه وجابت منه كرستين .. وشويه
وراحت واخده البنات وطلعت لبنان ورجعت لوحدها .. الواد
أتربى فى مصر وكانت زى ضله لغاية ماكبر ومات فى

الأقصر فى حادثه من حوادث التفجيرات اللى حصلت هناك
ومن ساعتها حالهم بقى غير الحال .. والبنات زاد كرههم
لنازله .. وتسكت زبيده وتسمع حركة بالداخل ..

زبيده : الظاهر زينب صحيت قفلوا على الموضوع ..
وتخرج زينب اليهم وقد خلعت الطرحه وظهر شعرها
الأسود الفاحم .. المسترسل على كتفها .. وتحبهم وتجلس
معهم ..

وتعلق رثيفه .. ما شاء الله إيه الجمال ده ..
وتسألهم نانو : إيه رأيكم تشربوا حاجه ؟..
ويوافق الجميع ..

وتتوجه نانو للتلاجه وتخرج علب عصير ..
 ويفتح باب الجناح لتطل فتاه فى العشرين شعرها منسدل
على كتفها بإهمال جميل ونشعر فى وجهها بكبرياء وغرور
طبيعى .. نظرة عينيها فيها حده وقد إرتدت بنطلون جينز
وتضع حزام جلدى وتى شيرت أبيض قصير .. ويتكلى من
صدرها صليب أزرق .. وتعرفهم بنفسها وسط دهشه وذهول
زينب لسرعة وصولها :

— أنا كرمستين لكسندر البرتو هامو ..
وتقوم زينب من مكانها فأتحه ذراعها .. وتحتضنها
وتتكلم : مش معقول ازاي جيتي بسرعه كده ..!
— لبدأ لما قلتى لك ها تعدى على مصر قلققت حجزت
وجيت وحييت أعملها مفاجاه أنا حتى مجيبتش هدمى ..
وتتقرب زييده : توتة جيتي ألف بركة .. حمد لله على
السلامه وتقبلها .. أتعدي يا حبيبتي .. وتفسح لها مكان ..
وتتقرب كرمستين من زينب وتكلمها بصوت منخفض
وإن كان مسموع : زيزا كوكى مالها .. أنا مش مطمئنه من
ساعة ماعدت على البيت وكلام رزقه .. قلقنى
وتتظر لها زينب ويعتلى وجهها حزن : الوضع مش
كويس المهم إن فى إقرار لازم نمضيه علشان العمليه تتعمل
بعدين اشرح لك ..
وتهز كرمستين رأسها : لو كى فين الدكتور ..؟
وترد زينب : ها ننزله حالاً ..
وتعلق كرمستين بغرور - ننزل .. هو يطلع .. !!
وتتنخل زييده : أنا هاتصل به .. وعلى الفور تتصل
به .

وتخرج كرستين من شنطتها علبة سجائر وتسأل
السيدات : حد ببضايق من ريحة السجاير ؟..

ويرد الجميع : لا أبداً ..

وبعد أن تشعل سيجارتها كأنها تذكرت أنها نسيت شيئاً :
بردون حد يحب يشرب سجاير ؟..

نهى : أنا لو سمحتى ..

وتقوم كرستين لإعطائها سيجاره ..

وفى هذه الأثناء يسمع خبط على الباب ..

وتقوم نهى لفتح الباب ويظهر د / حلمى الذى تظهر فى
عينيه نظرة فرح لرؤيته لنهى التى تسارع بتحيته : أهلاً يا
دكتور أفضّل ..

وتعتدل السيدات لدخول الدكتور ..

وتدخل زينب بسرعه لوضع الإشارب على
رأسها ..

وتظهر علامات الاستغراب على وجه كرستين .. فتسأل
زينب بصوت هامس : من أمتى الشكل ده ؟..

وتميل عليها زينب هلمسه : بعدين هاقولك مش وقته ..
ويدخل الدكتور .. وتتوجه اليه زينب لتعرفه بكرستين
إلا إن أسلوب كرستين منع الدكتور من مجرد التحية ..
وتوجه كرستين للحديث للدكتور : زينب حكّت لي
الوضع لكن أنا عايزه أسمع منك ..
ويرد الدكتور حلمي بتحفظ وضيق : الوضع زي ما
الآنسة زينب قالت .. واعتقد أن دكتور جراحة المخ
والأعصاب ها يفيدك أكثر لما تنزلي تمضي الإقرار وبهم
بالأنصراف عن أنكم ولا يفوته أن يبتسم لنهى لترد عليه
بنفس الإبنسامة ..
وبعد أن يخرج الدكتور وكان كرستين قد انتبهت لوجود
هؤلاء السيدات .. وتلفت لزبيده .. لتسألها : مين دول .. ؟
وقبل أن تجيب زبيده ترد رثيفه : أحنا أصحاب زبيده ..
ومعرفة عقيله هانم ..
وتلفت كرستين لزبيده مبتسمة : إيه ده من أمتي لكى
أصحاب ستات أنتى غيرتى ولا إيه .. !؟

إلا أن زييده وبطريقة كوميدية تحذيره : أتلّمى يابنت
البرتو ..

وتقوم كرستين من مكانها وتتنظر لزينب : يلا ننزل
نشوف موضوع الدكتور وابص على مامينا أنا من ساعة ما
وصلت بأجل دخولي عندها لكن مش قادره لأزّم أشوفها
بنفسى ..

وتهم زينب بالوقوف وتكلم كرستين بأسلوب يشبه
التحذير وإن كان لا يخلو من ود وحب : طيب يلا بس
حاولى تكونى امدى شوية وبعدين من أمتى إنتى عنيفه
كده ..؟

وترد كرستين بلا مبالاه : من ساعة ما أضطريت أسيب
حضن أمتى ومحضرش جنازة أبويا علشان شهامة كوكى ..
وترد زينب وقد أحتد صوتها : مش الموضوع ده خلص
ونسيناه بلا ننزل أحسن ..

ويتوجها ناحية الباب ويغلقاه ..

وتظل الباقيات فى أماكنهن ..

وتعلق رئيفه : سبحان الله مختلفين خالص ..
ونفاجيء بنانو : أنا هاحكى حكايتى امتى ..؟
ويضحك الجميع ..
وتعلق نهى : ياه أنتى لسه فاكركه ..
نانو : طبعاً أنا كمان عندى هم وعاييزه ازичه ..
رئيفه : استتى لما يخلص الموال ده ..
وتتظر نهى لساعتها : الساعة دلوقتى واحده الضهر ..
ليه رأيكم نروح نشوف أحوالنا ونرجع تانى ..؟
رئيفه : بس نستتى لما يطلعوا ولا آيه رأيك يا زبيده ..
مش دى الأصول .. ؟
زبيده : آه أنا برضه بقول كده .. وقد سهمت في
التفكير ..
ويفتح الباب .. وتدخل زينب ومن ورائها كرستين وقد
بدا عليها الحزن الشديد والموع تملأ عينيها وترتمى بجسدها
على أقرب كرسي ..

وتهمس زبيده في إذن زينب : هي شافت الهانم ولا
إيه ؟.. حصل إيه تحت ؟..

وتميل زينب علي زبيده وتهمس : لا مقدرتش .. بس
هي من ساعة لما مضت الإقرار علي العملية وهي عاملة
كده ..

وتتدخل كرستين في الحوار وصوتها مليء بالحزن : أنا
حاسة إني مضيت ورقة موتها ..

وتتدخل رثيفه محاولة التخفيف : لا ما تقوليش كده إنشاء
الله كل خير .. قادر على كل شيء .. ادعى لها ..

وتتظر لها كرستين وكأنها لم تفهم ولم تسمع كلمة
واحدة : هو ده إحساسى يمكن غلط .. بس هو ده اللي
جوايا .. وتسكت تماماً ..

وتقطع زبيده هذا السكون : بقول إيه أحنأ ها نروح
دلوقتى ونرجع علي بعد المغرب كده ..

ويرتفع صوت زينب بخوف وقلق : بعد المغرب أمتى
دى العملية ها تتعمل على الساعة ٩ .. انتوا ها تسسيبونا ..
لوحدنا ؟..

وتقترب منها رثيفه بحب : لا يا حبيبتي ها نكون
معاكم ..

وتؤكد على ذلك الباقيات : أبداً أحنأ قلنا تقعدوا مع بعض
وأحنأ كمان نغير ونرجع أوعو تعلقوا ولا تخافوا ..

زبيده : كلنا ها نبقى موجودين وقت العملية وأنا هاكلم
نازله هانم دلوقتى ..

ويبدو الامتعاض على وجه زينب وكرستين إلا إن زبيده
تكمل كلامها وكأنها لا تراهم : نازله لازم تبقى موجوده ..
ولا إيه .. ؟

وتهز البننتين رأسيهما دليل الموافقة ولكن بلا ترحاب ..

وتتكلم كرستين وقد ظهرت نبرة صوتها الحقيقية بلا
عجرفة أو حدة : أحنأ تعبناكم وأكيد وراكم حاجات كتيرة ..

لو عايزين تخلصوها ومقدرتوش تيجوا .. ما تشغلوش
بالكم ...!!! أحنأ نقدر نتصرف .. وتعود للبكاء مرة أخرى ..
زبيده : يا سلام على الألب ..

ولا يعلق أحد ..

إلا إن زينب تعبر عن أحتياجها لهن بصورة أخرى :
طيب خلاص .. شوفوا وراكم أيه بس ها تيجوا صح .. ها
تبقوا معانا مش كده ...؟

ويبدأ الجميع فى التحرك والاستعداد للنزول ..

وتوجه نانو حديثها لكرستين : أنا هاروح الكنيسة تحبى
تيجى معايا ..؟

وترد كرسنتين بهدوء شديد : أنا روم ارثونكس ما ينفعش
لكن ممكن تدعى لمامينا وتولعى لها شمعة ..

وتبتسم نانو : أوكى وأدعى أنتى كمان ..

وتهز كرسنتين رأسها ..

ونسمع صوت زينب وكأنما تحدثت نفسها : عارفه يا
زبيده أنا نفسى أروح الحسين أو السيده زينب ..

وتسمعها زبيده : طيب تعالى أروح معاكى وأحنا
راجعين اعدى على البيت ..

وتفرح زينب .. وتتأهب للنزول ..

ويترك الجميع كرستين ويغلق الباب ..

وتظلم كرستين الحجرة إلا من ضوء خافت وتعود
بالذاكرة لسنوات مضت .. فى منزل عقيله .. ويبدو إنها
فوجئت بقدمها مصر وبدلا من أن تستقبلها بحب فوجئت
بعتاب ورفض لوجودها ..

— برضه جيتى .. أنتى لازم تسافرى ما ينفعش تقعدى
هنا دلوقتى ..

— أروح فىن يعنى يا مامينا ؟..

— أى مكان غير مصر .. كفاية اللي راحوا ..

— مش معقول .. هى التهديدات مش ها تخلص مش
كفاية .. ولا أحنا ها ندفع عمرنا كلنا وبعدين اسبيك هنا
لوحدك إزاي ؟..

— أبقى لوحدي أحسن ما تموتوا إدام عيني .. أفهميني يا
كريس ..

— أنا هامشي ومش ها تعرفي لي مكان ..

وتبكي كرسيتين وتستسلم للنوم

وفي سيارة زبيده وزينب إلى جانبها .. تتصل زبيده
بنازله وتخبرها بموعد العملية ..

وزينب كأنها لا تسمع الحوار بل تعلق علي التغيرات
التي طرأت على مصر : مصر أ تغيرت كثير تصوري أنا
شفت أماكن كثيره كلها جميلة ونضيفه لكن مفيش أجمل من
مصر ولا أحلى برضه لها طعم ثاني ..

وتبتسم زبيده : آمال إيه مش أم الدنيا .. اسمعي بقي
نازله ها تيجي تحضر العملية حاولوا تنسوا بقي .. نازله
أقرب مني لكم دي زي عقيله سمعاني ..؟

وكان زينب لم تسمع أو لم ترد أن تسمع .. وتكمل
حديثها : أمتي بقي نرجع نستقر في مصر .. ؟

وتصل العربيه للسيدة زينب وتلتفت زبيده اليها : يلا يا
زينب أهو أحنا وصلنا .. مدد يا أم هاشم نخلص ونعدى على
البيت واحنا راجعين ماشى ..؟

أما نهى وبعد أن ركبت العربيه .. يرن الموبايل وتعتلى
السعادة وجهها بعد أن عرفت من المتصل : أهلا أزيك
يادكتور .. لا أنا مروحة البيت .. إنشاء الله هارجع وقت
العملية .. معقولة بالسرعة دى ميرسى قوى ..

أما رئيفه فقد وصلت المنزل وارتمت على أقرب كنبه ..
ويرن الموبايل وتتنظر لترى المتصل وتعرف إنه شريف
فتبعد الموبايل بعيداً وكأنها تعلن رفضها له .. ويكرر شريف
الاتصال عدة مرات .. وتتحرك رئيفه بعيدة عنه تماماً ..

أما حكمت فقد وصلت منزلها لتجد زوجها وقد ارتدى
جلباب وجلس على الأرض ويمسك القرآن .. وبجانبه
سبحه : أزيك يا جلال ..؟

ولا يرد عليها بل ينظر اليها بكل استنكار ورفض ..

تحيتنا هي السلام عليكم يا هانم ..

وقبل أن تجيبه يعلن استنكار آخر : وبعدين إيه المشكل
السافر المتبرج ده .. أتقنى الله وأعملى لآخرتك ..

وتردد حكمت وقد استفزها الكلام : ليه مش لللبس ده
اللى كنت بتحبه وبتؤيده ..

وبعدين أنا ملاحظه اللون الجديد ده طول معاك .. وترد
على نفسها .. لازم يطول ما هوه ده اللون الماشى لون
الدولارات والعملات الصعبة .. ياريت تقول كلام التقوى ده
لنفسك ولا نسيت ؟..

يرد وقد تلثم : يا حكمت الله غفور رحيم .. وأنا
خلاص عرفت طريقى وتبت توبة نصوحه ..

— أول مرة تقول فى حياتك كلام صدق ربنا غفور
رحيم لكن أنا بشر لا بغفر ولا أعرف أرحم .. وإنشاء الله
ربنا ها يتوب على لما يتوب على منك .. قول آمين يا شيخ
جلجل ..

ويرد باندھاش : أنتى بتهزأى وتسخرى منى ..!؟

وترد حكمت بلا مبالاة : بقواك ليه أنا جلية شوية ونزلت
تاني المستشفى عشان عملية الميت الغلبته عقيله هاند
صاحبة صالون التجميل .. أخت نازله .. معرفة زييده التي
أعطت للحياه طعم تاني ..

ويظهر الارتباك والتلعثم على وجه جلال وصوته : ومن
أمتى تعرفى الناس دول ؟..

وترد عليه حكمت بتحدى : مش مهم من أمتى .. معطر
يا جلال الدنيا صغيره وده ماضى وخلص مش كده ؟..

ويرد مسرعاً : طبعاً .. طبعاً .. الحمد لله الذى عفانا
يستحق الحمد على كل شيء ..

وتصل ناتو لبيتها .. فيلا شيك بحديقة واسعة .. وتصعد
ناتو سلام القفلا الرخامية وتدخل بهو شيك كأنه فندق خمس
نجوم وتتجه لغرفة نوم فى الدور الأول مفتوحة وشخص
ممدد على السرير فى الخمسين من عمره ..

وتتقرب منه ناتو ويكل حب تنحنى على رأسه وتقبله :
إزيك يا لوارد وحشتنى .. فين الشغالين ؟..

ولا تسمع إجابة بل مجرد هز رأس ..
وتكمل نانو الحديث : غبت عليك يا حبيبى .. أنا آسفه ..
أمال فين تيريز ؟..

ويشير أدوارد بيديه للخارج ..
وتنادى نانو بصوت مرتفع : تيريز .. تيريز ..
وتأتى سيده في الثلاثينات ..

— إيه الأخبار .. البيه عمل إيه وأنا بره ..
وتعطى تيريز تقرير لنانو بما فعله أدوارد .. فطر ..
وأخذ الحمام .. ونزلنا الجنينه شوية وقريت له الجرائد
وبعدين قال يستريح فى الأوضة عشان كده سبتة وطلعت
أشوف وراي إيه ..

وتهز نانو رأسها : عظيم .. عظيم .. وفين الباقي ؟..
— كلهم فوق يا هانم بيرتبوا اللى حضرتك طلبتيه ..
نانو : طيب يا تيريز شوفى بتعملى إيه علشان أنا شويه
وها أنزل معلى أنا تعبتك اليومين دول ..

وتتصرف تيريز من الحجرة ..
وتعود ناثو لتكلم لوارد الذى بنصت لكل حرف تقوله :
حييى أنا ما أخذ نش وأقعد معاك شوية وبعدين أروح لعقيله
عشان ما تصل الصلابة النهارده ادعى لها ..
ويرفع لوارد عينيه للسماء ..
وتكمل ناثو الحديث : تصور عندها بنتين واحده اسمها
زينب والثانية كريس الكسندر لا وليه روم لارثونكس ..
وترسم نظرة تعجب في عينيه ..
وتجلس ناثو بجوار لوارد وقد لمسكت يديه بحب ..

.....

وتنق الساعة ٧ وتبدأ السيدات فى التوافد على المستشفى
ولحده تلو الأخرى .. ويدخلن ويتحركن ويجلسن بهدوء حتى
لا تستيقظ كرستين ..
إلا إنه وبمجرد أن تكخل ناثو الحجرة نسمع صوتها
بنفس القلق والرعب : لو سمحتم افتحوا النور أنا بخاف من
الضلمة ..
ونسمع صوت رثيفه : طيب حالا أهو .. وتثور النور ..

ويبدو أن كرستين قد استيقظت من النور والدوشة :
ويرتفع صوتها في إيه .. أنا عايزه أنام .. أنا تعبانه ..
زينب : قومي فاضل ساعة ومامينا تعمل العملية ..
وبمجرد أن تسمع كرستين كلمة العملية تنتفض من
مكانها وقبل أن تفيق يُسمع خبط خفيف علي الباب ..
وتتوجه نانو لفتح الباب ..
ونسمع صوت ترحاب من نهى : أهلاً نازله هانم بنسوار
.. إتفضللى ..
وتدخل نازله ورغم أناقتها إلا إنها يبدو عليها وكأنها قد
كبرت عشر سنوات في هذا اليوم خاصة وأنها قد وضعت
نظارة سوداء على عينيها .. ومن ورائها خادمتها
الصغيرة ..؟!
وتوجه زييده الكلام لزينب وكرستين .. بصوت
منخفض : نازله بره استقبلوها كويس دى أقرب واحده لكم
في الدنيا بعدين تعرفوا .
ويظهر الاندهاش على وجهيهما ولكن بلا جدال ..
ويخرجا معاً ..

وتبدأ زينب بتحياتها بتحفظ بنسوار نازله هانم .. وتمد
يدها إلا إن نازله تحتضنها والمواع تنهمر من خلف
النظاره ..

وتتقرب كرمستين .. بنفس الذهول : بنسوار

ويتكرر نفس المشهد ..

وتحاول زييده الإقلال من حدة الموقف - إزيك يا ماموه
.. لتفضلي القعدى .. تشربى إيه .. ؟

ولا ترد نازله .. بل تبكى .. بكاء لا ينقطع ..

وتحاول السيدات تخفيف حدة الموقف ولكن بلا جدوى
ويبدو أن عدوى البكاء قد انتقلت للجميع ..

إلا إن زييده تقول بصوت باكى : طيب إيه رأيكم تشرب
حاجه وتنزل نشوفها قبل العمليه .. ويلاش العياط ده إنشاء
الله خير ..

- وسرعان ما تسألهن نانو : تشربوا إيه .. ؟

ولا يجيبها أحد ..

وتحاول نازله الوقوف بصعوبة وهي تقول : لا ننزل
أحسن .. ولا نستطيع القيام ..

وتتقدم زينب لمساعدتها وزبيده وكرستين .. ويتوجه
الباقى في اتجاه الباب .

وأمام غرفة عقيله يقف الجميع .. وتقول زبيده بحب :
زينب ادخلوا انتو للهانم وأحنا هانقف بره .. وأهو الباب
مفتوح وها نشوفها ..

وتهز زينب رأسها بالموافقة ..

وفى غرفة عقيله تبدو عقيله وكأنها استعادت نشاطها
وعافيتها ودبت الصحة والحياء في وجهها .. وبمجرد أن
ترى زينب وكرستين ونازله تفرد ذراعيها ويعلو صوتها
بالترحاب لدرجة أذهلت الواقفين حتى خارج الحجرة ..

ويرتفع صوت عقيله مرحباً : زيزا حبيبتي .. كريس
سامحونى ناتالى أختى حبيبتي ظلمتك كثير .. ويقترب الثلاثة
منها .. إلا أنها لا تتوقف عن الكلام وكأنها قد ادخرت
عافيتها لهذه اللحظة :

زينب شكك جميل لوى الإشارب حلو عليكى ..
كريستين لوعى ترعلى منى .. أحنا ضحينا بحاجات كثير
عشانكم .. نأتالى .. ولادى أمانة عندك .. دلوقتى مالموش
حد غيرك .. وتغيب عقله لثوانى وتعود .. للكلام :

نأتالى هى الوصية عليكم .. كأتى أنا .. أنا خلاص
ماشيه ..

وتقاطعها زينب وهى تخفى دموعها : بعد الشر عليكى
.. ما تقوليش كده ..

وتكمل كريستين : إنتى ها تعملى العملية وتطلعى
سلمعاتى .. لوعى تسبينى تلتى لوعى .. وتبكى ..

وتتقرب نأتالى .. ولأول مرة نسمع اسم عقله الأصلى
منها : رافاييله أختى حبيبتى أنا جنبك ياريتتى أنا .. اعملى
للعملية خلاص مفيش حاجة تخوفنا .. ها نعيش مع بعض
كلنا .. وتبكى ..

وتعيق عقله وتعود للكلام : لوعو تعيطوا أنا راحه
للعدرا ولحسين وأحمد والبرتو ..

ولم تحتل زبيده الموقف بالخارج .. فتلفت للباقيات أنا
داخله اسلم عليها ..

وتكمل الباقيات الجملة بكل حب : واحنا كمان .. ويدخل
الجميع للحجرة ..

وتلفت اليهن عقيله وتكمل كلامها : مش معقولة زبيده
.. ازيك .. ومين دول آه .. أنا كنت عارفه أنكم كنتم ها
تبقوا أصحاب أوعو تفرطوا فى بعض .. الصداقة حلوه ..
وتغيب .. عن الوعى مرة أخرى .

وتتم السيدات بالدعاء ..

نانو : ربنا معاكى ..

رثيفه : إن شاء الله ها تبقى كويسه ..

وتتكلم عقيله وكأنها من كوكب آخر : زينب .. كرستين
أمانة عندك أوعى تزعلنى منهما خلى بالك منهم ..

وتلفت لكرستين : كريس زينب أمانة عندك خلى بالك
منها .. أوعى تسيبوا مصر مفيش مكان يجمعكم أحسن منها
.. خلاص الخوف راح .. أوعدونى .. أوعدونى .. أوعدونى

.. ناتالى للولاد .. وتغيب .. ونسمع صوتها ينادى : أحمد
حسين البرتو ..

وتدخل للممرضات الحجرة ويبدو أنهن يحضرنها للعملية
ويبدأن فى إعطائها أنواع من المهدئات وتنقل إلى سرير
آخر لإدخالها غرفة العمليات ..

وتخرج السيدات من الحجرة . واحده تلو الأخرى .

وتقف ناتالى وكرستين وزينب فى الخارج مذهولات ..
وكان الحدث يمر أمامهن ولا يستطيعن إيقافه أو عمل أى
شئ ..

وتخرج عقيله من الحجرة وقد ارتدت قميص العمليات
الأزرق قد غطت شعرها .. وتتلاى ما بين اليقظة والمنام :
ناتالى للبنات يا عدرا يا عدرا .. ويهدأ صوتها ..
وتختفى داخل غرفة العمليات .. ويغلق الباب .. خلفها ..

ويقف الجميع وراء الباب وكان على رؤوسهن الطير ..

وتقطع كرسيتين هذا الصمت : المفروض العملية تأخذ
وقت قد ليه ؟..

نهى : معرفش .. ممكن نسال أى ممرضة ..
رثيفه : أنا هاروح اسأل .. وتتجه للخارج ..
أما زييده فقد أحضرت كرسى لنازله هاتم .. التى يبدو
وكأنها ستموت قلقاً
أما نانو فلم يقنعها الحوار الذى سمعوه بالخارج وتتوجه
بالسؤال إلى نازله :
_ هو حضرتك أخت رافاييله .. ١٩
وكان الجميع قد فاق من الحدث وتذكر ما سمعوه منذ
قليل ..
ولا ترد نازله .. وكأنها لم تسمع إلا إن زينب تعيد نفس
السؤال وهى مذهولة
وهنا ترد نازلى : أيوه أنا أخت رافاييله الصغرى .. ودى
حكاية طويلة مش وقتها.. كرسيتين مندهشه
_ ايه أنتى أخت أمى .. أزاي .. ونعرف دلوقتى ..!!
وتعود رثيفه .. وقد تهلل وجهها أو هكذا أظهرت :
العملية لو ليزر مش ها تاخذ إلا ١/٢ ساعة .. ولو لا قدر الله
فتح دماغ محدش يقدر يعرف الوقت أد ايه ..

ويسكت الجميع ..

إلا إن كرستين .. تروح وتجيء .. وتوجه الحديث
لنازله : أنا كنت دائماً بحس أن فى حاجة بين ماميتا وبينك
أكثر من الصداقة أو أنكم من بلد واحد لكن كنتم مستئين إيه
علشان تقولو لنا .. بعد العمر ده كله .. ليه ده أحنا
فلكرينك .. وعلى الفور تتدخل زبيده ..

مش وقته .. عرفت لما جه الألوان ..

وتتوجه زينب بالسؤال : زبيده أنتى كنتى عارفه ..
الحكاية دى

ولا ترد زبيده .. وتشيح بوجهها بعيداً ..

وتتحطى رثيفه على نهى والباقيات : أعتقد إن ملناش
مكان هنا .. نطلع أحسن .. فوق

وتؤيد السيدات هذا الكلام ..

وتخرج الممرضة من غرفة العمليات ووجهها لا يحمل
أى تعبير .. وقبل أن يسألها أحد : الليزر مش نافع .. ها
نضطر نفتح .. لدعوا لها ..

وهنا تقع كرستين : أيه هي وصلت لادعو لها .. يا
عدرا يا عدرا .. ألحقينا ..

وتقترب زينب وناتالي منها ..

وتبدأ السيدات بالأنسحاب واحده تلو الأخرى ويبدو أن
أحداً لم يشعر بإنسحابهن وتظل زبيده إلى جانبهم ..
إلا أن نازله تنتظر اليها وتقول : خليكي مع ضيوفك
يا زبيده ..

وتهز زبيده رأسها وتتصرف

وتقف نازله وإلى جانبها كرستين وزينب ..

وتبدأ ناتالي في الكلام : ادعوا لرفايله احنا تعبنا من
ساعة ما سيينا بلدنا .. ولم جيتم نورتم دنيقتنا عملنا المستحيل
علشان نبعدكم عن كل المشاكل أنا عارفة إن في حاجات كتير
أنتم مش فاهمينها وعازين تعرفواها وأكد ها تعرفوها ..
لكن اللي عازاكم تعرفوه أن احنا عملنا كل اللي يخليكم أسعد
ناس وماتشفوش اللي شفناه ..

زينب : كان دايما جوابا سؤال ليه مامينا اتجوزت بعد
بابا على طول ..

وترد ناتالى وقد علا وجهها أسى وحزن : ده بالأمر
ياحبيبتى علشان يبقى عندها حماية .. ولولا الحكومة
المصرية وحمايتها المستمرة .. يمكن كلنا كنا متنا .. عشان
كده لازم ترجعوا مصر أضمن .. واوعوا تفكروا انكم كنتم
لوحدكم أحنأ اضطررنا نسفركم لأن كان فيه حسابات مش
هاقدر أفهمها لكم .. لكن لازم تعرفوا إن قلبنا كان بيتقطع
عليكم حتى القضية اللي دفعح حسين تمنها .. أنا عرفت بعد
كده أن ده أقل حاجه ممكن تقدمها لمصر بعد كل اللي قدمته
لنا .. وبعدين ها نقعد أنا ولأنتم ورافايله ونحكى وتفهموا
ونعوض كل اللي فات ..

ولا تعلق للبنتان بشيء بل يقتربا منها ليشعرا بالأمان ..

.....

وفي الجناح تدخل السيدات ويجلسن في الصالون
وتضىء رثيفه للنور ..
وتبدأ نهى في الجوار : أنا ها شرب نسكافيه حد
عليز .. ؟

ويهرز الجميع رأسه بالموافقة ..
وتدخل زبيده بعدهن بقليل .. وقبل أن تجلس ..

تسألها رثيفه بتعجب : زبيده .. أنتى ليه مقلتيش أن
نازله وعقيله يبقوا أخوات ؟..

وترد زبيده بهدوء : لأن دى مش حياتى ومش من حقى
اتكلم عليها .. أنا حقيقى مرحتش مدارس لكن برضه يعرف
ايه اللى ينقال وايه اللى ما يتقلش ..

نهى : أصيله يا زبيده .. بس تصوروا لما عرفت أنهم
أخوات حسيت أنى غيبه الواحد لو ربط الأحداث والشبه كان
لازم يعرف أن بينهم حاجة ثانيه ..

وتتدخل نانو فى الحديث : مش ممكن أحكى بقى
حكايتى .. ؟

ويستكت الجميع مرة أخرى ..

إلا إن حكمت والتي لم تتكلم معظم الوقت : أحكى
يانونو ..

وتعلق رثيفه على كلام حكمت : أخيراً سمعنا صوتك ..
كنتى فين .. وحشتنا الغلاسة ..

ويبتسم الجميع ..

نهى : طيب يلا يا نانو .. أهو كرسى أعتواف .. أحكى

وكلنا سامعين ..

وتستعد نانو للكلام ..

الحكاية الخامسة .. نانو

أنا نانو اسكندر عطا .. والدى أكبر صائغ ألماظ وذهب
فى مصر ..

وقبل أن تكمل جملتها تعلق زبيده بإستتكار : ايه أكبر
صائغ أنا عمرى ما شفت فى أيدك غير فضه ..
ويضحك الجميع ..

وتعلق نهى : دى مش فضه ده ذهب أبيض وألماظ ..
وبعدين خليها تحكى ..

وتبتسم نانو .. وتكمل الحديث ولا تتوقف عند هذه
الجزئية : والدتى من أصول لبنانية فرنسيه وهى ماتت وأنا
عندى حوالى سبع سنين عندى أخ أكبر منى بسنتين أتعلمت
فى المدرسة الألمانية واتخرجت من الجامعة الأمريكية ..
اقتصاد وعلوم سياسية .. ومتجوزه بس هى دى الحكاية ..
وتتظر السيدات لبعضهن البعض ..

وتعلق نهى: اختصرتى عمرى كله فى دقيقة معقولة هى
دى حياتك مفياش أى حاجة كده ولا كده ..!؟

وتبتسم نانو بحزن : صدقوني أنا مش قصدى أخبى ..
بس مش عارفه ابتدى منين ولا أقول إيه ؟..

رثيفه : يا ستى أبتدى من وأنتى صغيرة احنا لسه
معانا وقت ..

وتبتسم نانو ويتغير وجهها المبتسم دائما : زى ما قلت
مامى ماتت وأنا صغيرة قوى .. وهى كانت الوحيدة اللى
بتدلعنى وتهتم بى .. دادى كل اهتمامه كان بمينا وعيد ميلاد
مينا ومدرسة مينا وتمارين مينا يعنى الدنيا عنده هى مينا
ويس وكلنا كماله عدد وطبعا لما مامى ماتت حسيت بالوحدة
الفظيعة .. ودادى كل اللى عمله إن جاب داه وطبعاً هى
محدوده فى كل حاجة حتى فى السن اللى أحتجت أوى جنبى
ملقش حد .. ومينا مشغول دايما وكل اللى نفسه فيه بيتعمل
قبل ما يطلب وتسكت تماما .. وأنا زى ما قلت لكم خريجة
الراهابات الألمانية حقيقى هم بيزرعوا فينا حب الرب
وخدمته .. بس معاملتهم كانت جامده جداً .. وباستمرار كنت
لوحدى ..

والبيت كان عامل زى الكبارية .. يمكن الكبارية له
مواعيد يقفل ويفتح وأجازات حتى الكباريات بتقف فى
رمضان .. مش كده .. ؟

وترد نهى : كده ..

وتكمل نانو الحديث : هو ده كان بيتنا .. حتى فى رأس
السنة كل مرة داذى ياخذ مينا ويسهر وكل مرة أقولهم تقسى
أخرج معاكم وأسهر .. ولا كأنهم سامعنى .. علشان كده لما
داذى قال إنه ها يعمل الحفلة فى البيت فرحت وقلت فرصة
أنفرج وأشوف الناس بتعمل إيه ..

وتقاطعها رثيفه : ممكن بس قبل لما تكملى أعرف إنتى
ليه بتخافى من الضلمه أوى كده .. ؟

ويظهر الرعب والخوف على وجه نانو .. وتبدأ الكلام
مرة أخرى : أنا ما تكلمتش فى الموضوع ده من ساعة
الأعتراف حتى فى الاعتراف معرفتش أقول حاجة ..

وتميل زبيده برأسها على نهى : إعتراف إيه .. نهى
عملت اعتراف غير ده .. ؟

وترد نهى : بعدين يا زبيده هافهمك ..

وتتظر لنانو .. وتشجعها لكى تكمل : ولا يهملك
متخافيش .. مهما قلتى مش ها يكون أوحش من اللى عرفناه
عن بعض .. ولا أنا غلطانه .. ؟

ويهبز للجميع رأسه بالموافقة ..

نانو : البيت كان كبارية مفتوح ٢٤ ساعة والذى فى
دنيا غير الدنيا .. وعيلتى معظمها عايش بره .. وتصوروا
رغم إن أصحاب داذى كانوا أغنى أغنياء البلاد لكن أخلاقهم
كانت أخط أخلاق .. وتسكت وتتهدد ..

وتكمل كلامها بحزن وأسى : ولما كان عندى حوالى
١٤ سنة يعنى يادوبك جسمى بدأ بيان انى بنت . داذى قال
يحتفل برأس السنة فى البيت .. وقلت أنزل أسهر وأنفرج

وتقاطعها زبيده : وإيه تتزلى تسهرى وسط ناس
زى دول .. !؟

وترد نانو بيبأس : كان نفسى أحضر حفلات زى
أصحابى ويوم رأس السنة اتحايلت على مينا يسهرنى معاه ..

قالى لا انتى خليكى فى البيت .. قلت انزل أشوف أنا كمان
وبعدين متمشيش أن كلهم أصحاب دادى .. وكبار ..

رثيفه : عادى فى السن ده الواحد يبقى عايز يعرف كل
حاجه ويرقص ويهيف ..

وترد نانو بهدوء : أنا مكنتش عايزه أرقص ولا حاجة
أنا قلت أتفرج وإتبسط وخلص ويومها الدنيا كانت هيصه
ودوشه ورقص وصريخ هنا وهناك وضحك وشرب ويسكى
وشمبانيا مولد يعنى محدش سامع حد .. وأنا كنت قاعدة على
الكنبة لوحدى بعيد .. بتفرج وماليش دعوه بحاجه .. حتى
بيتهيلالى محدش حس بوجودى .. وفجأة أطفى النور وحسيت
إن واحد إترمى على .. وحاولت أقاوم ومعرفتش .. وقعت
أصرخ أصرخ وأنادى يا دادى .. لكن صوتى راح وسط
الأصوات الثانية .. ويبدأ صوتها فى النهجان والخوف
وتسكت ..

وتتعجلها رثيفه : حصل ايه ..؟

وتبكي نانو .. وتسكت .. وقد علت وجهها زعر
ورعب ..

نهى وهى مذهبوله : ما تقوليش اعتدى عليكى حد ..

وتسكت نانو تماما وتهز رأسها بالإيجاب ..

فتنفض زبيده : يا مصيبتى بيوت الناس جرى فيها

ايه ..؟!

وتكمل نانو الحديث : لما النور ولع بصيت حواليه

وجنبى الصورة كانت زى ما هى ولا كان حاجة حصلت ..

اللى كان يشرب بيشرب واللى بيرقص بيرقص ولا كان

حاجة اتغيرت وده خلانى ما بتقش فى حد خالص .. ويكره

الضلمه واخاف منها .. أنا بس اللى حسيت بالمصيبة اللى

حصلت أنا بس اللى كنت بعيط .. وفين لما مشيوا ودادى فاق

وحكى له ..

ومن بعد اللى حصل ودادى اتغير خالص .. وكل اللى

كانوا معزومين عندنا ستات ورجاله قطع صلته بهم تماماً ..

وبطل يشرب خالص .. واتغيرت حياتنا ..

وتقاطعها زبيدة مستفسرة : طيب وعملتى ايه فى

نفسك بعد المصيبة دى ..؟!

وتتظر نانو بعيداً: طبعاً ماكنش ممكن أروح لأى دكتور
فى مصر كلهم يعرفوا دادى .. سافرنا عند أهل والدتى فى
كندا ومن الكشف اتضحت المصيبة وهناك العمليات دى
غريبة عليهم لكن قريبه والدتى قالت لدادى قبل ما تعمل
العملية دى لازم نعرف إذا كانت حامل ولا لأه وطبعاً
بالتحاليل أتأكدوا انى حامل .. وهناك القانون يمنع الإجهاض
تماماً وعرفنا إن محدش بيعمل العمليات دى إلا الدكاترة
اليهود وبأسعار خيالية وعملت العملية لكن اكتشفنا بعد كده أن
الدكتور ربط انابيب التبويض ..

وتتدخل نهى بفرع : يعنى ايه مش هاتخلفى .. ولا
أيه ؟..

وتهز نانو رأسها بالايجاب وقد امتلأ وجهها بالدموع ..
رئيغه : يا حبيبتي واحنا اللي كنا فاكربين مفريش أسعد
منك ..

حكمت : وحصل أيه بعد كده ؟..

وتكمل نانو الحكاية والدموع تملأ وجهها : رجعنا مصر
.. وبقيت بخاف من الضلمة ومن الناس واللى غايظنى ..

إنى لغاية دلوقتى معرفش مين القدر اللي عمل كده .. علشان
أخذ حقى منه .. وقرفت من الرجالة كلهم .. وقلت أحسن
حاجة أدخل الدير وأخلص من الحياه ..

نهى : مش بالبساطة دى مش كدة .. ولا أنا غلطانة ؟..

نانو : بالضبط لأن دخول الدير هو لخدمة الرب مش
للهرب من المشاكل ..

رثيفة : آمال عملتى أية ..؟

وتبتسم نانو كمعاداتها : أبدا فى يوم كنت راحه الكنيسة
لقيت واحد قاعد على كرسى معرفش إيه اللي استوقفنى فيه
.. وكنت باشوفه كتير .. وفى كل مرة ابتسم له وبيبتسم لى ..
وفى اليوم ده تشجعت ورحت عرفته بنفسى .. وعرفت إن
اسمه إدوارد حنا وإنه كان مهندس وعمل حادثة كبيرة أفقدته
نصفه التحتانى يعنى لايتحرك ، ولكن يسمع ويحرك يديه
وعينه ولكن صعب أن يتكلم .. وتصوروا وجدت نفسى معه
.. وكنا بنتكلم فى كل حاجة بلغتنا .. وفى يوم قلت له :
إدوارد أنا عايزه أكمل معاك بقية عمرى ..
ويعلو صوت زبيدة مستنكرة : مجنونه ..

وترد رئيفه مدافعه عنها : أبدا ده عين العقل .. هى لقت
الدير بتاعها ..

نانو : هو كدة بالضبط .. وقلت لدادى ومينا وطبعا
مرضيوش .. ودادى قالى انتى بتدفى شباك بالحيا العمر
ادامك .. قلت له شبابى ادفن من يوم رأس السنة .. ولكن مع
اصرارى محدش قدر يمنعنى من انى إرتبط بإدوارد ..

وتبتسم نهى : ياقوتك .. ده إنتى حكاية ..

وتضحك نانو وتكمل : ومن ساعتها وأنا متجوزه إدوارد
لكن بخاف من الضلمه ..

وكعادة حكمت فى إقحام نفسها : طيب يانانو .. يعنى
حسب مافهمت أن تقريبا مفيش علاقه بينك وبين جوزك ..
ومع ذلك يعنى انتى حريصه على المرواح لعقبه وتغيير لون
وموديلات شعرك .. يعنى واخذه بالك من نفسك أوى ..

وترد نانو بكل ثقه : لنفسى .. وبعدين أنا قلت أدوارد
مشلول مش أعمى !!..

زبيدة : وكده كملت حكايتنا .. وتتهدد تتهيده طويله
وسرعان ماتقول ايه رأيكم ننزل نبص على الناس اللي تحت
أهوات يجي ساعة وأكثر ولا أيه رأيكم ؟..

وتعلق رثيفه : كلامك مضبوط .. بس أنا عايزه أقولكم
حاجه أنا معنديش أخوات بنات ياريت تكونوا أخواتي ..

وتكمل حكمت : أنا عندي أخوات لكن رب أخ لم تلده
أمك أنا كنت لسه هاطلب نفس الطلب .. ولو اني مش مرحبه
أوى .. وتبتسم بحب .. لكن برضه يمكن تنفعوا ..

نهى : يعنى نفهم من كده أننا أغلبيه موافقون ؟..

ويرد الجميع : موافقه .. ويتجهن إلى حيث غرفة
العمليات ليجدوا نازله والبنات أكثر التصاقا وقد بدا على
وجوههن الحب وإن كان الذعر أوضح ..

وتتوجه زبيده بالحديث : أيه الأخبار ؟..

وتهز كرستين كتفها .. وتشيح بوجهها بعيدا .. وتجيها

زينب بيأس مفيش حاجة لغاية دلوقتي ..

وبعد قليل يخرج الدكتور حلمى .. من غرفة العمليات
ويحاول قدر المستطاع أن لا تلتقى عينيه بعيني أحد من
الواقفين .. ويليه دكتور آخر .. وقد ارتسمت على وجهه
علامات الحزن

ولم تستطع زينب أن تمتلك نفسها ويرتفع صوتها : حد
يقول فى آيه ..؟

ويخرج آخر دكتور والاجابه واضحة على وجهه ..

وتصرخ كرستين : ماميتا .. ماميتا أنا اللي كتبت شهادة
موتك أنا ..

وقد وقفت زينب صامته وكأنما تسمرت فى الأرض
.. وقد فتحت فمها مدهوله

وصرخت نازله بصوت مكتوم : آه ياربى رافاييله مع
المسيح يارافاييله .. آه ياقلبى ..

أما زبيده فقد أخذت فى اللطم إلا أن رثيفه امسكت
يدها : الصبر الصبر ..

ونانو أخذت فى البكاء وكأنما فقدت عزيز غالى : هى
مش قريبتى لكن كأنما صحت موت مامى الرب يرحم الاثنين
وياى دكتور حلمى : فين أقاربها .. علشان
الاجراءات ؟..

وتتقدم زينب و.. كرستين و.. ناتالى ..
وقبل أن تذهب كرستين توجه الحديث لنانو : أحنا روم
ارثوذكس معرفش اجراءات الدفن هنا ايه ..
وترد نانو بحب : ماتقليش كل حاجة هاتكون زى ما
انتى عايزه ..

ويتكلم د/ حلمى مع نازلى وزينب ولا يسمع الآخرين
صوتهم .. وإن كانت زينب تهز رأسها من وقت لآخر ..
ويعلو صوتها .. ليسمعه الجميع : أنا عارفه يادكتور
انكم عملتم كل اللي تقدروا عليه .. قدر الله وماشاء فعل ..
ويقف الجميع أمام غرفة العمليات ..
وتوجه كرستين الحديث لنازلى : أنطى ناتالى .. عايزه
أعمل اعلان وفاة فى الجرائد ..

وتتدخل زينب : إيه لزمته ؟..

إلا إن ناتالى تؤيد رأى كرسيتين : طبعا ها يتعمل فى كل
الجرائد وباسمها الأصلى وأنا كمان بأسمى الأصلى .. مش
معقول تعيش مختلفة حياة وموت ..

وتقترب نانو منهن لتأخذ البيانات ..

وتقف بقية السيدات ينتظرن ..

وتعود نانو بالورقة فى يديها .. وتدخل ناتالى .. زينب
كرستين لإلقاء نظرة الوداع على رافاييل .. ورغم ان الوقت
لايسمح الا إن زبيدة تعلق على ماحدث بتلقائية شديدة :
خلاص .. خلصت حكاية صالون عقيلة .. ياترى حكايتنا
الجاية إيه .. وتسكت ..

وعلى الفور تجيب نهى وهى مبتسمة : أكتبى أول قصة
.. د/ حلمى يتصل بى .. وفى استلطف ..

ويبتسم الجميع ..

أما رئيفه : ثانی قصة یامور جابه مصر فی خلال شهر
.. وهافتح مشروع لباسل فی مصر .. وعلى فكره یازبیده أنا
شفت حته أرض هایلله للمشروع بتاعك ..
وتكمل زبیده : أنا ماشیه مش بطل فی الكمبيوتر
وجاهزه للمشروع ..

وبتلقائیه تكمل نانو الحديث : أنا معندیش مشاريع ولا
أخوات لكن معاكم ها ببقى عندى أربع أخوات وفى كل
المشاريع أیدی فی أیدكم .. وتقترب حكمت لتمسك یدها
بحب ...

المحتويات

٢	الموضوعات	الصفحة
١	إهداء	٣
٢	الحكاية الأولى .. زييده	١٧
٣	الحكاية الثانية .. رثيفه	٥٩
٤	الحكاية الثالثة .. نهى	٩٣
٥	الحكاية الرابعة .. حكمت	١٢١
٦	الحكاية الخامسة .. نانو	٢٠١

دار النيل

للنشر والطبع والتوزيع

١٢ شارع عبده بدران

م. الباشا - النيل - القاهرة

ت: ٢٣٦٢٢٥٧٨

رقم الإيداع لدار الكتب

٢٠٠٧/٨٤٥١

الترقيم الدولي

I.S.B.N.: 977-8451

حقوق الطبع محفوظة للمؤلف

